



জসীমউদ্দীনের

শ্রেষ্ঠ কবিতা

জসীম উদ্দীনের
শ্রেষ্ঠ কবিতা

জসীমউদ্দীনের

শ্রেষ্ঠ কবিতা



দে'জ পাবলিশিং ॥ কলকাতা ৭৩

JASHIMUDDINER SRESTHA KABITA
Best Poems of Jashimuddin
Published by SUDHANGSHU SEKHAR DEY
Dey's Publishing
13 Bankim Chatterjee Street, Calcutta 700 073
Rs. 60/-

প্রকাশ : ডিসেম্বর ২০০০

প্রচ্ছদ : গৌতম রায়

দাম : ষাট টাকা

ISBN : 81-7612-727-2

প্রকাশক : সুধাংশুশেখর দে । দে'জ পাবলিশিং
১৩ বঙ্কিম চ্যাটার্জি স্ট্রিট । কলকাতা ৭০০ ০৭৩

শব্দগ্রন্থন : অরিন্জিৎ কুমার । লেজার ইম্প্রেশন্স
২ গগেন্দ্র মিত্র লেন । কলকাতা ৭০০ ০০৪

মুদ্রক : স্বপনকুমার দে । দে'জ অফসেট
১৩ বঙ্কিম চ্যাটার্জি স্ট্রিট । কলকাতা ৭০০ ০৭৩

জসীমউদ্দীনের
শ্রেষ্ঠ কবিতা

সৃষ্টি

রাখালী	
রাখালী	৭
এই গাঁয়েতে একটি মেয়ে	
রাখাল ছেলে	১০
রাখাল ছেলে! রাখাল ছেলে!	
কবর	১২
এইখানে তোর দাদির কবর	
শাকতুলুনী	১৬
ও কান বউ এল আজ	
ক্যাণ-দুলালী	১৬
কলমিলতা শাড়ি মেয়ের	
বোশেখ শেখের মাঠ	১৭
বোশেখ শেখে বালুচরের	
নক্সী-কাখার মাঠ	১৯
এই গাঁয়ের এক চাষার ছেলে	
বালুচর	
উড়ানীর চর	৩৮
উড়ানীর চর ধুলায় ধূসর	
কাল সে আসিবে	৪০
কালকে সে নকি আসিবে	
কাল সে আসিয়াছিল	৪১
কাল সে আসিয়াছিল ওপারের বালুচরে	
দুরাশা	৪৭
শূন্য নদীর কূলে	

আর একদিন আসিও বন্ধু ৪৭
আর একদিন আসিও বন্ধু

ধন বেত

কৃষাণী দুই মেয়ে ৫০
কৃষাণী দুই মেয়ে

রাখালের রাজগী ৫১
রাখালের রাজা! আমাদের ফেলি

যাব আমি তোমার দেশে ৫৪
পল্লী-দুলাল, যাব আমি

চৌধুরীদের বথ ৫৬
চৌধুরীদের বথ

রঙিনা নায়ের মাঝি ৫৯
উজান গাঙের নাইয়া!

সোজন বাড়িয়ার ঘাট ৬৪
আরবে আর ছেলের পাল মাছ ধরতে যাই

হাসু

আমার বাড়ি ৯৮
আমার বাড়ি যাইও ভোমর

পালের নাও ৯৯
পালের নাও, পালের নাও, পান খেয়ে বাও

বছিরদি মাছ ধরিতে যায় ১০০
রাত দুপুরে মেঘে মেঘে

পলাতকা ১০১
হাসু বলে একটি খুকু

রূপবতী

গৌরী গিরির মেয়ে ১০২
হিমালয় হতে আসিলে নামিয়া

অনুরোধ ১০৬
তুমি কি আমার গানের সুরের

পদ্মাপার

পদ্মাপার

১০৭

ও বাবু সেনাম বারে বর

কে যাসরে রঙিলা মাঝি

১০৮

কে যাসরে রঙিলা মাঝি

সোনার বরণী কন্যা

১০৯

সোনার বরণী কন্যা সাজে নানা রঙ্গে

এক পয়সার বাঁশী

খোসমানী

১১০

তেপান্তরের মাঠে বে ভাই

আসমানী

১১০

আসমানীকে দেখতে যদি তোমরা সবে চাও

পূর্ণিমা

১১১

পূর্ণিমাদের আবাস ছিল

মাটির কাদা

দেশ

১১৩

খেতের পরে খেত চলেছে

জলের কন্যা

১১৫

জলের উপরে চলেছে জলের মেয়ে

এ লেডি উইথ এ ল্যাম্প

১১৭

গভীর রাতের কালে

রজনী-গন্ধার বিদায়

১১৮

শেষ রাতের পাণ্ডুর চাঁদ

বাস্তত্যাগী

১১৯

দেউলে দেউলে কানিছে দেবতা

কমলা রানীর দীঘি

১২১

কমলা রানীর দীঘি ছিল এইখানে

সকিনা

সকিনা

১২৩

দুখের সায়ে সাঁতারিয়া আজ

সুখের বাসর	১২৪
নয়ী জমিদার আদিলশীন	
কৈশোর যৌবন দুহু মেলি গেল	১২৭
এখনে গন্ধ বন্ধ কোবকে	
হলুদ বাঁটিছে মেয়ে	১২৯
হলুদ বাঁটিছে হলুদববনী মেয়ে	
 জলের লেখন	
অনুরোধ	১৩০
ছিপছিপে তার পাতলা গঠন	
কবিতা	১৩১
তাহাবে কহিনু	
হেলেনা	১৩২
নতুন নতিনী, সুচারুহাসিনী	
 তরুর সেই দিনগুলিতে	
বঙ্গ-বন্ধু	১৩৩
মুক্তিবধু রহমান।	
ধামবাই রথ	১৩৫
ধামবাই রথ, কোন অতীতের	

রাখালী

এই গাঁয়েতে একটি মেয়ে চুলগুলি তার কালো কালো,
মাঝে সোনার মুখটি হাসে আঁধারেতে চাঁদের আলো।
রানতে বসতে, জল আনতে, সকল কাজেই হাসি যে তার,
এই নিয়ে সে অনেক বারই মায়ের কাছে খেয়েছে মার।
সান্ করিয়া ভিজ়ে চুলে কাঁখে ভরা ঘড়ার ভারে
মুখের হাসি দিগুণ ছোটো কোনোমতেই ধামতে নারে।

এই মেয়েটি এমনি ছিল যাহার সাথেই হতো দেখা,
তাহার মুখেই এক নিমেষে ছড়িয়ে যেত হাসির রেখা।
মা বলিত, 'বড়ুরে তুই, মিছেমিছি হাসিস বড়ো...'
এ শুনেও সারা গা তার হাসির চোটে নড় নড়।
মুখখানি তার কাঁচা কাঁচা, না সে সোনার না সে আবির,
না সে করুণ সাঁজের গাঙে আধ-আলো রঙিন রবির।
কেমন যেন গাল দুখানি, মাঝে রাঙা ঠোঁটটি তাহার,
মাঠে-ফোটা কলমি ফুলে কতকটা তার খেলে বাহার।

গালটি তাহার এমন পাতল, ফুঁয়েই যেন যাবে উড়ে,
দু-একটি চুল এলিয়ে পড়ে মাথার সাথে রাখছে ধরে।
সাঁঝসকালে এ-ঘর ও-ঘর ফিরত যখন হেসে-খেলে,
মনে হতো চেউয়ের জলে ফুলটির কে গেছে ফেলে!
এই গাঁয়ের এক চাষার ছেলে ও-পথ দিয়ে চলতে ধীরে,
ওই মেয়েটির রূপের গাঙে হারিয়ে গেল কলসটির।
দোষ কি তাহার? ওই মেয়েটি মিছেমিছি এমনি হাসে,
গাঁয়ের রাখাল! —অমন রূপে কেমনে রাখে পরানটা সে?
এ পথ দিয়ে চলতে তাহার কোঁচার হুঁমু যায় যে পড়ে,
ওই মেয়েটি কাছে এলে আঁচলে তার দেয় সে ভরে।
মাঠের হেলের নাস্তা নিতে ইঁকোর আগুন নিবে যে যায়
পথ ভুলে কি যায় সে ওগো, ওই মেয়েটি রানছে যেথায়
নীড়ের ক্ষেতে বারে বারে ভেঁটাতে প্রাণ যায় যে ছাড়ি,
ভর-দুপুরে আসে কেবল জল খেতে তাই ওদের বাড়ি।

ফেরার পথে ভুলেই সে যে আমার আঁটির বাঁশিটিরে,
 ওদের ঘরের দাওয়ায় ফেলে মাঠের পানে যায় যে ফিরে।
 ওই মেয়েটি বাজিয়ে তারে ফুটিয়ে তোলে গানের বাধা,
 রাঙা মুখের চুমোর চুমোর বাজে সুখের মুখের কথা।
 এমনি করে দিনে দিনে লোক-লোচনের আড়াল দিয়া,
 গেঁয়ো মেহের নানান ছলে পড়ল বাঁধা দুইটি হিয়া।
 সাজের বেলা ওই মেয়েটি চলত যখন গাউণ্ডের ঘাটে,
 ওই ছেলেটির ঘাসের বোঝা লাগত ভারি ওদের বাটে।
 মাথার বোঝা নামিয়ে ফেলে গামছা দিয়ে লইত বাতাস,
 ওই মেয়েটির জল-ভরনে ভাসত চেউয়ে রূপের উছাস।
 চেয়ে চেয়ে তাহার পানে বলত যেন মনে মনে,
 'জল ভর লো সোনার মেয়ে, হবে আমার বিয়ের কমে?'
 কলমি ফুলের নোলক দেব, হিজল ফুলের দেব মালা,
 মেঠো বাঁশি বাজিয়ে তোমায় ঘুম পাড়াব, গাঁয়ের বালা।
 বাঁশের কচি পাতা দিয়ে গড়িয়ে দেব নথিটি নাকের,
 সোনালতায় গড়ব বাল্য তোমার দুখান সোনা হাতের।
 ওই না গাঁয়ের একটি পাশে ছোট্ট বেঁধে কুটিরখানি
 মেঝেয় তাহার হাড়িয়ে দেব সরষে ফুলের পাপড়ি আনি,
 কাজলতলার হাটে গিয়ে আনব কিনে পাটের শাড়ি।
 ওগো বালা! গাঁয়ের বালা! যাবে তুমি আমার বাড়ি?'

এই রূপেতে কত কথাই আসত তাহার ছোট্ট মনে,
 ওই মেয়েটি কলসি ভরে ফিরত ঘরে ভতফণে।
 রূপের ভার আর বইতে নারে, কাঁথখানি তার এলিয়ে পড়ে
 কোনরূপে চলছে ধীরে মাটির ঘড়া জড়িয়ে ধরে।
 রাখাল ভাবে, কলসখানি না থাকলে তার সরু কাঁখে,
 রূপের ভারেই হয়ত বালা পড়ত ভেঙে পথের বাকি।
 গাউণ্ডের জল ছিল ছল ছল বাহুর বাঁধন সে কি মানে,
 কলস ঘিরি উঠছে দুলি গেঁয়ো বালার রূপের টানে।

মনে মনে রাখাল ভাবে, 'গাঁয়ের মেয়ে! সোনার মেয়ে।
 তোমার কালো কেশের মতো রাতের আঁধার এল ছেয়ে:

তুমি যদি বল আমায়, এগিরে নিয়ে আসতে পারি
 কলাপাতার আঁধার-ধেরা ওই যে ছোটো তোমার বাড়ি।
 রাঙা দুখান পা ফেলে যাও এই যে তুমি কঠিন পথে,
 পথের কাঁটা কত কিছু ফুটতে পারে কোনোনামতে।
 এই যে বাতাস—উতল বাতাস, উড়িয়ে নিলে বুকের বসন,
 কতখন আর রূপের লহর তোমার মাঝে রইবে গোপন!
 যদি তোমার পায়ের খাড়া যায়বা খুলে পথের মাঝে,
 অমন রূপের মোহন মোহে সাঁঝের আকাশ সাজবে না যে!
 আহা! আহা! সোনার মেয়ে। একা একা পথে চল,
 ব্যথায় ব্যথায় আমার চোখে জল যে ঝরে হল ছল।'
 এমনিতর কত কথায় সাঁঝের আকাশ হতো রাঙা,
 কখন হৃদুদ আধ-হৃদুদ আধ-আদির মেখে ভাঙা।
 তার পবেতে আসত আঁধার ধানের ক্ষেতে, বনের বৃকে,
 ঘাসের বোঝা মাথায় লয়ে ফিরত রাখাল ঘরের দূরে।

সেদিন রাখাল শুনল পথে সেই মেয়েটির হব্ব বিয়ে,
 আসবে কালি 'নওস' তাহার ফুল-পাগড়ি মাথায় দিয়ে।
 আজকে তাহার 'হলদি কেঁটা', বিয়ের গানে ভরা বাড়ি,
 মেয়ে-গলার করুণ গানে কে দেয় তাহার পরান ফাড়ি।
 সারা গায়ে হৃদুদ মেখে সেই মেয়েটি করছিল সান,
 কাঁচা সোনা চেলে যেন রাঙিয়ে দেছে তাহার গা বান!
 চেয়ে তাহার মুখের পানে রাখাল ছেলের বুক ভেঙে যায়,
 'আহা! আহা! সোনার মেয়ে! কেমন করে তুললে আনয়!'

সারা বাড়ি খুশির তুফান—কেউ ভাবে না তাহার লাগি,
 মুখটি তাহার সাদা যেন খুনী মোকদ্দমার দাগী।
 অপরাধীর মতন সে যে পালিয়ে এল আপন ঘরে,
 সারাটা রাত মরল বুকে কি ব্যথা সে বক্ষে ধরে।

বিয়ের কনে চলছে আজি স্বস্তর-বাড়ি পালকি চড়ে,
 চলছে সাথে গায়ের মোড়ল বন্ধ ভাই-এর কাঁধটি ধরে।
 সারাটা দিন বিয়ে বাড়ির ছিল যত কল-কোলাহল,

গায়ের পথে মূর্তি ধরে তারাই যেন চলছে সকল।
 কেউ বলিছে, মেয়ের বাপে খাওয়ালে আজ কেমন কেমন,
 ছেলের বাপের বিত্তি বেসাৎ আছে কি ভাই তেমন তেমন?
 মেয়ে-জামাই মিলছে যেন চাঁদে চাঁদে চাঁদের মেলা,
 সূর্য যেন বইছে পাটে ফাগু ছড়ানো সাঁঝের বেলা।
 এমনি করে ক'ত কথাই ক'ত জনের মনে আসে,
 আশ্বিনেতে যেমনিতর পানার বহর গাঙে ভাসে।
 হায়রে আজি এই আনন্দ যারে লয়ে এই যে হাসি,
 দেখল না কেউ সেই মেয়েটির চোখদুটি যায় ব্যথায় ভাসি।
 খুঁজল না কেউ গায়ের বাখাল একলা কঁাদে কাহার লাগি,
 বিজন রাতের প্রহর থাকে তাহার সাথে ব্যথায় জাগি।
 সেই মেয়েটির চলা-পথে সেই মেয়েটির গাঙের ঘাটে,
 একলা রাখাল বাজায় বাঁশি ব্যথায় ভরা গায়ের বাটে।
 গভীর রাতে ভাটির সুবে বাঁশি তাহার ফেরে উদাস,
 তারি সাথে কেঁপে কেঁপে কঁাদে রাতের কালো বাতাস;
 করুণ করুণ—অতি করুণ বুকখানি তার উথল করে,
 ফেরে বাঁশির সুরটি ধরে ঘুরে গায়ের ঘরে ঘরে।

‘কোথায় জাগো বিরহিণী ত্যাজি বিরল কুটিরখানি,
 বাঁশির ভরে এসো এসো ব্যথায় ব্যথায় পরান হানি।
 শোনো শোনো দশা আমার গহন রাতের গলা ধরি,
 তোমার তরে ও নিদয়া একা একা কঁাদে মরি।
 এই যে জমাট রাতের আঁধার আমার বাঁশি কাটি তারে,
 কোথায় তুমি, কোথায় তুমি, কঁাদে মরে বারে বারে।’
 ডাকছাড়া তার কান্না শুনি একলা নিশা সহিতে নারে,
 আঁধার দিয়ে জড়ায় তারে, হাওয়ায় দোলায় ব্যথার ভারে।

রাখাল ছেলে

‘রাখাল ছেলে! রাখাল ছেলে! বারেক ফিরে চাও,
 বাঁকা গায়ের পথটি বেয়ে কোথায় চলে যাও?’

‘ওই যে দেখো নীল-নোয়ানো সবুজ-ঘেরা গা,
কলার পাতা দেলায় চামর শিশির ধোয়ায় পা ;
সেখায় আছে ছেড়ি কুটির সোনার পাতায় ছাওয়া,
সাঁঝ আকাশে ছড়িয়ে পড়া অবির রঙে নাওয়া ;
সেই ঘরেতে একলা বসে ডাকছে আমার মা—
সেখায় যাব, ও ভাই এবার আমায় ছাড় না?’

‘রাখাল ছেলে! রাখাল ছেলে! আবার কোথা ধাও
পুব আকাশে ছাড়ল সব রঙিন মেঘের নাও।’

‘ঘুম হতে আজ জেগেই দেখি শিশির-ঝরা ঘাসে,
সারা রাতের সপন আমার মিঠেল রোদে হাসে।
আমার সাপে করতে বেলা প্রভাত হাওয়া, ভাই,
সরষে ফুলের পাগড়ি নাড়ি ডাকছে মোরে ভাই।
চলতে পথে মটরশুটি জড়িয়ে দুখান পা,
বলছে ডেকে, গায়ের রাখাল একটু খেলো যা!
সারা মাঠের ডাক এসেছে খেলতে হবে ভাই।
সাঁঝের বেলা কইব কথা এখন তবে যাই।’

‘রাখাল ছেলে! রাখাল ছেলে! সারাটা দিন খেলা,
এ যে বড়ো বাড়াবাড়ি, কাজ আছে যে মেলা।’

‘কাজের কথা জানিনে ভাই, লাঙল দিয়ে খেলি
নিড়িয়ে দেই ধানের খেতের সবুজ রঙের ঢেলি।
সরষে বালা নুইয়ে গলা হলদে হাওয়ার সুখে
মটর বোনের ঘোমটা খুলে চুম দিয়ে যায় মুখে।
ঝড়-এর ঝড়ে বাজায় বাঁশি পড়িম-পাগল বুড়ি,—
আমরা সেখা চষতে লাঙল মূর্খিদা-গান গুড়ি।
খেলা মোদের গান গাওয়া ভাই, খেলা লাঙল-চষা,
সারাটা দিন খেলতে জানি জানিইনেক বস।’

কবর

এইখানে তোর দাঁদির কবর ডালিম-গাছের তলে,
ত্রিশ বছর ভিজিয়ে রেখেছি দুই নয়নের জলে।
এতটুকু তারে ঘরে এনেছি নু সোনার মতন মুখ,
পুতুলের বিয়ে ভেঙে গেল বলে কেনে ভাসাইত বুক।
এখানে ওখানে ঘুরিয়া ফিরিতে ভেবে হইতান সারা,
সারা বাড়ি ভরি এত সোনা মোর ছড়াইয়া গেল কারা।
সোনালি উষায় সোনামুখে তার আমার নয়ন ভরি
লাঙল লইয়া খেতে ছুটিতান গাঁয়ের ও-পথ ধরি।
যাইবার কালে ফিরে ফিরে তার দেখে লইতাম কত,
এ কথা লইয়া ভাবি-সাব মোরে তামাশা করিত শত।
এমনি করিয়া জানি না কখন জীবনের সাথে মিশে,
ছোটোখাটো তার হাসিবাধা মাঝে হারা হয়ে গেলু নিশে।

বাপের বাড়িতে যাইবার কালে কহিত ধরিয়া পা,
‘আমারে দেখিতে যাইও কিন্তু উজান-তলীর গাঁ।’
শাপলার হাতে তরমুজ বেঁচি ছ’পয়সা করি দেড়ী,
পুতির মালাব এক ছড়া নিতে কখনো হতো না দেরি।
দেড় পয়সার তামাক এবং মাজন লইয়া গাঁটে,
সন্ধ্যাবেলায় ছুটে বহিতাম শব্দরবাড়ির বাটে।
হেসো না—হেসো না—শোনো দাদু, সেই তামাক মাজন পেয়ে,
দাদি যে তোমার কত খুশি হতো দেখতিস যদি চেয়ে!
নথ নেড়ে নেড়ে হাসিয়া কহিত, ‘এতদিন পরে এলে,
পথপানে চেয়ে আমি যে হেথায় কেনে মরি আঁখিজলে।’
আমারে ছাড়িয়া এত বাথা যার কেমন করিয়া হয়,
কবর দেশেতে ঘুমায়ে রয়েছে নিঝুম নিরালস্য।
শত জোড় করে দোখা মাঙ দাদু ‘আয় খোদা! দয়াময়!
আমার দাঁদির তরেতে যেন গো ভেস্ত না জেল হয়।’

° ° ° °

তারপর এই শূন্য জীবনে যত কাটিয়াছি পাড়ি,
যেখানে যাহারে জড়িয়ে ধরেছি সেই চলে গেছে ছাড়ি।

শত কাফনের শত কবরের অঙ্ক হৃদয়ে অঁকি,
গনিয়া গনিয়া ভুল করে গনি সারা দিনরাত জাগি।
এই মোর হাতে কোদাল ধরিয়া কঠিন মাটির তলে,
গড়িয়া দিয়াছি কত সোনামুখ নাওয়ায়ে চোখের জলে।
মাটিরে অগ্নি যে বড়ো ভালোবাসি, মাটিতে লাগিয়ে বুক,
আয়—আয় দাদু, গলাগলি ধরি কেঁদে যদি হয় সুখ!

এইখানে তোর বাপজি ধুমায়, এইখানে তোর মা,
কান্দহিস তুই? কী করিব দাদু! পরান যে মানে না।
সেই ফাল্গুনে বাপ তোর এসে কহিল অ'মারে ডাকি,
'বা-জান, আমার শরীর আজিকে কী যে করে থাকি থাকি।'
ঘরের মেঝেতে সপটি বিছায়ে কহিলাম, বাছা শোও,
সেই শোওয়া ত'র শেষ শোওয়া হবে তাহা কি জানিত কেউ?
গোরের কাফনে সাজায়ে তাহারে চলিলান যবে বয়ে
তুমি যে কহিলা, 'বা-জানরে মোর কোথা যাও দাদু লয়ে?'
তোমার কথার উত্তর দিতে কথা থেমে গেল মুখ,
সারা দুনিয়ার যত ভাষা আছে কেঁদে ফিরে গেল নুখে।
তোমার বাপের লাঙল-ঙেয়াল দুহাতে জড়ায়ে ধরি
তোমার মায়ে যে কতই কান্দিত সারা দিনমান ভরি,
গাছের পাতার সেই বেদনায় বুনো পথে যেত ধরে,
ফাল্গুনি হাওয়া কান্দিয়া উঠিত শূন্য-মাঠখানি ভরে।
পথ দিয়া যেতে গেঁয়ো-পথিকেরা মুছিয়া যাইত চোখ,
চরণে তাদের কান্দিয়া উঠিত গাছের পাতার শোক।
আখালে দুইটি জোয়ান বলদ সারা মাঠ পানে চাহি,
হায়া রবেতে বুক ফটাইত নয়নের জলে নাহি।
গলাটি তাদের জড়ায়ে ধরিয়া কান্দিত তোমার মা,
চোখের জলের গহিন সায়ে ডুবায় সকল গাঁ।

উদাসিনী সেই পল্লী-বালায় নয়নের জল বঝি,
কবর দেশের আন্ধার ঘরে পথ পেয়েছিল খুঁজি।
তাই জীবনের প্রথম বেলায় ডাকিরা আনিল সাঁজ,
হায় অভাগিনী আপনি পরিল মরণবিষের তাজ!

মরিবার কালে তোর কাছে ডেকে কহিল, 'বাহারে, যাই,
বড় ব্যথা বোনো দুনিয়াতে তোর মা বলিতে কেহ নাই,
দুলাল আমার, বাদুরে আমার লক্ষ্মী আমার ওরে,
কত ব্যথা নোব আমি জানি বাছা, ছাড়িয়া যাইতে তোরে!'
ফোঁটায় ফোঁটায় দুইটি গুণ্ড ভিজিয়ে নয়ন-জলে,
কী জানি আশিস করে গেল তোর মরণ-ব্যথার ছলে।

ক্ষণপরে মোরে ডাকিয়া কহিল,—‘আমার কবর গায়
স্মারক মাথার “মাথাল” খানিরে ঝুলাইয়া দিও বাবা’
সেই সে মাথাল পড়েছে গলিয়া মিশেছে মাটির সনে,
পরাণের ব্যথা মরে নাকো সে যে কেনে ওঠে ক্ষণে ক্ষণে।
স্রোড়মনিবেবা ঘুমায়ে রয়েছে এইখানে তরু-হার,
গাছের শাখার স্নেহের মায়ায় লুটায়ো পড়েছে গায়।
জোনকি নেবেরা সারাবাত জাগি জ্বলাইয়া দেয় আলো,
শিখিরা বাজায় ঘুমের নৃপূর কত যেন বেসে ভালো।
হাত জেড় করে দোয়া মাড় দাদু, ‘রহমান খোদা! আর,
ভেঙে নাজেল করিও অজিকে আমার বাপ ও মায়!’

এইখানে তোর বু-জির কবর, পরীর মতন মেয়ে,
বিয়ে দিয়েছিলাম কাজিদের ঘরে বনিয়াদি ঘর পেয়ে।
এত আদরের বু-জিরে তাহারা ভালোবাসিত না মোটে,
হাতেতে যদিও না মারিত তারে শত যে মারিত ঠোটে।
খবরের পর খবর পাঠাত, ‘দাদু যেন কাল এসে,
দুদিনের তরে নিয়ে যায় মোরে বাপের বাড়ির দেশে।’
স্বস্তর তাহার কশাই চামার, চাহে কি ছাড়িয়া দিতে,
অনেক কহিয়া সেবার তাহারে আনিলান এক শীতে।
সেই সোনানুখ মলিন হয়েছে, ফোটে না সেথায় হাসি,
কালো দুটি চোখে রহিয়া রহিয়া অশ্রু উঠিছে ভাসি।
বাপের মায়ের কবরে বসিয়া কাদিয়া কাটাত দিন,
কে জানিত হায়, তাহারও পরাণে কাজিবে মরণ-বিন!
কী জানি পচানো কুরেতে পবিল আর উঠিল না ফিরে,
এইখানে তারে কবর দিয়েছি দেখে যাও দাদু, মায়ের।

* * * *

ব্যথাভরা সেই হৃদভাগিনীরে বাসে নাই কেহ ভালো,
কবরে তাহার জড়ায়ে রয়োছে বুনো ঘাসগুলি কালো।
বনের ঘুঘুরা উহ উহ করি কঁদে মরে রাতদিন,
পাতায় পাতায় কঁপে উঠে যেন তারি বেদনার বীন।
হাত জোড় করে দোয়া মাঙ দাদু! 'আয় খোদা! দয়াময়!
আমার বু-জির তরেতে যেন গো ভেঙে নাভেল হয়।'

হেথায় ঘুমায় তোর ছোটো ফুপু সাত বছরের মেয়ে,
রামধনু বুঝি নেমে এসেছিল ভেস্তের দ্বার বেয়ে।
ছোটো বয়সেই মায়েরে হারায়ে কী জানি ভাবিত সদা,
অতটুকু বুকে লুকাইয়াছিল কে জানিত কত ব্যথা।
ফুলের মতন মুখখানি তার দেখিতাম নবে চেয়ে,
তোমার দাড়ির ছবিখানি মোর হৃদয়ে উঠিত ছেয়ে।
বুকেতে তাহারে জড়ায়ে ধরিয়া কঁদে হুঁতাম সারা,
রঙিন সাঁজেরে ধুয়ে মুছে দিত মোদের চোখের ধারা।

একদিন গেনু গজনার হাটে তাহারে রাখিয়া যবে,
কিরে এসে দেখি সোনার প্রতিমা লুটায় পথের পরে।
সেই সোনামুখ গোলগাল হাত সকলি তেমন আছে,
কী জানি সাপের দংশন পেয়ে মা আমার চলে গেছে।
আপন হস্তে সোনার প্রতিমা কবরে দিলাম গাড়ি,
দাদু! ধর-ধর—বুক ফেটে যায়, আর বুঝি নাই পারি।
এইখানে এই কবরের পাশে, আরও কাছে আয় দাদু,
কথা কস্ নাহো, জগিয়া উঠিবে ধুম-ভোলা মোর খাদু।
আস্তে আস্তে খুঁড়ে দেখো দেবি কঠিন মাটির তলে,
দীন-দুনিয়ার ভেস্ত আমার ঘুমায় কিসের ছলে!

* * * *

ওই দূর বনে সন্ধ্যা নামিছে ঘন আবিরের রাগে,
অমনি করিয়া লুটায় পড়িতে বড়ো সাধ আজ লাগে।
মজীদ হইতে অজান ইকিছে বড়ো সনকরণ সূর,
মোর জীবনের রোজকেয়ামত ভাবিতেছি কত দূর।
জোড় হাতে দাদু মোনাজাত করি, 'আয় খোদা! রহমান,
ভেঙে নাভেল করিও সকল মৃত্যু-ব্যথিত-প্রাণ।'

শাকতুলুনি

ও কার বউ এল আজ মটর খেতে শাক তুলিতে,
সবুজ গাঙে সেনার কমল কে এল রে ভাসিয়ে দিতে;
সিঁদুরফটা মুখখানিরে হাঁটুর নীচে করিয়ে নত,
কচি ভগা ধরতে ধীরে সোহাগে সে হচ্ছে ক্ষত।
ফাগ-রাঙা বউ মটর-শুটি আবছা হাসে পাতার ফাঁকে,
শাক-ভাঙা বউ নত হয়ে ঘোমটা তলে সিঁদুর আঁকে;
মটর-শুটির বাজে পাতা, বধূর হাতের বাজে চুড়ি
বধূ দোলে সোহাগ ভরে বাতাস দোলায় মটর-কুঁড়ি।

চলতে পথে পথিক ভাবে, কার পানে আজ ফিরাই আঁখি,
দীঘির রাঙা নালের বনে রক্ত মরাল ফিরছে নাকি।
পায়ের দুখান খাড়ু নিয়েই গেলো বালার মহা বিপদ,
যতই গানে ঝড়িয়ে ধরে মটর-শুটির পাতার আপদ।
হল করে সে খায় গো আছাড় লুটিয়ে পড়ে মটর খেতে,
বুকে মুখে ফুলগুলি সব জড়ায় তারে হর্ষ মেতে।

কৃষ্ণাণ-দুলালী

কল্মিলতা শাড়ি মেয়ের, কল্মি-রাঙা মুখ,
ঠোঁট দুখানি সিঁদুর-ভাঙা রাঙা যে টুকটুক
গলায় তাহার পুঁতির মালা ; কানে ফুলের দুল,—
এ গায়ের ও চাষীর মেয়ে হয় না যেন ভুল।
গয়না তাহার নাইকো গায়ের রূপ করে টলমল,
রঙ-রাঙা অঙ্গ যেন গয়না কলমল।
রূপ-মুখের রূপার খাড়ু পা দুখানি ধরে,
ঝুমুর-ঝুমুর চাষী মেয়ের রূপেরই গান করে।
হেলায় তনু, এলায় চিকুর, দোলায় সরু কাঁথ,
পেখম-পরা ময়ূর লাভে নীপ-বনে নির্বাক।

বাহতে তার ভবিজ বাঁধা গেঁয়ো পীরের দান,
 কুমকো টেড়ির প্রেম-আলাপন শুনছে নিতুই কান
 বারে বারে ফোঁটা খসে লাজ-মেশা মিলাজ,
 পুতুলটির বউ সাজতে নিজেরও বউ সাজ।
 এক পুতুলে আদর করে আরেক পুতুল নিয়ে,
 কোনটি পুতুল, কোনটি যে নয় যায় যে রে ভুল হয়ে।
 নামটি মেয়ের জানি নাকো নাম জানি তার শাড়ির,
 কলমিনতা শাড়ির চেয়ে মিঠেবা নাম তারির।
 ওর সাথে মের একটু যদি থাকত পরিচয়,
 শিখে নিতেম কেমন করে 'বৌ-কথা-কণ্ড' কয়।
 শিখে নিতেম কেমন করে পাকা পুই-এর ফলে,
 হেনা ফেলে লাল টুকটুক করে চরণ ভলে।
 শিখে নিতেম কোথায় মাঠে পাটবনেরই মূল
 বউ-টুবানীর ফুলগুলি সব নাড়ছে নোলক-দুল।
 অমাব তো আব নেইকো পুতুল শাপলা-কুমুম ধরে
 সাজিয়ে তাহার ঈষৎ হাসি নিতুম ছড়ায় ভরে।

বোশেখ শেষের মাঠ

বোশেখ শেষে বালুচরের বোরো ধানের থান,
 সোনায়ে সোনা মেলিয়ে দিয়ে নিয়েছে কোড়ে প্রাণ।
 বসন্ত সে বিদায় বেলায় কুকের আঁচলখানি,
 গেঁয়ো নদীর দুপাশ দিয়ে রেখায় গেছে টানি।
 চৈত্রদিনের বিবরা চরের সাদা ধানের পরে,
 নতুন বরষ ছড়িয়ে দিল সবুজ থরে থরে
 না জানি কোন গেঁয়ো ভাতি গাঙ চলিবার চলে,
 জন-ছোয়া তার শাড়ির কোণে পাড় বুনে যায় চলে।
 মধ্য চরে আউশ ধানের সবুজ পারাবার,
 নদীর ধারে বোরো ধানের দোলে সোনার পাড়।
 চৈত্রদিনের বৈরাগিনী সবুজ আঁচল সনে,
 মুখখানিরে আবছা ঢেকে সাজল বিয়ের কনে।

মাথায় তাহার বক-শিশুরা মেলি কোমল ডানা,
 সাদা সাদা মেঘের মতো উড়ায় চাঁদরখানা।
 গাঁয়ে পথে চলতে আজি অনেক মায়া লাগে,
 বৃকের পরে পা দিলে ধান জড়িয়ে ধরে তাকে।
 অমন সবুজ অমন কোমল মাটির সাথে মিশে,
 কে পারে ভাই চলতে তারে পায়ের তলে পিষে।
 হাটে যাওয়ার পথটি তো ভাই অনেক হলো ঘোর,
 কাজল-তলার ওপাশ দিয়ে দিঙনগরের-মোড় ;
 তার পরেতে হাল্টি গেছে একটু আঁকা-বাঁকা,
 গরুর পায়ের ক্ষুরে ক্ষুরে ছবির মতো আঁকা।
 সেখান দিয়ে চলতে চাষী সকল কথা ভোলে,
 বন্ধু ভাই-এর কাঁধটি ধরে ধানের কথা তোলে।
 সাত পুরুষে এমন কসল দেখিনি কেউ চোখে,
 মেঘ যেন কেউ বিছিয়ে দেছে তাদের গাঁয়ে চকে।
 চাষীর মুখে তারিফ শুনে ধান শিশুরা ভাই,
 হেলে দুলে লাঞ্জে আকুল নাই লুকবার ঠাই।
 আকাশ ছিল সুনীল যখন ছিল না মেঘ লেখা,
 তখন চাষী শুকনো মাঠে দিয়ে লাঙল-রেখা ;
 আকাশের ওই দেবতা সাথে পেতেই যেন আড়ি,
 ধূল ধূলা ধূল চোতের ধূলায় ধানকে দিল ছাড়ি।
 তারা যেন সৈন্য তাহার পাতাল-পাথার ফাঁড়ি,
 আনল অথই মেঘের বাহার সবুজ স্নেহে কাড়ি।
 আকাশ হতে নামল না মেঘ পাতাল হতে আনি,
 নারা মাঠের বৃকের পরে হর্ষে দিল টানি।
 দেবতা যেন হারায় ভয়ে সুনীল আকাশ থেকে,
 চাষার সবুজ খেতের পরে বর্ষে হেঁকে হেঁকে।
 ওগো চাষী! গাঁয়ের চাষী! সেলাম তোমার পায়,
 বাড়ি ভোর উজান চরে কিংবা গরুর গায় ;
 ম্যাপেরিয়ায় মরছ তুমি রুগ্ণ জবুথবু ;
 সারাটি দিন মরছ খেটে পাও না খেতে তবু।
 লক্ষ টাকা দেশকে দিয়ে হয়নি তোমার নাম,
 দেশের তরে প্রাণ দেবে কি? নয় সে তোমার কাম।

একমা যে কোন বনের ধারে নাম-না-জানা গায়,
 সারাটা দিন বৌদ্রে পুড়ে সাজাও মেঠো মায়া।
 সব দুনিয়ার খোবাক জোগাও নিজেই থেকে ভুক,
 অভাগার ভাও বোঝে না এইটে বড়ো দুখ।
 খোদার ছোটো যদিও তুমি, অনেক ছোটো নয়,
 সৃষ্টি করার চাইতে পালন তুচ্ছ কেবা কয়।
 তোমার গোঁয়ো মাঠটি আমার মক্কা হেন স্থান,
 সাধ করে আজ লুটিয়ে সেথা জুড়াই সকল প্রাণ।

নক্কী-কাঁথার মাঠ

দুই

এক কাল দতের কালি যা দ্যা কলম লেখি,
 আর এক কালো চক্কের মণি, যা দ্যা দৈনা দেখি,
 —ও কালো, ঘরে বইতে দিলি না আমরে।
 —মুর্শিদা গান

এই গাঁয়ের এক চাষার ছেলে লম্বা নাথার চুল,
 কালো মুখেই কালো ভ্রমর, কিসের রঙিন ফুল!
 কাঁচা ধানের পাতার মতো কচি-মুখের মায়া।
 তার সাথে কে মাথিয়ে দেছে নবীন তৃণের ছায়া।
 জলি লাউয়ের ওগার মতো বাহু দুগান সুরু,
 গা খানি তার শাঙন মাসের যেমন তমাল তরু।
 বাদল-ধোয়া মেঘে কে গো মাথিয়ে দেছে তেল,
 বিজলি মেয়ে পিছলে পড়ে ছড়িয়ে আলোর খেল।
 কচি ধানের ভুলতে চরা হয়তো কোনো চাষী,
 মুখে তাহার ছড়িয়ে গেছে কতকটা তার হাসি।
 কালো চোখের তারা দিয়েই সকল ধরা দেখি,
 কালো দতের কালি দিয়েই কেতাব কোরান লেখি।
 জনম কালো, মরণ কালো, কালো ভুবনময়;
 চাষীদের ওই কালো ছেলে সব করছে ওয়।

সোনায়ে যে-জন সোনা বানায়, কিসের গরব তার,
 রঙ পেলে ভাই গড়তে পারি রামধনুকের হার।
 কালোয় যে-জন আলো বানায়, ভুলায় সবাব মন,
 তারির পদরঞ্জের লাগি লুটায় ধূলাবন।
 সোনা নহে, পিতল নহে, নহে সোনার মুখ,
 কালো-বরণ চাষীর ছেলে জুড়ায় যেন বুক।
 যে কালো তার মাঠের ধান, যে কালো তার গাঁও।
 সেই কালোতে সিনান করি উজ্জল তাহার গাও।

আখড়াতে তার বাশের লাঠি অনেক মানে মানী,
 খেলার দলে তারে নিয়েই সবার টানাটানি।
 জারির গমনে তাহার গলা উঠে সবার আগে,
 “শাল-সুন্দী-বেত” যেন ও, সকল কাজেই লাগে।
 বুড়োরা কয়, ছেলে নয় ও, পাগাল^১ লোহা যেন,
 রূপাই যেমন বাপের বোটা কেউ দেখেছে হেন?
 যদিও রূপা নয়কো রূপাই, রূপার চেয়ে দামি,
 এক কালেতে ওরই নামে সব গা হবে নামি।

তিন

সন্দনের কিন্দু বিন্দু কাজলের কোটা
 কর্ণিয়া মেঘের আড় বিজলিব ছটা
 —মুর্শিদ গান

ওই গাখানি কালো কালো, তারি হেলান দিয়ে,
 ঘরখানি যে দাঁড়িয়ে হাসে ছোনের ছানি নিয়ে;
 সেইখানি এক চাষীর মেয়ে নামটি তাহার সোনা,
 সাহু^২ বলেই ডাকে সবে, নাম নিতে যে গোনা^৩।

১। পাগাল = ইম্পাত

২। সাহু = পূর্ববঙ্গের কোনো কোনো জেলায় বাপের বাড়িতে মুসলমান মেয়েদের নাম ধরিয়া ডাকা হয় না। বড় মেয়েকে বড়, মেজো মেয়েকে মাজু, সোজো মেয়েকে সাজু এইভাবে ডাকে। শশুরবাড়ির লোকের কিন্তু এ নামে ডাকিতে পারে না।

৩। গোনা = পাপ

লাল মোরগের পাশার মতো ওড়ে তাহার শাড়ি,
 ভোরের হাওয়া যায় বেন গো প্রভাতী মেঘ নাড়ি
 মুখখানি তার ঢলঢল ঢলেই যেত পড়ে,
 রাঙা ঠোঁটের লাল বাঁধনে না রাখলে ভায় ধরে।
 ফুল বার-বার জুতি গাছে জড়িয়ে কেবা শাড়ি,
 আদর করে রেখেছে আজ চাষীদের ওই বাড়ি।
 যে ফুল কোটে সোনের বেতে, ফোটে কদম গাছে,
 সকল ফুলের ঝলমল গা-ভরি তার নাচে।
 কচি কচি হাত-পা সাজুব, সোনায়ে সোনার খেলা,
 তুলসী তলায় প্রদীপ যেন জ্বলছে মাঝের বেলা।
 গান্ধাফুলের রঙ দেখেছি, আর যে চাপার কলি,
 চাষী মেয়ের রূপ দেখে আজ তাই কেমনে বলি?
 রামধন্যকে না দেখিলে কী-ই বা ছিল ফোভ,
 পাটের বনের বউ-টুবানী^১, নাইক দেখার লোভ।
 দেখেছি এই চাষীর মেয়ের সহজ গোঁয়ো রূপ,
 তুলসী-ফুলের মঞ্জরী কি দেব-দেউলের ধূপ।
 দু-একখানা গয়না গায়ে, সোনার দেবালয়ে,
 জ্বলছে সোনার পঞ্চ প্রদীপ কার না পূজা বয়ে।
 পড়শিরা কয়—মেয়ে ত নয়, হলদে পাখির ছা,
 ডানা পোলেই পালিয়ে যেত ছেড়ে তাদের গা।

এমন মেয়ে—বাবা ত নেই, কেবল আছেন মা;
 গাঁওবাসীরা তাই বলে তায় কম জানিত না।
 তাহার মতন চেকন 'সেওই' কে কাটিতে পারে,
 নকসী করা 'পাকান পিঠায়' সবাই তারে হারে।
 হাড়ির উপর চিত্র করা শিকেয় তোলা ফুল,
 এই গাঁয়েতে তাহার মতো নাইক সমতুল।
 বিয়েস গানে ওরই সুরে সবারই সুর কাঁদে,
 'সাহা গাঁয়ের লক্ষ্মী মেয়ে'—বলে কি লোক সাবে?

১। বউ-টুবানী = মাঠের ফুল

বড়ো ঘর বান্দাছাও মোনাভাই বড়ো করছাও আশা
রজনী প্রভাতের কালে পছী ছাড়বে বাসা।

—মুর্শিদা গান

নতুন চাষা ও নতুন চাষাণী পাঁতিল নতুন ঘর,
বাবুই পাখিরা নীড় বাঁধে যথা তালের গাছের পর।
মাঠের কাজেতে ব্যস্ত রূপাই, নয়া বউ গেহ কাজে,
দুইখান হতে দুটি সুর যেন এ উহারে ভেকে বাজে।
ঘর চেয়ে থাকে কেন মাঠ পানে, মাঠ কেন ঘর পানে,
দুইখানে রহি দুইজন আজি বুঝিছে ইহার মানে।

আশ্বিন গেল, কার্তিক মাসে পাকিল খেতের ধান,
সারা মাঠ ভরি গাছিছে কে যেন হলদি-কোটার গান।
ধানে ধান লাগি বাজিছে বাজনা, গন্ধ উড়িছে বায়,
কলমিলতায় দোলন লেগেছে, হেনে কূল নাহি পায়।
আজো এই গাঁও অব্যোরে চাহিয়া ওই গাঁওটির পানে,
মাঝে মাঠখনি চাদর বিছায়ে হলুদবরন ধানে।

আজকে রূপার বড়ো কাজ—কাজ—কোনো অবসর নাই,
মাঠে যেই ধান ধরে নাকো আজি ঘরে দেবে তারে ঠাই।
সারা মাঠে ধান, পথে ঘাটে ধান উঠানেতে হড়াছড়ি,
সারা গাঁও ভরি চলেছে কে কবি ধানের কাব্য পড়ি।
আজকে রূপার মনে পড়ে নাকো শাপলার লতা দিয়ে,
নয়া গৃহিণীর খোপা বেঁধে দিত চুলগুলি তার নিয়ে।
সিন্দুর লইয়া মান হয় নাকো বাজে না বাঁশের বাঁশি,
শুধু কাজ—কাজ, কী মাদ্-মন্ত্র ধানেরা পড়িছে আসি।
সারাটি বরষা কে কবি বসিয়া বেঁধেছে ধানের গান,
কত সুন্দর্য দিবস রজনী করিয়া সে অবসান।
আজিকে তাহার মাঠের কাব্য হইয়াছে বুঝি সারা,
ছুটে গেরো পাখি ফিঙে বুলবুল তারি গানে হয়ে হারা।
কৃষাণীর গায়ো গহনা পরায় নতুন ধানের কুটো ;
এত কাজ তবু হাসি ধরে নাকো, মুখ ফুল ফুটো ফুটো।

আজকে তাহার প'ড়া-বেড়ানোর অবসর মোটে নাই,
 পার খাড়াগছি কোথা পড়ে আছে, কেবা খোঁজ রাখে ছাই।
 অর্ধেক রাত উঠানেতে হয় ধানের মলন মলা,
 বনের পশুরা মানুষের কাজে মিশায় গলায় গলা।
 দাবায় শুইয়া কৃষাণ ঘুমায়, কৃষাণীর কাজ ভারি,
 টেকির পাড়েতে মুখর করিছে একেলা সারাটি বাড়ি।
 কোনো দিন চায়ী শুইয়া শুইয়া গাহে বিরহের গান,
 কৃষাণের নারী ঘুমাইয়া পড়ে, ঝাড়িতে ঝাড়িতে ধান।
 হেমন্ত চাঁদ অর্ধেক হেলি জ্যোৎস্নার জাল পাতি,
 টেনে টেনে তারে হয়রান হয়ে ভূবে যায় রাতারাতি।

এমনি করিয়া ধানের কাব্য হইয়া আসিল সারা,
 গানের কাব্য আরম্ভ হলো সারাটা কৃষাণপাড়া।
 রাতেবে উহারা মানিবে না যেন, নতুন গলার গানে,
 বাঁশি বাজাইয়া আজকে রাতের করিবে নতুন মানে।
 আজিকে রূপার কোনো কাজ নাই, ঘুম হতে যেন জাগি,
 শিয়রে দেখিছে রাজার কুমারী তাহারই বাথার ভাগী।
 সাজুও দেখিছে কোথাকার যেন রাজার কুমার আজি,
 ঘুম হতে তারে সবে জাগায়েছে অরুণ-আলোয় সজ্জি।
 নতুন করিয়া আজিকে উহারা চাহিছে এ গুর পানে,
 দীর্ঘ কাজের অবসর যেন করিছে নতুন মানে।
 নতুন চামার নতুন চামাণী নতুন বেঁধেছে ঘর,
 সোহাগে আদরে দুটি প্রাণ যেন করিতেছে নড়বড়।
 বাঁশের বাঁশিতে ঘুণ ধরেছিল, এত দিন পরে আজ,
 তেলে জলে আর আদরে তাহার হইল নতুন সাজ।
 সন্ধ্যার পরে দাবায় বসিয়া রূপাই বাজায় বাঁশি,
 মহাশূন্যের পথে সে ভাসায় শূন্যের সুররাশি।

ক্রমে রাত বাড়ে, বউ বসে দূরে, দুটি চোখ ঘুমে ভার,
 'পায়ে পড়ি ওগো চলো শুতে যাই, ভালো লাগে নাকো আর।'
 রূপা ত সে কথা শোনেইনি যেন, বাঁশি বাজে সুরে সুরে,
 'ঘরে দেখে যারে সেই যেন আজি ফেরে ওই দূরে দূরে।'

বউ রাগ করে, 'দেখো, বলে রাখি, ভালো হবে নাহো পরে,
 কালকের মতো করি যদি তবে দেখিও মজাটি করে।
 ওমনি করিয়া সারারাত আজি বাজাইবে যদি বাঁশি,
 সিঁদুর আজকে পরিব না ভাল, কাজল হইবে বাসি।
 দেখো, কথা শোনো, নইলে এখনি খুলিব কানের দুল,
 আজকে ত আমি কোঁপা বঁধিব না, আলগা রহিবে চুল।'
 বেচারি রূপাই বাঁশি বাজাইতে এমনি অভ্যাস,
 কৃষ্ণাণের ছেলে! অত কিবা বোঝে, তখনই মানিল হার।
 কহে জোড়করে, 'শোনো গো হজুর, অধম বাঁশির প্রতি,
 মৌন থাকার কঠোর দণ্ড অন্যায় এ যে অতি।
 আজকে ও-ভালে সিঁদুর দিবে না, খুলিবে কানের দুল,
 সন্ধ্যা হবে না সিঁদুরে রঙের—ভোরে হাসিবে না ফুল।
 এত বড়ো কথা! আচ্ছা দেখাই, ওরে ও অধম বাঁশি,
 এই তরুণীর অপরের গানে ভোমার হইবে ফাঁসি।'

হাতে লয়ে বাঁশি বাজাইল রূপা মাঠের চিকন সুরে,
 কভু দোলাইয়া বউটির ঠোটে কভু তারে ঘুরে ঘুরে।
 বউটি যেন গো হেসে হযরান, কহে ঠোটে ঠোট চাপি,
 'বাঁশির দণ্ড হইল, কিন্তু যে বাজাল সেই প'পী?'
 পুনঃ জোর করে রূপা কহে, 'এই অবহেলার অপরাধ,
 ভয়ানক যদি, দণ্ড তাহার কিছু কম নিতে সাধ।'
 রূপার বলার এমনি ভঙ্গি বউ হেসে কুটি কুটি,
 কখনও পড়িছে মাটিতে চলিয়া, কভু গায়ে পড়ে লুটি।
 পরে কহে, 'দেখো, আরও কাছে এসো, বাঁশিটি লও ত হাতে
 এমনি করিয়া দোলাও ত দেখি নৌলক দোলার সাথে।'

বাঁশি বাজে আর নৌলক যে দোলে, বউ কহে আর বর,
 'আচ্ছা আমার বাহাটি নাকি গো সোনালি লতার হার?
 এই ঘুরাসেন, বাজাও ত দেখি এরি মতো কোনো সুর,'
 তেমনি বাহুর পরশের মতো বাজে বাঁশি সুমধুর।
 দৃষ্টি করে রাঙা ঠোঁটখানি টেনে কহে বউ, 'এরি মতো,
 ভোমার বাঁশিতে সুর যদি থাকে বাজাইলে বেশ হতো।'

চলে মেঠো বাঁশি দুটি ঠোঁট ছুঁয়ে কলনি ফুলের বুকে,
 ছোটো হুঁমু রাখি চলে যেন বাঁশি, চলে সে যে কোন লোকে
 এমনি কথিয়া রাত কেটে যায় ; হাসে রবি ধীরে ধীরে,
 বেড়ার ফাকেতে উকি মেরে দেখি দুটি খেয়ালির ছিঁরি।

সেদিন রাত্রে বাঁশি শুনে শুনে বউটি ঘুমিয়ে পড়ে,
 তারি রাঙা মুখে বাঁশি-সুরে রূপা ঝাঁকা-চাঁদ এনে ধরে।
 তারপরে, খুলে চুলের বেণীটি বার বার করে দেখে,
 বাহুখানি দেখে নাড়িয়া নাড়িয়া বুকের কাছেতে রেখে।
 কুসুম-ফুলেতে রাঙা পাও দুটি দেখে আরো রাঙা করি,
 মৃদু তালে তালে নিঃশ্বাস লয়, শুনে মুখে মুখ ধরি।
 ভাবে রূপা, ও-যে দেহ ভরি যেন এনেছে ভোরের ফুল,
 রোদ উঠিলেই শুকাইয়া যাবে, শুধু নিমিষের ভুল।
 হয় রূপা, তুই চোখের কাজলে আঁকিনি মোহন ছবি,
 এতটুকু বাখা না লাগিতে যে রে ধূয়ে যাবে তোর সবি।
 ওই বাহু আর ওই তনু-কতা ভাসিছে সোহাগের ফুল,
 সোহাগে সোহাগে ও যে ভাসিয়া যাইবে ভাঙিয়া রূপার কুল।
 বাঁশি লয়ে রূপা বাজাতে বসিল বড়ো বাখা তার মনে,
 উদাসিয়া সুর মাথা কুটে মরে তাহার বাখার সনে।

ধারায় ধারায় জল ছুটে যায় রূপার দুচোখ বেয়ে,
 বউটি তখন জাগিয়া উঠিল তাহার পরশ পেয়ে।
 "ওমা ওকী? তুমি এখনো শোওনি! খোলা কেন মোর চুল?
 একি! দুই পায়ে কে দেছে খথিয়া রঙিন কুসুম ফুল?
 ওকী! ওকী!! তুমি কান্দছিলে বুঝি! কেন কান্দছিলে বলো?"
 বলিতে বলিতে বউটির চোখ জলে কবর ছিল ছিল।
 বাহুখানা তার কাঁধ পরে রাখি রূপা কয় মৃদু সুরে,
 'শোনো শোনো সই, কে কেন তোমায় নিয়ে গেল চায় দূরে।
 'সে দূর কে'থায়?' 'অনেক—অনেক—দেশ যেতে হয় ছেড়ে,
 সেখা কেউ নাই শুধু তুমি আর সেই সে অচেনা ফেরে।
 তুমি ঘুমাইলে সে এসে আশ্রয় করে যায় কানে কানে,
 যাই—যাই—ওরে নিয়ে যাই আমি আমার দেশের পানে।

বলো, তুমি সেথা কখনো যাবে না, সত্য করিয়া বলো!’
‘নয়! নয়! নয়!’ বউ কহে তার চোখ দুটি ছলছল।

রূপা কয় ‘শোনো সোনার বরনি, আমার এ কুঁড়ে ঘর,
তোমার রূপের উপহাস শুধু করে শরাদিন ভর।
তুমি ফুল! তব ফুলের গায়েতে বহে বিহানের বায়,
আমি কাঁদি সই রোদ উঠিলে যে ফুরাবে রঙের আয়।
আহা আহা সখি, তুমি যাহা করো, মোর মনে লয় তাই,
তোমার ফুলের পরানে কেবল দিয়ে যায় বেদনাই।’
এমন সময় বাহির হইতে বাহির মামুর ডাকে,
ধড়মড় করি উঠিয়া রূপাই চাহিল বেড়ার ফাঁকে।

এগারো

সাজ সাজ বলিয়া রে শহরে পৈল সাজ,
সাত হাজার বাজে ঢোল চৌদ্দ হাজার কাজ।
প্রথমে সাজিল মর্দ আত্মা দি ভগ্নী,
পাঁচ কাটা ভুঁই জুইড়া বসে মর্দ এসস ভরি।
তারপরে, সাজিল মর্দ তুরুক আমনি,
নমুদুরে নামলে তার হৈত আঁটপানি।
তারপরে সাজিল মর্দ নামে নোহাজুড়ী
আত্মদাইয়া মারত সে হাতির শুঁড় ধরি।
তারপরে সাজিল মর্দ নামে আইন্দা ছাইন্দা,
বাইশ মণ তামাক নেয় তার লেংটির মধ্যে বাইন্দা।
তারপরে সাজিল মর্দ নামে মদন চুলি,
বাইশ মণ পিতল তার ঢোলের চারটা খুলি।
আতলী পাতলী সাজ গগনেরী ঠাট,
মেঘনাল সাজিয়া আইল তাম তুরুকের বেটা।
তুঙলি মৃঙলি সাজে তারা দুই ভাই,
ঐরাবতে সাইজা আইল আজদাহ নেপাই।
বন্ধুকি বন্ধুকি চলে কামানে কামান,
ময়ূর-নয়রী চলে ধরিয়া পহুগাম।

—মহরমের জারী

'ও রূপা তুই করিস কী রে? এখনো তুই রইলি শুয়ে?
 বন-গেঁয়োরা ধান কেটে নেয় গাজন'-চরের খামার ভুঁয়ে।"
 'কি বলিলা বহির মামু?' উঠল রূপাই হাঁক ছাড়িয়া,
 আগুনভরা দুচোখ হতে গোপ্লা-বারুদ যায় উড়িয়া।
 পাটার মতো বুকঝানিতে থাপড় মারে শাবল হাতে,
 বকের হাড়ে লাগল বাড়ি, আগুন বুলি জ্বলবে তাতে।
 লক্ষ্যে রূপা আনল পেড়ে চাং হতে তার সড়কি খানা,
 ঢাল ঝুলায়ে মাজার সাথে থালে খালে মারল হানা।
 কোথায় রল রহম চাচা, কলম শেখ আর ছমির মিঞা,
 সাউদ পাড়ার খাঁরা কোথায়? কাজির পোরে? আন ডাকিয়া?
 বন-গেঁয়োরা ধান কেটে নেয় থাকতে মোরা গফর-গাঁয়ে,
 এই কথা আঙা শোনার আগে মরিনি কান গোবের ছায়ে?
 'আলী— আলী' হাঁকল রূপাই, হংকারে তার গগন ফাটে,
 হংকারে তার গর্জে বহির আগুন যেন ধরল কাঠে।
 ঘুম হতে সব গাঁয়ের লোকে শুনল যেন রূপার বারি;
 আকাশ হতে ভাঙছে ঠাট^১, মেখে মেখে লাগছে বাড়ি।
 ভাক শুনে তার আসল ছুটে রহম চাচা, ছমির মিঞা,
 আসল হেঁকে কাজেম খুঁচী নখে নখে আঁচড় দিয়া।
 আসল হেঁকে গাঁয়ের মোড়ল মালকোছাতে কাপড় পরি,
 এক নিমিষে গাঁয়ের লোকে রূপার বাড়ি ফেলল ভরি।
 লক্ষ্যে দাঁড়ায় ছমির লেঠেল, মমিনপুরের চর দখলে,
 এক লাঠিতে একশ লোকের মাথা যে জন আসল দলে।
 দাঁড়ায় গাঁয়ের ছমির বুড়ো, বয়স তাহার যদিও অশি,
 গায়ে তাহার আজও আছে একশো লড়ার দাগের রশি।

গজি উঠে গদাই ভুঁঞা, মোহন ভুঁঞার ভাজন^২ বেটা,
 যার লাঠিতে মামুদপুরের নীল কুঠিতে লাগল লেটা।

১। পো = ছেলে।

২। আলী = হজরত আলী; হজরত মুহাম্মদের (দঃ) জামাতা। তিনি মহাবীর ছিলেন
 এদেশে মারামারির সময় সকলে মিলিয়া 'আলী আলী' শব্দ করে। কারও কারও মতে
 'আলী' 'আল্লা' শব্দের অপভ্রংশ।

৩। ঠাট = অশনি।

৪। ভাজন = ঔরসজাত।

সব গাঁৱ লোক এক হল আজ ৰূপাৰ ছোটো উঠান পৰে,
নাগ-নাগিনী আসল যেন সাপ খেলানো বাঁশৰ সূৰে।

ৰূপা তখন বেড়িয়ে তাদেৰ বলল, 'শোনো ভাই সকলে
গাভৰু চৰেৰ ধানেৰ জমি আৰু আমাদেৰ নাই দখলে।'
বছিৰ মামু বলছে খবৰ—মোল্লাৰা সব কালকে নাঁকি;
আধেক জমিৰ বান কেটেছে, আধেক আজও ৰইছে বাকি।
'মোদেৰ খেতে বান কেটেছে, কালকে যাবা কাঁড়িৰ খেঁচায়
আজকে তাদেৰ নাকেৰ ডগা বাঁধতে হবে লাঠিৰ আগায়।'
থামল ৰূপাই—গাটা যেমন মেঘেৰ বৃকে বাণ হনিয়া,
নাগ-নাগিনীৰ কণায় যেমন ভুবড়ী বাঁশৰ সূৰ হাঁকিয়া।
গৰ্জে উঠে গাঁয়েৰ লোকে, লাটিম হেন মোড়ায় লাঠি,
ৰোহিত মাছেৰ মতন চলে, লাফিয়ে কটাৰ পায়ের মাটি।
ৰূপাই তাদেৰ বেড়িয়ে বনে, 'থাল বাজা রে থাল বাজা রে,
থাল বাজা রে সড়কি ঘূৰা হান্ৰে লাঠি এক হাজাৰে।
হান্ৰে লাঠি— হান্ৰে বে কুঠাৰ, গাছেৰ ছান আৰু ৰাম-দা ঘূৰা,
হাতের মাথায় যা পাস যেথায় তাই লয়ে আজ আহবে তোৰা।'
'অলী! অলী! অলী!! অলী!!!' ৰূপাৰ যেন কণ্ঠ ফাটি,
ইস্ৰাফিলেৰ শিঙ্গা বাজে কাপছে আকাশ কাপছে মাটি।
তাৰি সূৰে সব লেঠেলে লাঠিৰ পৰে হানল লাঠি,
'অলী-অলী' শব্দে তাদেৰ আকাশ যেন ভাঙবে ফটি।
আগে আগে ছুটল ৰূপা—বৌ বৌ বৌ সড়কি ঘোৰে,
কালসাপেৰ কণাৰ মতো বাবৰি মাথায় চুল যে ওড়ে
চলল পাছে হাজাৰ লেঠেল 'অলী-অলী' শব্দ কৰি,
পায়ের ঘায়ে মাঠেৰ ধূলা আকাশ বুলি ফেলবে ভৰি।
চলল তারা মাঠ পেরিয়ে চলল তারা বিল ভিঙিয়ে
কখন ছুটে কখন হেঁটে বৃকে বৃকে তাল ঠুকিয়ে।
চলল যেমন ঝড়ের দাপে ঘোলাট মেঘেৰ দল ছুটে যায়,
বাও কুড়নিৰ মতন তারা উড়িয়ে ধূলি পথ ভৰি হয়।

১। কাঁড়িৰ = কাপ্তেৰ।

২। গাছেৰ ছান = খেজুৰ গাছেৰ ডগা কটিকাৰ অস্ত্ৰ।

দুপুর বেলা এল রূপাই গাভনা চরের মাঠের পরে,
 সঙ্গে এল হাজার লেঠেল সড়কি লাঠি হস্তে ধরে।
 লক্ষ্যে রূপা শূন্যে উঠি পড়ল বুঁদে মাটির পরে,
 থাকল খানিক মাঠের মাটি দস্ত দিয়ে কামড়ে ধরে।
 মাটির সাথে মুখ লাগায়, মাটির সাথে বুক লাগায়,
 'আলী! আলী!!' শব্দ করি মাটি বুঝি দায় ফটায়ে।
 হাজার লেঠেল হংকারি কর 'আলী আলী হজরত আলী,'
 সুর শুনে তার বন-গেঁয়োদের কর্ণে বুঝি লাগল তালি।
 তারাও সবে আসল ভূটে দলে দলে ভীম পালোয়ান,
 'আলী আলী' শব্দে যেন পড়ল ভেঙে সবল গাঁথান।
 সামনে চেয়ে দেখল রূপা সার বেঁধে সব আসছে তারা,
 ওপার মাঠের কোল ঘেঁষে কে বাক্য তীরে দিচ্ছে নাড়া।
 রূপার দলে এগোর যখন, তারা তখন পিছিয়ে চলে,
 তারা আবার এগিয়ে এলে এরা হুঁটী নানান কলো।
 এমনি করে সাত আটবারে এগোন পিছন হলো যখন,
 রূপা বলে, 'এমন করে 'কাইজা' করা হয় না কখন।'
 তাল ঠুকিয়া ছুটল রূপাই, ছুটল পাছে হাজার লাঠি,
 'আলী-আলী -- হজরত আলী' কণ্ঠ তাদের যায় যে ফাটি।
 তাল ঠুকিয়া পড়ল তারা বন-গেঁয়োদের দলের মাঝে,
 লাঠির আগায় লাগল লাঠি, লাঠির আগায় সড়কি বাজে।
 'মার মার মার' হাঁকল রূপা, — 'মার মার মার' ঘুরায় লাঠি,
 ঘুরায় যেন তারি সাথে পায়ের তলে মাঠের মাটি।
 আজ যেন সে মৃত্যু-জনন ইহার অনেক উপরে উঠে,
 জীবনের এক সত্য মহান লাঠির আগায় নিচ্ছে নুটে।
 মরণ যেন মুখোমুখি নাচছে তাহার নাচার তালে,
 মহাকালের বাজছে বিষণ্ণ আজকে ধরার প্রলয় কালে।
 নাচে রূপা—নাচে রূপা—লোহর গাঙে সিন'ন করি,
 মরণেরে সে ফেলছে ছুঁড়ে রক্তমাখা হস্তে ধরি।
 নাচে রূপা—নাচে রূপা—মুখে তাহার অউহাসি,
 বক্ষে তাহার রক্ত নাচে, চক্ষে নাচে অগ্নিরশি।
 —হাড়ে হাড়ে নাচন তাহার, রোমে রোমে লাগছে নাচন
 কী যেন সে দেখেছে আজ, রুধতে নারে তারি মাতন।

বন-গোঁয়ারা পালিয়ে গেল, রূপার লোকও ফিরল বহু,
রূপা তবু নাচছে, গায়ে তাজা-খুনের হাসছে লোহ।

তেরো

বিদ্যাপ্তে রইলা মোর বন্ধু রে।
বিধি যদি দিত পাখা,
উইড়া যারা দিতাম দেখা ;
আমি উইড়া পড়তাম সোন! বন্ধুর দেশে রে।
আমরা ত অবলা নারী,
তরুতলে বাসা বাঁধি রে ;
আমার বদন চুয়ায়া পড় যাম রে।
বন্ধুর বাড়ি গদার পার
গেলে না অসিবা আর;
আমার না-জান বন্ধু, না জানে সঁতার রে।
বন্ধু যদি আমার হও
উইড়া আইসা দেখা দাও
তুমি দাও দেখা জুড়াক পরাণ রে।

—রাখালী গান

একটি বছর হইয়াছে সেই রূপাই গিয়াছে চলি,
দিনে দিনে দিন নব আশা লয়ে সাজুরে গিয়াছে হলি।
কাইজায় যারা গিয়াছিল গাঁর, তারা ফিরিয়াছে বাড়ি,
শহরের জজ, মামলা হইতে সবারে দিয়াছে ছাড়ি।
স্বামীর বাড়িতে একা মেয়ে সাজু কী করে থাকিতে পারে,
তাহার মায়ের নিকটে সকলে আনিয়া রাখিল তারে।
একটি বছর কেটেছে সাজুর একটি যুগের মতো,
প্রতিদিন আসি, বুঝখানি তার করিয়াছে শুধু ক্ষত।
ও-গায়ে রূপার ভাঙা ঘরখানি মেঘ ও বাতাসে হয়,
খুঁটি ভেঙে আজ হামাণ্ডি দিয়ে পড়েছে পথের গায়।
প্রতি পলে পলে খসিয়া পড়িছে তাহার চালের ছানি,
তারও চেয়ে আজি জীর্ণ শীর্ণ সাজুর হৃদয়খানি।
দুখের রজনী যদিও বা কাটে—আসে যে দুখের দিন,
রাত দিন দুটি ভাই বোন যেন দুখেরই বাজায় বান।

কৃষাণীর মেয়ে, এতটুকু বুক, এতটুকু তার প্রাণ,
 কী করিয়া সহে দুনিয়া জুড়িয়া অসহ দুখের দান!
 কেন বিধি তারে এত দুখ দিল, কেন, কেন, হয় কেন,
 মনের-মাতন কাঁদায় তাহারে 'পথের কাঙালী' হেন?

সোঁতের শেহলা ভাসে সোঁতে সোঁতে, সোঁতে সোঁতে ভাসে পানা,
 দুখের সাগরে ভাসিছে তেমনি সাজুর হৃদয়খানা :
 কোন জালুয়ার' মাছ সে খেয়েছে নাহি দিয়ে তার কড়ি,
 তারি অভিশাপ ফিরিছে কি তার সকল পরান ভরি!
 কাহার গাছের জালি কুমড়া সে ছিঁড়েছিল নিজ হাতে,
 তাহারই ছোঁয়া কি লাগিয়াছে আজ তার জীবনের পাতে!
 তোর দেশে বৃষ্টি দয়া মায়া নাই, হা-রে নিদারুণ বিধি
 কোন প্রাণে তুই কেড়ে নিয়ে গেলি তার আঁচলের নিধি।
 নয়ন হইতে উড়ে গেছে হয় তার নয়নের তোতা,
 যে বাথারে সাজু বলিতে পারে না, আজ তা রাখিবে কোথা?
 এমনি করিয়া কাঁদিয়া সাজুর সারাটি দিবস কাটে,
 আনমনে কভু একা চেয়ে রয় দীঘল গাঁয়ের বাটে।
 কাঁদিয়া কাঁদিয়া সকাল যে কাটে—দুপুর কাটিয়া যায়,
 সন্ধ্যার কোলে দীপ নিবু-নিবু সোনালি মেঘের নায়।
 তবু ত আসে না। বুকখানি সাজু নখে নখে আজ ধরে,
 পারে যদি তবে ছিঁড়িয়া ফেলায় সন্ধ্যার কাল গোরে।

মেয়ের এমন দশা দেখে মার সুখ নাই কোনো মনে,
 রূপারে তোমরা দেখেছ কি কেউ, শুধায় সে জনে জনে।
 গাঁয়ের সবাই অন্ধ হয়েছ, এত লোক হাটে যায়,
 কোনো দিন কিগো রূপাই তাদের চক্ষে পড়েনি হয়।
 খুব ভালো করে খোঁজে যেন তারে, বুড়ি ভাবে মনে মনে,
 রূপাই কোথাও পালাইয়া আছে হয়তো হাটের কোণে।
 ভাদ্র মাসেতে পাটের বেপারে কেউ কেউ যায় গাঁর,
 নানা দেশে তারা নাও বেয়ে যায় পদ্মানদীর পার।

১। জালুয়া = জেলে।

জনে জনে বুড়ি বলে দেয়, 'দেখো, যখন যেখানে বাও,
 রূপার তোমরা তালাস লইও, খোঁদার কহম্ম খাও।'
 বর্ষার শেষে আনন্দে তারা ফিরে আসে নায়ে নারে,
 বুড়ি ডেকে কয়, 'রূপারে তোমরা দেখ নাই কোনো গাঁয়ে।'
 বুড়ির কথার উত্তর দিতে তারা নাই পায় ভাষা,
 কী করিয়া কহে, আর আসিবে না যে পাখি ছেড়েছে বাসা।

চৈত্র মাসেতে পশ্চিমা হতে জন খাটিবার তরে,
 মাপাল মাথায় বিদেশী চামিরা সারা গাঁও ফেলে ভরে।
 সাজুর মায়ে যে ডাকিয়া তাদের বসায় বাড়ির কাছে,
 তামাক খাইতে ইঁকো এনে দ্যায়, জিজ্ঞাসা করে পাছে ;
 'তোমরা কি কেউ রূপাই বলিয়া দেখেছ কোথাও করে,
 নিটোল তাহার গঠন গঠন, কথা কয় ভাবে ভাবে।'
 এমনি করিয়া বলে বুড়ি কথ', তাহারা চাহিয়া নয়,—
 রূপারে যে তারা দেখে নাই কোথা, কেমন করিয়া কয়।
 যে গাছ ভেঙেছে বাড়িয়া বাতাসে কেমন করিয়া হয়,
 তারি ডালগুলো ভেঙে যাবে তারা কঠোর কুঠার-ঘায়?
 কেউ কেউ বলে, 'তাহারি মতন দেখেছি নু একজনে,
 আমাদের সেই ছোটো গাঁর পথে চলে যেতে আনমনে।'
 'আচ্ছা, তাহারে শুধাওনি কেহ, কখন আসিবে বাড়ি,
 পরদেশে সে যে কোন প্রাণে নয় আমার সাজুরে ছাড়ি?'
 গাঙে-পড়া-লোক যেমন করিয়া ভুগতি আঁকড়ি ধরে,
 তেমনি করিয়া চেয়ে রয় বুড়ি তাদের মুখের পারে।
 মিথ্যা করেই তারা বলে, 'সে যে আসিবে ভাদ্র মাসে,
 খবর দিয়েছে, বুড়ি যেন আর কাঁদে না তাহার আশে।'
 এত যে বেদনা তবু তারি মাঝে একটু আশার কথা,
 মুহূর্তে যেন মুছিয়া দেয় কত বরষের কথ্য।
 মেয়েরে ডাকিয়া বার বার কহে 'ভাবিস না মাগো আর,
 বিদেশী চামিরা কয়ে গেল মোরে— খবর পেয়েছে তার।'
 মেয়ে শুধু দুটি ভাষা-ভরা আঁখি ফিরাল মায়ের পানে ;
 কত ব্যথা তার কমিল ইহাতে সেই তাহা আজ জানে।
 গনিতে গনিতে শ্রাবণ কাটিল, আসিল ভাদ্র মাস,
 বিরহী নারীর নয়নের জলে ভিজিল বুকের বাস।

আজকে আসিবে কালকে আসিবে, হয় নিদারুণ আশা,
 ভোরের পাখির মতন শুধুই ভোরে ছেড়ে যায় বাসা।
 আজকে কত না কথা লয়ে যেন বাজিছে বুকের বীনে,
 সেই যে প্রথম দেখিল রূপারে বদনা-বিয়ের দিনে।
 তারপর, সেই হুটী ফেরা পথে তারে দেখিবার তরে,
 ছল করে সাজু দাঁড়ায়ে থাকিত গাঁয়ের পথের পরে।
 নানা ছুতো ধরি কত উপহার তারে সে যে দিত আনি,
 সেই সব কথা আজ তার মনে করিতেছে কানাকানি।
 সারা নদী ভরি জাল ফেলে জেলে যেমনি করিয়া টানে,
 কখন উঠায়, কখন নানার যত লয় তার প্রাণে ;
 তেমনি সে তার অতীতেরে আজি জালে জড়াইয়া টানে,
 যদি কোনো কথা আজিকার দিনে কয়ে যায় নব-মানে।
 আর যেন তার কোনো কাজ নাই, অতীত আঁধার গাঙে,
 ভুবান্ধর মতো ডুবিয়া ডুবিয়া মানিক মুকুতা মাঙে।
 এতটুকু মান, এতটুকু স্নেহ এতটুকু হাসি খেল,
 তারি সাথে সাজু ভাসাইতে চায় কত না সুখের ভেলা!
 হয় অভাগিনী! সে ত নাই জানে আগে যারা ছিল ফুল,
 তারাই আজিকে ভুজঙ্গ হয়ে দহিছে প্রাণের মূল।
 যে বাঁশি শুনিয়া ঘুমাইত সাজু, আজি তার কথা স্মরি,
 দহন নাগের গলা জড়াইয়া একা জাগে বিভাবরী।

মনে পড়ে আজ সেই শেষ দিনে রূপার বিদায়বাণী—
 ‘মোর কথা যদি মনে পড়ে তবে পরিও সিঁদুরঝনি।’
 আরও মনে পড়ে, ‘দীনদুঃখীর যে ছাড়া ভরসা নাই,
 সেই আল্লার চরণে আজিকে ভোমারে সঁপিয়া যাই।’
 হয় হয় পতি, তুমি ত জান না কি নিষ্ঠুর তার মন ;
 সাজুর বেদনা সকলেই শোনে, ‘শোনে না’ সে একজন।
 গাছের পাতারা ঝরে পড়ে পথে, পশুপাখি কঁদে বনে,
 পাড়া প্রতিবেশী নিতি নিতি এসে কেঁদে যায় তারি সনে।
 হায়রে বধির তোব কানে আজ যায় না সাজুর কথা ;
 কোথা গেলে সাজু জুড়াইবে এই একবক-ভরা ব্যথা।
 হয় হয় পতি, তুমি ত ছাড়িয়া রয়েছ দূরের দেশে,
 আমার জীবন কি করে কাটিবে কয়ে যাও কাছে এসে!

দেখে যাও তুমি দেখে যাও পতি তোমার লাউ-এর লতা,
 পাতাগুলি তার উনিয়া পড়েছে লয়ে কি দারুণ ব্যথা।
 হালের খেতেতে মন টিকিত না আধা কাজ ফেলে বাকি,
 আমারে দেখিতে বাড়ি যে আসিতে করি কতরূপ ফাঁকি।
 সেই মোরে ছেড়ে কী করে কাটাও দীর্ঘ বরষ মাস,
 বলিতে বলিতে ব্যথার দহনে থেমে আসে যেন শ্বাস।

নকসী-কাঁথাটি বিছাইয়া সাজু সারারাত আঁকে ছবি,
 ও যেন তাহার গোপন ব্যথার বিরহিয়া এক কবি।
 অনেক সুখের দুঃখের স্মৃতি গুরি বুকে আছে লেখা,
 তার জীবনের ইতিহাসখানি কহিছে রেখায় রেখা।
 এই কাঁথা যবে আরম্ভ করে তখন সে একদিন,
 কৃষাণীর ঘরে আদরিণী মেয়ে সারা গায়ে সুখ-চিন।
 স্বামী বসে তার বাঁশি বাজায়েছে, সিলাই করেছে সে যে;
 গুন্‌গুন্‌ করে গান কভু রাঙা ঠোঁটেতে উঠেছে বেজে।

সেই কাঁথা আজো মেলিয়াছে সাজু যদিও সেদিন নাই,
 সোনার স্বপন আজিকে তাহার পুড়িয়া হয়েছে ছাই।
 খুব ধরে ধরে আঁকিল সে সাজু রূপার বিদায় ছবি,
 খনিক যাইয়া ফিরে ফিরে আসা, আঁকিল সে তার সবি।
 আঁকিল কাঁথায়—আলু ধালু বেশে চাহিয়া কৃষাণ নারী,
 দেখিছে—তাহার স্বামী তারে যায় জনমের মতো ছাড়ি।
 আঁকিতে আঁকিতে চোখে জল আসে, চাহনি যে যায় ধুয়ে,
 বুকে কর হানি, কাঁথার উপরে পড়িল যে সাজু শুয়ে।
 এমনি করিয়া বহুদিন যায়, মানুষে যত না সহে,
 তার চেয়ে সাজু অসহ্য ব্যথা আপনার বুকে বহে।
 তারপর শেষে এমনি হইল, বেদনার ঘায়ে ঘায়ে,
 এমনি সোনার তনুখানি তার ভাঙিল ঝড়িয়া-বায়ে।
 কী যেন দারুণ রোগেতে ধরিল, উঠিতে পারে না আর;
 শিয়রে বসিয়া দুখিনী জননী মুছিল নয়ন-ধার।
 হায় অভাগীর একটি মানিক! খোদা, তুমি ফিরে চাও,
 এরে যদি নিবে তার আগে তুমি মায়েরে লইয়া যাও!

ফিরে চাও তুমি আল্লা রসূল! রহমান তব নাম,
দুনিয়ায় আর কহিবে না কেহ তারে যদি হও বাম।

মেয়ে কর 'মাগো! তোমার বেদনা জানি আমি সব জানি,
তার চেয়ে যে গোঁ অসহ্য ব্যথা ভাঙে মোর বুকের খানি।
সোনা মা আমার! চক্ষু মুছিয়া কথা শোনো, খাও মাথা,
ঘরের মেঝেতে মেলে ধরো দেখি আমার নকসী-কাঁথা।
একটু আমারে ধরো দেখি মাগো, সূঁচ সূতা দাও হাতে,
শেষ ছবিখানা এঁকে দেখি যদি কোনো সুখ হয় তাতে।'
পাতুর হাতে সূঁচ লয়ে সাজু আঁকে বুব ধীরে ধীরে,
আঁকিয়া আঁকিয়া আঁখি জল মুছে দেখে কত ফিরে ফিরে।
কাঁথার উপরে আঁকিল যে সাজু তাহার কবরখানি,
তারি কাছে এক গেঁয়ো রাখালের ছবিখানি দিল টানি;
রাত আঁকার, কবরের পাশে বসি বিরহীর বেশে,
অঝোরে বাজায় বাঁশের বাঁশিটি, বুক যায় জলে ভেসে।

মনের মতন আঁকি এই ছবি দেখে বারবার করি,
দুটি পোড়া চোখ বারবার শুধু অশ্রুতে উঠে ভরি।
দেখিয়া দেখিয়া ক্লান্ত হইয়া কহিল মায়েরে ডাকি,
'সোনা মা আমার! সত্যিই যদি তোরে দিয়ে মাই ফাঁকি,
এই কাঁথাখানি বিছাইয়া দিও আমার কবর পরে,
ভোরের শিশির কাঁদিয়া কাঁদিয়া এরি বুকে যাবে ঝরে!
সে যদি গো আর ফিরে আসে কভু, তার নয়নের জল,
জানি জানি মোর কবরের মাটি ভিজাইবে অবিরল।
হয়তো আমার কবরের ঘুম ভেঙে যাবে মাগো তাতে,
হয়তো তাহারে কাঁদাইতে আমি জাগিব অনেক রাতে।
এ ব্যথা সে মাগো কেমনে সহিবে, বোলো তারে ভালো করে,
তার আঁখি জল ফেলে যেন এই নকসী-কাঁথার পরে।
মোর যত ব্যথা, মোর যত কাঁদা এরি বুকে লিখে যাই,
আমি গেলে মোর কবরের গায় এরে মেলে দিও তাই!
মোর ব্যথা সাপে তার ব্যথাখানি দেখে যেন মিল করে,
জনমের মতো সব কাঁদা আমি লিখে গেনু কাঁথা ভরে।'

বলিতে বলিতে আর যে পারে না, জড়াইয়া আসে কথা,
অচেতন হয়ে পড়িল যে সাজু লয়ে কী দারুণ ব্যথা!

কানের কাছেতে মুখ লয়ে মাতা ডাক ছাড়ি কেঁদে কয়,
'সাজু সাজু! তুই মোরে ছেড়ে যাবি এই তোর মনে লয়?'
'আল্লা রসূল! আল্লা রসূল!' বুড়ি বলে হাত তুলে,
'দীনদুঃখীর শেষ কান্না এ আজিকে যেয়ো না ভুলে।'
দুই হাতে বুড়ি জড়াইতে যায় আঁধার রাতের কালি,
উতলা বাতাস ধীরে কয়ে যায়, সব খালি! সব খালি!!
'সোনার সাজুরে, মুখ তুলে চাও, বলে যাও আজ মোরে,
তোমারে ছাড়িয়া কী করে যে দিন কাটিবে একেলা ঘরে?'

দুখিনী মায়ের কান্নায় আজি খোদার আরশ কাঁপে,
রাতের আঁধার জড়াজড়ি করে উতল হওয়ার দাপে।

চৌদ্দ

উইড়া যাবরে পশ্চি পইড়া রবারে ছাড়া;
দেশের মানুষ দেশে যাইব—কে করিবে মায়'।

--দুর্শিদ্দা গান

আজো এই গাঁও অঝোরে চাহিয়া ওই গাঁওটির পানে,
নীরবে বসিয়া কোন কথা যেন কহিতেছে কানে কানে।
মধ্যে অথই শূন্য মাঠখানি ফাটলে ফাটলে ফাটি;
ফাণ্ডনের রোদে শুখাইছে যেন কী ব্যথারে মুক মাটির
নিঠুর চাষীরা বুক হতে তার ধানের বসনখানি,
কোন সে বিবল পল্লীর ঘরে নিয়ে গেছে হায় টানি।

বাতাসের পায়ে বাজে না আজিকে ঝল মল মল গান,
মাঠের ধুলায় পাক খেয়ে পড়ে কত যেন হয়ে স্নান!
সোনার সীতারে হরেছে রাবণ, পল্লীর পথ পরে,
মুঠি মুঠি ধানে গহনা তাহার পড়িয়াছে বৃষ্টি ঝরে।
মাঠে মাঠে কান্দে কলমির লতা, কান্দে মটরের ফুল,
এই একা মাঠে কী করিয়া তারা রাখিবে গো জাতি-কুল।

লাঙল আজিকে হয়েছে পাগল, কঠিন মাটিরে চিরে,
বুকখনি তার নাড়িয়া নাড়িয়া তেলারে ভাঙবে শিরে।

তবু এই গাঁও রহিয়াছে চেয়ে, ওই গাঁওটির পানে,
কত দিন তারা এমনি কাটানে কেবা তাহা আজ জানে।
মাঘে লুটায় দিগন্ত-জোড়া নকসী-কাঁথার মাঠ;
সারা বুক ভরি কী কথা সে লিখি নীরবে করিছে পাঠ!
এমন নাম ত শুনি নি মাঠের? যদি লাগে কারো বাঁধা,
যারে তারে তুমি শুধাইয়া নিও, নাই কোনো এর বাধা।

সকলেই জানে, সেই কোন কালে রূপা বলে এক চাষী,
ওই গাঁও এক মেয়ের প্রেমেতে গলায় পড়িল ফাঁসি।
বিয়েও তাদের হয়েছিল ভাই, কিন্তু কপাল-মেখা,
খণ্ডাবে কেবা? দারুণ দুঃখ ভালে একে গেল রেখা।
রূপা এক দিন ঘর-বাড়ি ছেড়ে চলে গেল দূর দেশে,
তারি আশা-পথে চাহিয়া চাহিয়া বউটি মরিল শেষে
মরিবার কালে বলে গিয়েছিল—তাহার নকসী-কাঁথা,
কবরের গায় মেলে দেয় যেন বিরহিণী তার মাতা!

বহুদিন পরে গাঁয়ের লোকেরা গভীর রাতের কালে,—
শুনিল কে যেন বাজাইছে বাঁশি বেদনার তালে তালে।
প্রভাতে সকলে দেখিল আসিয়া সেই কবরের গায়,
রোগ পাণ্ডুর একটি বিদেশী মরিয়া রয়েছে হায়!
শিয়রের কাছে পড়ে আছে তার কথানা রঙিন শাড়ি,
রাঙা মেঘ বেয়ে দিবসের রবি যেন চলে গেছে বাড়ি!
সারা গায় তার জডায়ে রয়েছে সেই সে নকসী-কাঁথা,—
আজও গাঁও লোকে বাঁশি বাজাইয়া গায় এ করুণ গাথা।

কেহ কেহ নাকি গভীর রাত্রে দেখেছে মাঠের পরে,—
মহা-শুনোতে উড়াইছে কেবা নকসী-কাঁথাটি ধরে;
হাতে তার সেই বাঁশের বাঁশিটি বাজায় করুণ সুরে,
তারি ঢেউ লাগি এ-গাও ও-গাও গহন ব্যথায় ঝুরে।

সেই হতে গাঁর নামটি হয়েছে নকসী-কাঁথার মাঠ,
ছেলে বুড়ো গাঁর সকলেই জানে ইহার করুণ পাঠ।

উড়ানীর চর

উড়ানীর চর ধূলায় ধূসর
যোজন জুড়ি
জলের উপরে ভাসিছে ধবল
বালুর পুরি।

ঝাঁকে বসে পাখি ঝাঁকে উড়ে যায়
শিথিল শেফালি উড়াইয়া বায়;
কিসের মায়ায় বাতাসের গায়
পালক পাতি ;
মহা কলতানে বালুয়ার গানে
বেড়ায় মাতি।

উড়ানীর চরে কৃষাণ-বধূর
খড়ের ঘর,
ঢাকাই সিমের উড়িছে আঁচল
মাথার পর।

জাঙলা ভরিয়া লাউ-এর লতায়
লক্ষ্মী সে যেন দুলিছে দোলায় ;
ফাগুনের হাওয়া কলার পাতায়,
নাচিছে ঘুরি ;
উড়ানী চরের বুকের আঁচল
কৃষাণ-পুরী।

উড়ানীর চর উড়ে যেতে চায়
হাওয়ার টানে ;
চারিধারে জল করে ছল ছল
কী মায়া জানে।

ফাগুনের রোদ উড়াইয়া ধূলি,
বুকের বসন নিতে চায় খুলি,
পদ ধরি জল কলগান তুলি,
নূপুর নাড়ে ;
উড়ানীর চর চিক্ চিক্ করে
বালুর হারে।

উড়ানীর চরে ছাড়-পাওয়া রোদ
সাঁঝের বেলা—
বালু লয়ে তারা মাখামাখি করি,
জমায় খেলা।

কৃষ্ণাণী তি বসে সাঁঝের বেলায়
নিহি চাল ঝড়ে মেঘের কুলায়,
ফাগের মতন কুঁড়া উড়ে যায়।
আলোক ধারে ;
কচি ঘাসে তারা জড়াজড়ি করে
গাঙের পারে।

উড়ানীর চরে ভূগের অধরে
রাতের রানী,
আঁধারের ঢেউ হোঁয়াইয়া যায়
কী মায়া টানি।

বিরহী কৃষ্ণাণ বাজাইয়া বাঁশি
কাল-রাতে মাখে কাল-ব্যথারানি;
থেকে থেকে চর শিহরিয়া উঠে
বালুকা উড়ে ;
উড়ানীর চর ব্যথায় বুমায
বাঁশির সুরে।

কাল সে আসিবে

কালকে সে নাকি আসিবে নোদের ওপারের বালুচরে,
এ পারের ঢেউ ওপারে লাগিছে বুঝি তাই মনে করে।

বুঝি তাই মনে করে,

বাউল বাতাস টানাটানি করে বালুর আঁচল পরে।

কাল সে আসিবে, মুখখানি তার নতুন চরের মতো,

চখা আর চখি নরম ডানায় মুছারে দিয়েছে কত।

চরের চাষীর ধানের খেতের মতোই তাহর গা,

কোথা বা হলুদ, আবছা হলুদ, কোথা বা হলুদ না।

কাল সে আসিবে, হাসিয়া হাসিয়া রাঙা মুখখানি ভরি,

এপারে আমার পাতার কুটিরে আমি কিবা আজ করি।

কাল সে আসিবে, ওই বালুচরে, এপারে আমার ঘর,

তার পরে নদী—ঘাটের ডিঙ্গা কাপে নদীটির পর।

কাল সে আসিবে, নোঙর ছিঁড়িলে, দুলিছে নায়ের পাল,

কারে হারিয়েছি, কারে যেন আমি দেখি নাই কত কাল।

ওপারেতে চর বালু লয়ে খেলে, উড়ায় বালুর পথ,

—ওখানে সে কাল দুটি রাঙা পায়ে ভাঙিয়া যাইবে পথ।

কাল সে আসিবে ওই বালুচরে, আমি কি আবার হয়,

আসমান-তারা শাড়িখানি আজ জড়াব সারাটি গায়?

রানলক্ষ্মণ শঙ্খ দুগাছি পরিব আবার হাতে,

খোঁপায় জড়াব কিংশুক-কলি, কাজল চোখের পাতে;

গলায় কি আজ পরিতে হইবে পদ্মা-রাগের মালা,

কানাড়া ছন্দে বাঁধিব কি বেণী কপালে সিঁদুর জ্বালা?

কাল সে আসিবে, মিছাই ছিঁড়িছি আধারের কালো কেশ,

আজকের রাত পথ ভুলে বুঝি হারাল উষার দেশ।

ওই বালুচরে আসিবে সে কাল, তার রাঙা মুখে ভরি,

অফুট উষার সোনার কমল আসিবে সোহাগে ধরি।

সে আসিবে কাল, গলায় পরিয়া কুসুম ফুলের হার,

দুখানি নূপুর মুখর হইবে চরণে জড়ায়ে তার।

মাথায় বাঁধিবে দুখান্নির লতা কচি সীমপাতা কানে,
 বেণুর অধর চুমিয়া চুমিয়া মুখর করিবে গানে।
 কাল সে আসিবে, রাই-সরিষার হলদি কোটার শাড়ি,
 মটর কনেরে সাথে করে যেন খুলে দেখ নাড়ি নাড়ি।
 কাল সে আসিবে ওই বালুচরে, ধারে তার এই নদী,
 তারি কূলে মোর ভাঙা কুঁড়ে ঘর, বহু দূরে নয় যদি ;
 তবু কি তাহার সময় হইবে হেথায় চরণ ধরি,
 মোর কুঁড়ে ঘর দিয়ে যাবে হয়, মণিমানিকেতে ভরি!
 সে কি ওই চরে দাঁড়ায়ে দেখিবে বরষার তরুণুলি,
 শীতের তাপসী কারে বা স্মরিছে আভরণ গার খুলি?
 হয়তো দেখিবে, হয় দেখিবে না, কাল সে আসিবে চরে,
 এপারে আমার ভাঙা ঘরখানি, আমি থাকি সেই ঘরে।

কাল সে আসিয়াছিল

কাল সে আসিয়াছিল ওপারের বালুচরে,
 এতখানি পথ হেঁটে এসেছিল কি জানি কি মনে করে।
 কাশের পাতায় আঁচড় লেগেছে তাহার কোমল গায়,
 দুটি রাঙা পারে আঘাত লেগেছে কঠিন পথের দায়।
 দাবা গাও বেয়ে যাতন করিতেছে, অলসে অবশ তনু,
 আমার দুয়ারে দাঁড়াল আসিয়া, দেখিয়া অবাক হনু।

দেখিলাম তারে—যার লাগি একা আশা-পথ চেয়ে থাকি,
 এই বালুচর মাথা কুটে কুটে ফুকরিয়া যারে ডাকি।
 দেখিলাম তারে—যার লাগি এই উদাস ঝাউ-এর বন,
 বরষ বরষ মোর গলা ধরি করিয়াছে ক্রন্দন।
 দেখিলাম তারে তবু কেন হয় বলিতে নারিনু ডাকি,
 কোন অপরাধে আমার ললাটে দিলে এত ব্যথা আঁকি?
 —বলিতে নারিনু, ওগো পরবাসী, দেখিতে এলে কি তাই,
 আগুন জ্বলেছে যেই ঘন-বনে সেকি পুড়ে হলো ছাই!
 এলে কি দেখিতে—দূর হতে যারে হেনেছিলে বিষ-বাণ,
 সে বন-বিহঙ্গী বেঁচে আছে কিবা জীবনের অবসান!

বলিতে নারিনু—নিষ্ঠুর পথিক, কেন এলে মিছেমিছি,
 অলস চরণ অবশ দেহটি, সারা গায়ে ঘাম, ছি ছি!
 এতখানি পথ হাঁটিয়া এসেছে কত না কষ্ট সহি,
 তারি কাছে মোর দুখের কাহিনী কেমন করিয়া কহি?

নয়নের জল মুহিয়া ফেলিনু, মুখে মাখিলাম হাসি,
 কহিলাম, বুঝি পুবের পুরুষ সাঁঝেতে উদিল আসি!
 আঁচলে তাহারে বাতাস করিনু চরণ দুখানি ধুয়ে,
 মাথার কেশেতে মুছাইয়া দিয়ে বসিলাম কাছে নুয়ে।
 কহিলাম, বড়ো ভাগ্য আমার, আজিকার দিনখানি,
 এমনি করিয়া রাখা যায় নাকি দুই হাতে যদি টানি!

রবির চলার রথ,
 আজিকার তরে ভুলিতে পারে না অন্ত-পারের পথ?
 কৌটার ভরে সিঁদুর ত রাখি, আজিকার দিন হয়,
 এমনি করিয়া কৌটার মাঝে ভরে কি রাখা না যায়।
 এই দিনটির মাথার কেশেতে বেঁধে রাখা যায় নাকি!
 মিছেমিছি কত বকিয়া গেলাম ছাইপাঁশ থাকি থাকি।
 শুনে সে কেবল হাসি-মুখে তার আরও মাখাইল হাসি,
 সেই রাঙা মুখে—যে মুখেই আশি এত করে ভালোবাসি।

মুখেতে মাখিল হাসি,
 সোনাদেহখানি নাড়া দিয়ে গেল বুঝি হাওয়া ফুল-বাসী!
 কাল এসেছিল এই বালুচরে আর মোর কুঁড়ে ঘরে—
 তার পাশে চলে ছোট নদীটি দুইখানি তীর ধরে।
 —সেই দুই তীরে রবি-শস্যেতে দিগন্ত গেছে ভরি—
 রাইসরিষার জড়াজড়ি করে ফুলের আঁচল ধরি।
 তারি এক তীরে বাঁকা পথখানি, দীঘল বালুর লেখা,
 সেই পথ দিয়ে এসেছিল কাল আঁকিয়া পারের রেখা।
 কাল এসেছিল, চখা আর চখি এ গুরে আদর করি,
 পাখা নেড়েছিল, তারি ঢেউ লাগি নদী উঠেছিল নড়ি।
 —তারি ঢেউ বুঝি ভেসে এসেছিল আমার পাতার ঘরে—
 বহুদিন পরে পেয়েছিলাম তাকে শুধু কালকের তরে।

কালকের দিন, মেক-কুহেলির অনন্ত আঁখিয়ারে
 শুধু একখানা আলোক-কমল ফুটেছিল এক ধারে।
 মহা-সাগরের দিগন্ত-জোড়া ফেন-লহরির পরে,
 প্রদীপ-তরলী ভেসে এসেছিল বুঝি এ ব্যথার বাড়ে।
 কালকে তাহার পেয়েছিলাম আমি, হায় হায় কত-কাল,
 যারে ভাবি এই শূন্য বালুচরে চিতায় দিয়েছি জ্বাল ;
 সেই তারে হায়, দেখিয়া নারিনু জ্বলিয়া দেখাতে আমি,
 এই জীবনের যত হাহাকার উঠিয়াছে দিন-যামী ;
 যে আগুনে আমি জ্বলিয়া মরেছি সে দাবদাহন আমি,
 কোন প্রাণে আমি নারী হয়ে সেই ফুলের তনুতে হনি।

শুধু কহিলাম,—পরান-বন্ধু! তুমি এলে মোর ঘরে,
 আমি ত জানিনে কী করে যে আজ তোমারে আদর করে।
 বুকে যে তোমারে রাখিব বন্ধু, বুকেতে শাসন জ্বলে ;
 নয়নে রাখিব! হায়রে অভাগা, ভাসিয়া যাইবি জলে!
 কপালে রাখিব! এ ধরার গাঁয়ে আমার কপাল পোড়া ;
 মনে যে রাখিব, ভেঙে গেছে সে যে কভু নাহে লাগে জোড়া।
 সে কেবল শুধু কাল ফ্যাল করে চাহিল আমার পানে ;
 ও যেন আরেক দেশের মানুষ, বোঝে না ইহার মানে।

সামনে বসিয়ে দেখিলাম তারে দেখিলাম সেই মুখ—
 ভাবিলাম ওই সুমেরু হইতে কী করে যে আসে দুখ।
 দেখিতে দেখিতে সকাল কাটিল, দুপুরের উঁচু বেলা,
 পশ্চিম দেশে গড়ায়ে পড়িল মেঘেতে আঁকিয়া বেলা।
 বালুচর হতে বিদায় মগিল নতুন বকের সারি,
 পাখায় পাখায় আকাশের বুকে শেফালির ফুল নড়ি।



সে মোরে কহিল, দিন চলে গেল, আমি তবে আজ আসি?
 —যার রাঙা মুখ ফুলের মতন, তাতে মাখা মিঠে হাসি।
 সে মোরে কহিল, একটি কথায় ভাঙিল স্বপন মোর,
 ভাঙিল তাহার সোনার চূড়াটি, ভাঙিল সকল দোর।

সে মোরে कहিল, শোন তাপসিনী! আজকের মতো তবে,
বিদায় হইনু, আবার আসিব মোর বৃশি হবে যবে।

হাসিয়াই তারে कहিলাম, সখা! বিদায় নমস্কার!
অভাগিনী আমি রুদ্বিতে নারিনু নয়নজলের ধাব।
খানিক যাইয়া ফিরিয়া চাহিল, कहিল আমারে, শোনো,
চোখে কেন জল, কিছু কয়ে তোমা বাধা কি দিয়েছি কোনো?

আমি कहিলাম, সুন্দর সখা আমার নয়ন-ধার—
পাইয়াও যে গো পাইনে তোমারে—ভাষা এই বেদনার।
'আমি কি নিষ্ঠুর?' সে মোরে শুধাল, আমি कहিলাম, নয়;
ফুলেরো আঘাত গায়ে লাগে যার, কে তারে নিষ্ঠুর কয়?
গলায় যাহারে মালা দেই নাকো হয়তো মালার ভারে,
তাহার কোমল ফুলের অঙ্গে কোনো ব্যথা দিতে পারে!

ছুই না যাহারে ভয়ে,
ও দেহ-তরুর অফুট কুসুম যদি পড়ে যায় ক্ষয়ে।
সে মোরে দিয়েছে এই এত জ্বালা এ কথা ভাবিব যবে,
রোজ-কেয়ামত ভেঙে পড়ে যেন আমার মাথায় তবে।
তবে কেন কাঁদ? হয় তাপসিনী! জীবনের ভোরখানি
কর হেলা পেয়ে আজিকে এনেছ মরণের দেশে টানি!
আমি कहিলাম, সোনার বন্ধু। এ মোর ললটি-লেখা,
কেউ পারিবে না মুছাইয়া দিতে ইহার গভীর রেখা।

মাথার পসরাখানি,
মাথায় লইয়া চলিতে হইবে সম্মুখে চরণ টানি।
এ জীবনে কেউ দোসর হবে না, নিবে না করিয়া ভাগ,
এই বুক ভরি জমায়েছি যত তীর বিষের দাগ।

তবু বলি সখা! কেন কাঁদি আমি, তোমাতে দেখিয়া মোর,
কেন বয়ে যায় শাঙনের ধারা ভাঙিয়া নয়নদোর।
আমি কাঁদি সখা, তুমি কেন হেথা মানুষ হইয়া এলে,
বিধির গড়া ত সবই পাওয়া যায়, মানুষেরে নাহি মেলে।

আকাশ গড়েছে শ্যাম-ঘননীল দুধের নবীন মেঘে,
সন্ধ্যাসকাল প্রতিদিন যায় নব নব রূপ মেখে;
যত দূরে যাই তত দূরে পাই কেউ নাহি করে মানা,
কেউ নাহি পারে কাড়িয়া লইতে মাথার আকাশখানা।

—বিধাতা গড়েছে সুন্দর দর, কাননে কুসুম-কলি,
কোলে কোলে তার পাখি গাহে গান, গুঞ্জরে মধু অলি।
বাতাস চলেছে ফুল কুড়াইয়া পাখায় জড়াবে ঘ্রাণ,
যারে পায় তারে বিলাইয়া যায় কুলকলিদের দান।

তুতিনী চলেছে গাহি—

তার ভলে আজ সম-অধিকার, কারো কোনো বাধা নাহি।
শুধু মানুষেরে পায় না মানুব, নাহি কারো অধিকার,
মানুষ সব্বারে পাইল এ ভবে, মানুষ হল না কার!
কেন তুমি সখা! মানুষ হইলে, অতটুকু দেহ ভরি,
বিশ্ব জোড়া এ রূপ-পিপাসারে কেন রাখিয়াছ ধরি।
আমি কাদি সখা! কেন তুমি নাহি আকাশের মতো হলে,
যেখানে যেতাম তোমারে পেতাম, দেখিতাম নানা ছলে।

আকাশের তলে ঘর,

যারা বাঁধিয়াছে তাদের তৃষ্ণা অমনি নিপুলতর।
তুমি কেন সখা! কানন হলে না, ফুলের সোহাগ পরি,
রঙিন তোমার দেহ-দীপখানি পুলকে উঠিত ভরি।
বাউল বাতাসে ভাসিয়া যেতাম তোমার ফুলের বনে,
অনন্ত-তৃষা মিটায়ে নিতাম অনন্ত-পাওয়া সনে।

কেন তুমি সখা! মানুষ হইলে! সীমারে বরণ করি
অসীম ক্ষুধারে সীমার বেড়ার বাহিরে রেখেছ ধরি।
তুমি কেন সখা! এমন হলে না—যত দূরে যাইতাম,
আকাশের মতো যত দূরে চাহি তোমারেই পাইতাম।
আমি অনন্ত, আমি যে অসীম, অনন্ত মোর ক্ষুধা—
বিপুল এ দেশে ভাসিতেছ তুমি একটু সীমার সুধা।

হায় রে মানুষ হায় :

কেমন করিয়া পাব তারে, যারে ধরা-ছোঁয়া নাহি যায়;
আমি কাঁদি কেন সুন্দর সখা! তোমারে বলিব খুলি
এই বেদনায়, কেন তুমি এলে মানুষ হইয়া ভুলি?
যে মানুষ এই ধরারে দেখিছে নীতির চশমা পরি,
যার যাহা পায় তাই লয় সে যে পালায় গুজন করি।
জগৎ জুড়িয়া পাতিয়াছে যারা মনুষংহিতা বই—
আমি কাঁদি সখা! আর কিছু নও তুমি সে মানুষ বই।

জগতের মজা ভারি—

চোখ বেঁধে যারা ধরারে দেখিল তাহাদেরি নাম জরি।
বাহিরে হাসিছে নীতির জগৎ, তাহার আড়ালে বসি,
কাঁদে উভরায় উলঙ্গ নর পরি শাসনের রসি।
সে বলে যে আমি না-ভালো-মন্দ, আমি নর-নারায়ণ,
মহাশক্তিরে বাঁধিয়া রেখেছে সংস্কার বন্ধন।
আমি কাঁদি সখা! আমার মাঝারে আছে সে আমার আমি,
মোর সুখে দুখে মন্দ-ভালোয় সুনাম-কুনামে নামী;
এ-জগতে কেউ চাহিল না তারে; এ মোর পসরাখানি,
যারে দিতে যাই সেই ফিরে চায় হেলায় নয়ন টানি।

জগতের হাটে তাই—

সে মোর আমারে খণ্ড করিয়া দোকানে বিকায়ে যাই।
কেউ হাসি চায়, কেউ ভালোবাসা, কেউ চায় মিঠে-কথা,
কেউ নিতে চায় নয়নের জল, কেউ চায় এর বাখা।
শস্যের খেতে একেলা কৃষাণ বীজ ছড়াইয়া যাই,
কোথা পাপ কোথা পুণ্য ছড়ানু, কোনো কিছু মনে নাই।
আমি কাঁদি সখা! হাটে-বেচা সেই খণ্ড আমারে লয়ে,
যারে ভালোবাসি—তাহার পূজায় কেমনে আনিব বয়ে।
হায় হায় সখা! তুমি কেন হলে হাটের দোকানদার—
খণ্ড করিয়া চাহ যারে তুমি পূর্ণ চাহ না তার?
সব কথা মোর গুনে সে কেবল কহিল একটু হাসি—
মোর যত কথা কব একদিন, আজকের মতো আসি।

পায়ে পায়ে পায়ে যতদূর গেল, নিম্নেবে রহিনু চেয়ে ;
 সঙ্ক্ৰান্তিমিরে কলস ডুবাল সাঁঝের রঙিন মেয়ে ,
 শূন্য চরের মাতাল বাতাস রাতের কুহেলি কেশ ,
 নাড়িয়া নাড়িয়া হররান হয়ে ফিরিল উষার দেশ।
 কতদিন গেল, কত রাত এল ঋতুর বসন পরি,
 চলে কাল-নটী বরনে বরনে বরষের পথ ধরি।
 আজো বসে আছি এই বালুচরে, দুহাত বাড়িয়ে ডাকি,
 কাল যে আসিল এই বালুচরে, আর সে আসিবে নাকি?

দুরাশা

শূন্য নদীর কূলে,
 আমার বেদনা দুটি তট বেড়ি কাদিতেছে কূলে কূলে।
 উতল বাতাস পাখা নাড়িতেছে বাকুল বেণুর শাখে.
 কাশবন আজি গড়াগড়ি যায় সারা গায়ে ধূলি মাখে।
 গগন-রেখার চক্র ধরিয়া বৃথা কঁাদে দূর বন,
 সেই নির্মম কভু পরিল না সবুজের বন্ধন।

মিছে ঘুরে মরে চরের বিহগ শূন্যে বাঁধিয়া ডানা,
 সে দূর আজিও পাখার বাসরে আনেনি আকাশখানা।
 বৃথা কঁাদে মরে মাটির ধরায় সবুজের আল্পনা,
 কোমল বাহুর বাঁধন তাহার আজো কেউ পরিল না।

আর একদিন আসিও বন্ধু

আর একদিন আসিও বন্ধু—আসিও এ বালুচরে ;
 বাহুতে বাঁধিয়া বিজলির লতা রাঙা মুখে চাঁদ ভরে।
 তটিনী বজ্রাবে পদ-কিঙ্কিণী পাখিরা দোলাবে ছায়া,
 সাদা মেঘ ভব সোনার অঙ্গে মাথাবে মোমের মায়া।

আসিও সজনী, এই বালুচরে, আঁকা বাঁকা পথখানি,
 এধারে ওপারে ধানখেত তারে লয়ে করে টানটানি
 কখনো সে গেছে ওপারে বাকিয়া কখনো এধারে আসি,
 এবে ওরে লয়ে জড়াজড়ি করে ছড়ায় ধুলার হাসি।
 এই পথ দিয়ে আসিও সজনী, প্রভাতে ও সন্ধ্যায়,
 দিগন্ত-জোড়া ধানের খেতের গন্ধ মাখিয়া গায়।
 —চরের বাতাস বাতাস করিয়া শীতল করিছে যাবে,
 সেই পথে তুমি চরণ ফেলিয়া আসিও এ নদী পারে।
 আর একদিন আসিও সজনী। এ মোর কামনাখানি,
 মুক বালুচরে আখর একেছি নখরে নখর হানি।
 লিখিয়াছি তাহা পাখির পাখায় মোর নিঃশ্বাস ঘায়ে,
 আর লিখিয়াছি দূর গগনের কনক মেঘের ছায়ে।
 সেই সব তুমি পড়িয়া পড়িয়া মনস অবশ কার,
 এইখানে এসে থামিও বন্ধ, মোর বেণুবন ছায়।
 এই বেণুবন মোর সাথে সাথে কাঁদিয়াছে বহু রাত্রি,
 পাতায় পাতায় জড়াজড়ি করি উতল পবনে মাতি।

এইখানে সখি! সাক্ষ্য হইয়া রাতের প্রহরগুলি,
 কত যে গভীর বেদনা আমার তোমারে বলিবে খুলি।
 রাত-জাগা পাখি কহিবে তোমারে, আমার বে-ঘুম রাত্রি,
 কাটিতে কাটিতে কী করে নিবেছে একে একে সব রাত্রি।
 সেইখানে তুমি বসিও সজনী! মনে না রাখিও ডর,
 সেদিন কাহারো কোনো অভিযোগ হানিবে না কারো পর।
 সেদিন আমার যত কথা সখি! এই মুক মাটি তলে,
 মোর সাথে সাথে ঘুমায়ে রহিবে মহা-মৃত্যুর কোলে।
 এই নদীতটে বরষ বরষ ফুলের মহোৎসবে;
 আসিবে যাহারা তাহাদের মাঝে মোর নাম নাহি রবে।

সেদিন কাহারো পড়িবে না মনে, অভাগা গায়ের কবি,
 জীবনের কোন কনক বেলায় দেখেছিল কার ছবি।
 ফুলের মালায় কে লিখিল তারে গোরের নিমন্ত্রণ,
 কে দিল তাহাবে ধূপের ধোয়ায় নিদারুণ হত্যাশন।

সেদিন কাহারো পড়িবে না মনে কথা এই অভাগার,
 জানিবে না কেউ কত বড়ো আশা জীবনে আছিল তার।
 দরবারে বুক প্রদীপ রাখি সে, অদৃশ্যে ডাক দিত,
 মটির কলসে জল ভরে সে যে তটিনীরে বুক নিত।
 এত বড়ো আশা কী করে ভাঙিল, কী করে জীবন ভোর,
 রঙ-কুহেলির সোনার স্বপন ভাঙিল সিঁকেল চোর।
 এসব সেদিন স্মরিবে না কেহ, দুঃখ নাহিক তায়,
 যে গেল তাহারে ফিরায়ে আনিতে পিছু ডাক নাহি হয়।
 যে দুখে আমার জীবন দহিল সে দুখের স্মৃতি রাখি,
 সবার মাঝারে রহিব যে বেঁচে, এর চেয়ে নাই ফাঁকি।
 তুমিও আমারে ভেবো না সেদিন, আমার দুঃখভার :
 এতটুকু ব্যথা নাহি আনে যেন কোনদিন মনে কার।
 এ মোর জীবনে তোমার হাতের পেয়েছি নু অবহেলা,
 এই গৌরব রহিল আমার ভরিতে জীবনভেলা।
 তুমি দিয়াছিলে আমারে আঘাত, তারি মহা মহিমায়
 সবার আঘাত দলিয়া এসেছি, এ মোর চরণ ঘায়।
 তোমারে আমার লেগেছিল ভালো, আর সব ভালো তাই
 আমার জীবনে এতটুকু দাগ কেহ কভু আঁকে নাই।
 তোমারে নিকটে পেয়েছি নু ব্যথা তারি গৌরবভরে,
 আর সব ব্যথা খড়কুটা সব ছিড়িয়াছি নখে ধরে।

তুমি দিয়েছিলে ক্ষুধা,

অবহেলা তাই ছাড়িয়া এসেছি জগতের বত সূধা
 এ জীবনে মোর এই গৌরব তোমারে যে পাই নাই,
 আর কারো কাছে না-পাওয়ার ব্যথা সহিতে হয়নি তাই।
 তোমার নিকট কণিকা না পেয়ে আমি হয়োছি নু ধনী—
 আমার কুটির ছাড়াছড়ি যেতে রতন মনিক মণি।

তাই সেই শুভ ফণে—

মোর পরে তব বত অন্যায় আনিও না কভু মনে।
 আমারে যে ব্যথা দিয়েছিলে তুমি, তাতে নাই মোর দুখ,
 তুমি সুখে ছিলে, নোর সাথে রবে এই স্মরণের সুখ।

আর একদিন আসিও সজনী। মোর কণ্ঠের ডাক
 যতদিন তুমি না আসিবে যেন নাহি হয় নির্বাক।
 এ মোর কামনা পাখি হয়ে যেন এই বালুচরে ফেরে,
 যেন বাজ হয়ে গগনে গগনে মেঘের বসন ছেড়ে।
 এই কথা আমি ভরে রেখে যাই খর-তটিনীর জলে,
 যেন দুই কূল ভাঙিয়া সে চলে আপনার কলোলে।
 আর একদিন আসিও সজনী। এ আমার অভিশাপ
 যত দিন যাবে পলে পলে এর বাড়িবে ভীষণ তাপ।
 এই বাসনার ইন্ধন জ্বালি সাজালেম যেই হোম
 কাল-নষ্টেশের চরণের তালে জ্বলে যেন নির্মম।
 যেন তারি দহ সপ্ত আকাশ ভেদিয়া উপরে ধায়,
 চন্দ্র-সূর্য মূরছিয়া পড়ে তারি নিশ্বাস ঘায়।
 যেন সে বহি শত ফণা মেলি করে বিষ উদ্গার,
 তারি দহ হতে তুমি যেন কভু নাহি পাও উদ্ধার।
 যতদিন তুমি এই বালুচরে নাহি আস পুন ফিরে,
 অজি এই কথা লিখে রেখে যাই বালুকার বুক চিরে।

কৃষাণী দুই মেয়ে

কৃষাণী দুই মেয়ে

পথের কোণে দাঁড়িয়ে হাসে আমার পানে চেয়ে।
 ওরা যেন হাসি-খুশির দুইটি রঙা বোন,
 হাসি-খুশির বেসাত ওরা করছে সারাখন।
 ঝাকড়া মাথার কোঁকড়া চুলে, লেগেছে খড়কুটো,
 তাহার নীচে মুখ দুখানি যেন তরমুজফালি দুটো।
 সেই মুখেতে কে দুখানি তরমুজেরি ফালি,
 বেঁধে রাঙা ঠোঁটের শোভা দেখছে যেন ঝলি।
 একটি মেয়ে লাজুক বড়ো, মুখের আরেক জন,
 লজ্জাবতীর লতা যেন জড়িয়ে গোলাপ বন।

একটি হাসে, আর সে হাসি লুকায় অঁচল কোণে,
 রাঙা মুখের খুশি মিলায় রাঙা শাড়ির সনে।

পউষ-রবির হানির মতো আরেক জনের হাসি,
 কুরাশাইন আকাশ ভরে টুকরো-মেখে ভাসি।
 চাষীদের ওই দুইটি মেয়ে ঈনের দুটি চাদ,
 যেই দেখেছি, পেরিয়ে গেল নয়ানপুরীর ফাদ।

রাখালের রাজগী

রাখালের রাজা! আমাদের ফেলি কোথা গেলে ভাই চলে,
 বুক হতে খুলি সেনা লতাগুলি কেন গেলে পায়ে দলে?
 জানিতেই যদি পথের কুমুম পথেই হইবে বাসি,
 কেন তারে ভাই! গলে পরেছিলেন এতখানি ভালোবাসি?
 আমাদের দিন কেটে যাবে যদি গলেতে কাজের ফাঁসি
 কেন শিখাইলে ধেনু চরাইতে বজায়ে বাঁশের বাঁশি?
 খেলিবার মাঠ লাঙল বাজায়ে চষিতেই যদি হবে,
 গাঁয়ের রাখাল ডাকিয়া সেথায় রাজা হলে কেন তবে?

ভূমি চলে গেছ, ওধু কি আমরা তোমারি কাঙাল ভাই!
 হারিয়েছি গান, গোচরণ মাঠ, বাঁশের বাঁশি ভাই।
 সোজাসুজি মাথ উগাও চলিতে কোথা সে উগাও মাঠ,
 গোখুর ধুলোর চাদোয়া-টাঙানো কোথা সে গাঁয়ের বাট?
 চরণ ফেলিতে চরণ চলে না শস্য-খেতের মানা,
 খেলিবার মাঠে বড় জমকালো মিলেছে পাটের থানা।
 গেঁয়ো শাখী আজ লুটয়ে পড়িছে কাঁচা পাকা ফল-ভারে,
 তলে তলে তার মাঠের রাখাল হুটি মিলিহিতে নারে।
 চষা মাঠে আজ লাঙল চলিতে জাগে না ভাটির গান
 সারা দিন খেটে অন্ন কুড়াই, তবু তাতে অকুলান।
 ঘানের গেলার গর্বেতে আজি ভরে না চাষীর বুক,
 টিনের ঘরের আট-চালা বেঁধে রোদে জ্বলে পায় সুখ।
 বাত্বের নায়েতে হুই দিয়ে চাষী পটের বেপার করে,
 দাবাড়ের গরু হালের খেতে যে জোয়ার বহিয়া মরে

হেমন্ত নদ চেউ খেলনাক সারীর গানের সুরে,
গরু-দেড়ের মাঠখনি চাষী লাঙলেতে দেছে ফুঁড়ে।

মনে পড়ে ঘর ছোনের ছাউনি, বেড়িয়া চলব বাতা,
কৃষানবধুর বুকখনি যেন লাউ-এর লতায় পাতা।
তারি পাশে পাশে প্রতি সন্ধ্যায় ম'টির প্রদীপ বরি
কুমারী মেয়েরা অশিস মাগিত গ্রাম-দেবত'রে শ্রবি।

আজকে সেখানে জ্বলে না প্রদীপ, বাজে না মাঠের গান,
ঘুমলী রাতের গ্রহর গনিয়া ডাগে না বিরহী প্রাণ।
শূন্য বাড়িগুলো রয়েছে দাঁড়ায়ে, ফাটলে ফাটলে তার,
বুনো লতাগুলো জড়িয়ে জড়িয়ে গেঁথেছে বিরহ-হার।

উকুন বাহার গায়ে মারা যায়—খন খন করে তাজা,
এমন গরুরে পলিয়া কৃষাণ নিজেদের বনে না রাজা।
ধানের গোনার গর্গ ভুলেছে, ভুলেছে গায়ের বল,
চক্ষু বুজিয়া ঝুঁজিছে কোথায় টাকা বানানোর কল।
সারদিন ভরি শুধু কাজ কাজ আরও চাই আরও—আরও—
ক্ষুধিত মানুষ ছুটিছে উধাও, তুষা মোটে না কারও।
পেটে নাই ভাত, মুখে নাই হামি, রোগে হাড়খানা সাব,
প্রেত-পুরী যেন নামিয়া এসেছে বাহিরা নরক-দার।
হাজার কৃষাণ কঁদিছে অবোরে কোথা তুমি মহারাজ?
ব্রজের আকাশ ফাড়িয়া ফাড়িয়া ইকিছে বিরহ-বাজ।
আমর তোমারে রক্তা করেছি নু পাতার মুকুট গড়ে,
ছিঁড়ে ফেলে তাহা গণির মুকুট পরিলে কেমন করে?
বাঁশরি বাজাবে শাসন করেছ মানুষ-পশুর দল,
সুর শুনে তার উজান বহিত কালো যমুনার জল।
কোন প্রাণে সেই বাঁশের বাঁশরি ভেঙে এলি গৈয়ো বাটে?
কার শোভে তুই রাজা হলি ভাই! মধুরার রাজপাটে?
বাঁশরি শাসন হেলায় সয়েছি, বুনো ফলে দিছি কর,
অসির শাসন কী দিয়ে সহিব, বেচিয়াছি বাড়িঘর;
হালের গরুরে নিলামে দিয়েও টিটাত পালিশি ভুখ,
আবখান ফলে পেট ভরে খেত—ভেবে ভেবে হয় দুখ—

এত পেয়ে তোর সাথ মেটে নাকো, দুনিয়া জুড়িয়া ক্ষুধা,
আমরা রাখাল মাঠের কাঙাল যোগাইব তারি সুখ!

শোন রে কানাই! পট কহিছি, সহিব না মোরা আর,
সীমার বাহিরে সীমা আছে যদি, ধৈর্যেরো আছে বার।
ভাবিয়াছ ওই অসির শাসনে মোরা হয়ে জড়সড়,
নিভের ক্ষুধার অন্ন অনিয়া চরণে করিব জড়?

বাঁশির শাসন মেনেছি বলিয়া অসিও মানিতে হবে?
গুরু দেয়া-ডাকে কাজবী গেয়েছি, ঝড়েও গাইব তবে?
বাঁশির শাসন বুকে বেয়ে লাগে, নত হয়ে আসে শির,
অসির শাসনে মরদেহেরো মাঝে জেগে ওঠে শত বীর।
ভাবিয়াছ, মোরা গায়ের রাখাল, নাই কোনো হাতিয়ার,
যে লাঙল পারে মাটির ফড়িতে, ভাঙিতেও পারে ঘাড়।
ঝড়ের সঙ্গে লড়িয়াছি মোরা, বাদলের সাথে যুদ্ধি,
বর্ষার সাথে মিতালি পাতায় সোনা ধান করি পুঁজি।

তবুও সেখানে প্রদীপ জ্বলাই ঘন আঁধারের কোলে,
আঁকড়িয়া আছি পল্লীর মাটি কোন ক্ষমতার বলে!
জনমিয়া যারা দুখের নদীতে শিখিয়াছে দিতে পাড়ি,
অসির শাসনও তরিরে তাহারা যাক না দুদিন চরি।
পট করিয়া কহিছি কানাই, এখনো সময় আছে,
গায়ে ফিরে চলো, নতুবা তোমায় কান্দিতে হইবে পাছে।
জনম-দুখিনী পল্লী-যশোদা আশায় রয়েছে বাঁচি,
পাতায় পাতায় লতায় লতায় লতিয়ে হেহের সাজি!
হিয়াখনি তার হানা-বাড়ি সম ফটিলে ফটিলে কান্দি
বক্ষে লয়েছে তোমারি বিরহ বনের লতায় বাঁধি।

আঁপা পুকুরের পাতা কালো জলে মরছে কমল-রাগ,
কৃষাণবধূরা সিনান করিতে শুনে যায় তারি কান।
বেণুবনে তুমি কবে বেঁধেছিলে তোনার বাঁশের বাঁশি,
দখিনা বাতাস অজিও তাহারে বাজাইয়া যায় অসি!

কেমন লতায় দোলনা বাঁধিয়া শাখীরা ডাকিছে সুখে,
আর কত কাল ভুলে রবি ভাই, পাখাণ মথুরা-পুরে?

আমরা ত ভাই! ভেবে পইনাক তোরি বা কেনন রীত,
একলা বসিয়া কেতাব লিখিস ডুলিয়া মঠের গীত।
পুখিঙলো সব পোড়াইয়া ফাল, দেখে গাও করে জ্বালা,
কেমনে কটিস সারাদিন তুই লইয়া ইহার পালা?
ওরই তো তোরে যাদু করিয়াছে, মোরা যদি হইতাম,
ছিড়িয়া ছিড়িয়া বানাইয়া ঘুড়ি আকাশে উড়াইতাম!
রাজধানী যেরে পরদেশে তোর—ইট-কাঠ দিয়ে ঘের,
ইট-কাঠ তাই আঁচিষাট বেঁধে মনেও কি দিনি বেড়া?

এত ডাক ডাকি শুনে না শুনিস, এমনি কঠিন হিয়া—
আমরা রাখাল ভাবিয়া না পাই—গলাইব কীবা দিয়া?
একলা আমরা মাঠে মাঠে ফিরি, পথে পথে কেঁদে মরি,
আমাদের গান শোনে নারে কেউ, নয় নাকো হাত ধরি:

চলো গায়ে যাই, আঁকাবঁকা পথ ধুলার দোলায় দেলে,
দুধারের খেত কাড়াকাড়ি করে তাহারে নইতে কোলে।
কদম্ব-রেণু শিহরিয়া উঠে নতুন পাটল মেখে,
তমালের কনে বিরহী রাধার কদা-দেয়া যায় ডেকে।

যাব আমি তোমার দেশে

পল্লী-দুলাল, যাব আমি—যাব আমি তোমার দেশে,
আকাশ যাহার বনের শেষে দিক-তারো মাঠ চরণ ঘেঁসে।
দূরদেশীয়া মেঘ-কনের মাথায় লয়ে তুলের বারি,
দাঁড়ায় যাহার কোলটি ঘেঁষে বিজনি-পেড়ে আঁচল নাড়ি।
বেতস কেয়ার মাথায় যেথায় ভাঁহক ডাকে বনের ছায়ায়,
পল্লী-দুলাল ভাই গো আমার, যাব আমি যাব সেথায়।

তোমার দেশে যাব আমি, দীঘল নাকা পছখনি,
ধান কাউনের খেতের ভেতর সরু সূতের আঁচল উনি;

গিয়াছে সে হাবা মেয়ের এলোমাথার সিঁথির মতো
 কোথাও সিঁধে, কোথায় বাঁকা, গরুর পায়ের রেখায় ক্ষত ;—
 গাজনতলির মাঠ পেরিয়ে, শিমুলতলীর বনের বাঁয়ে,
 কোথাও গায়ে রোদ মাখিয়া, ঘুম-ঘুমায়ে গাছের ছায়ে ;
 তাহার পরে মুঠি মুঠি ছড়িয়ে দিয়ে কদম-কলি,
 কোথাও মেলে বনের লতা গ্রাসা মেয়ে যায় যে চলি ;
 সে পথ দিয়ে যাব আমি পল্লী-দুলাল তোমার দেশে,
 নাম-না-জানা ফুলের সুবাস বাতাসেতে আসবে ভেসে।

তোমার দেশে যাব আমি, পাড়ার যত দসিা ছেলে,
 তাদের সাথে দল বাঁধিয়া হেথায় সেথায় ফিরব খেলে।
 থল-দীঘিতে সাঁতার কেটে আনব তুলে রক্ত-কমল,
 শাপলা লতায় জড়িয়ে চরণ ঢেউ-য়ের সাথে খাব যে দেল।
 হিড়ল-ঝরা জলের সাথে গায়ের বরন রঙিন হবে,
 দীঘির জলে খেলবে লহর নোদের নীলাকালোসবে।

তোমার দেশে যাব আমি পল্লী-দুলাল ভাইগো সোনার,
 সেথায় পথে ফেলতে চরণ লাগবে পরশ এই মাটি-মার!
 ডাকব সেথা পখির ডাকে, ভাব করিব শাখীর সনে,
 অজান ফুলের রূপ দেখিয়া মানব তারে বিয়ের কনে ;
 চলতে পথে ময়না কঁটায় উত্তরীয় জড়িয়ে যাব,
 অচেন মাটির হেঁচট লেগে আঁচল হতে ফুল ছড়াবে।
 পল্লী-দুলাল, যাব আমি—যাব আমি তোমার দেশে,
 তোমার কাছে হাত রাখিয়া ফিরব মোর উদাস বেশে।
 বনের পাতার ফাঁকে ফাঁকে দেখব মোরা সাঁঝ-বাগানে,
 ফুল ফুটেছে হাজার রঙের মেঘ-তুলিকার নিখুঁত টানে।
 গাছের শাখা দুলিয়ে আমি পাড়ব সে ফুল মনের আশে,
 উত্তরীয় ছড়িয়ে তুমি দাঁড়িয়ে থেকো বনের পাশে।

যে ঘাটেতে ভরবে কলস গাঁয়ের বিভেল পল্লীবালা,
 সেই ঘাটেরি এক ধারেতে আসব রেখে ফুলের মালা ;

দীঘির জলে ছট বড়াতে পথে পাওয়া মালাঝানি,
 কুড়িয়ে নিয়ে ভাববে ইহা রাখিয়া গেছে কেউ না জানি।
 চেনে-না তার হাতের মালা হয়তোবা সে পরবে গলে,
 আমরা দু'জন থাকব বসে তেউ-দোলা সেই দীঘির কোলে।
 চার পাশেতে বনের সারি এলিয়ে শাখার কুন্তল-ভাব,
 দীঘির জলে তেউ গর্জিব ফুল শুকিবে পদু-পাতার।
 বনের মাঝে ডাকবে ডাক, ফিরবে ঘুঘু আপন বাসে,
 দিনের পিদিন চুলবে ঘুমে রাত-জাগা কোন ফুলের বাসে।
 চার ধারেতে বন জুড়িয়া রাতের আঁধার বাঁধবে বেড়া,
 সেই কুহেলির কালো কারায় দীঘির জলও পড়বে ঘেরা।
 সেই আঁধারে পাখায় ধরে চামটিকাবা উড়ে উঠি,
 দিকে দিকে দিগন্তের ছড়িয়ে দেবে মুঠি মুঠি।
 তখন সেথা থাকবে না কেউ, সুদূর বনের গহন কোণে,
 কানাকুয়া ডাকবে শুধু পহরের পর পহর গনে।
 সেই নিরালার বুকটি চিরে পল্লীদুলাল আমরা দু'জন,
 পল্লীমায়ের রূপটি যে কী, করব মোরা তার অপ্বেষণ।

চৌধুরীদের রথ

চৌধুরীদের রথ

ডান ধারে তার ধুলায় ধূসর ভালমা হাটের পথ।
 চামটিকে আর আরসুনারা নির্ভাবনায় বসি,
 করছে নানান কল-কোলাহল রথের মাঝে পশি।
 বাদুড় সেথা ঝুলছে সুখে, বাহির জগৎখানি,
 অনেক দিনই ত্যাগ করেছে তাদের জানাজানি।
 গরুর বীরের মাথায় বসি পাঁকুড় গাছের চারা,
 মেলাছে শিকড়, তবু ঠাকুর দেখনি কোনো সড়া।
 কাঠের ঘোড়ার টাং ভেঙেছে, বসছে রথের ছাদ,
 আজো তবু কেউ করেনি ইহ'র প্রতিবাদ।
 রাস্তা দিয়ে নানান বকম লোকের চলচল;
 নানান বকম আলাপ বিলাপ, নানান কোলাহল।

কেউ বা চাষী, কেউ বা ধনী, পরদেশী, কেউ দেশী,
 ভাবে তারা সবার চেয়ে কাজের কথাই বেশি।
 কেউ বা ভাবে, মোকদ্দমায় হারিয়ে দিয়ে কার
 বসত-বাড়ি করবে নিলাম বাঁশ-গাড়িতে তরে।
 কেউ বা ভাবে, কী কৌশলে মেলি কথার জাল,
 এক আনিতে আনবে টেনে ছয়পয়সার মাল।
 যতই কেন ব্যস্ত থাকুক, যতই কাজের তাড়া ;
 হেথাই এনে সব ভুলে চায় রথের পানে তারা।
 চাক-ভাঙা আর বয়স-মলিন চৌধুরীদের রথ,
 তাদের পানে করণ চেয়ে শুধায় যেন পথ ;—
 শুধায় যেন, সেই অতীতের চৌধুরীদের কে,
 ঘুতোর ডেকে রঙিন এ-রথ গড়ল পুলকে।
 আসল গায়ের বৃদ্ধ পোটো, রঙিন তুলির মনে,
 রেখায় রেখায় বাঁধল সে কোন সেনার স্বপনে।
 রথের চূড়ায় উড়ল ধ্বজা, গায়ের ছেলে-মেয়ে,
 চলতে পাখে থাকত যানিক রথের পানে চেয়ে।

তারপরে সে রথের দিনে হাজার লোকের মেলা,
 দোকান-পসার, ভোজবাজি আর ভানুমতীর খেলা ;
 আসত গায়ের বৌ-ঝিরা সব, আনত ছেলে-মেয়ে,
 রঙিন হাতির দুলত সহর রঙিন কাপড় ছেয়ে।
 বুড়ো মাসির স্বন্ধে উঠে ছোট্ট শিশু ছেলে ;
 এই রথের ঠাকুরটিকে দেখত আঁখি মেলে।
 গাঁর বধূরা তালের সিঁদুর মেলে পথের পবে
 সরল বুকের আঁকিত পূজা এই ঠাকুরের তরে।
 আঁচল তাদের জড়িয়ে ধরে ছোট্ট শিশুর দল,
 তালের পাতার বাঁজিয়ে বাঁশি কবত কোলাহল।
 দৌড়ের নাও ভাসত গাঙে, রঙিন নিশান লয়ে,
 গলুই ভরি জ্বলত পিতল নব-রতন হয়ে।
 তাহার গলে পরিয়ে দিত রঙিন সোনার-মালা,
 এমনি মতো হাজার নায়ে গাঙটি হতো আলা।
 সেই নায়েতে বাছ খেলাত গায়ের যত চাষী :

বৈঠা পরে বৈঠা হাকি চলত তারা ভাসি।
 তরি তালে গাইত তারা ভাটির সুরে গান,
 শুনে নদী উখাল পাখাল, ঢেউ ভেঙে খান খান।
 কৌতূহলী দাঁড়িয়ে তীরে হাজার নর-নারী,
 হাতে তাদের দুলত মালা গলায় দিতে তরি,
 যাহাও তরী সব তরীয়ে পেরিয়ে যাবে আগে,
 তরুর তারা করবে বরণ ননের অনুরাগে।

সে-নব অজি কোথায় গেল, চৌধুরীদের রথ,
 আজো যেন শুধায় সবে তাদের চলা-পথ।
 চাকাগুলো ভেঙেছে তার উই ধরেছে কাঠে,
 কোন অভিযোগ বন্ধে লয়ে সময় তাদের কাটে।
 ছবিগুলো যাচ্ছে মুছে, ভাঙা কদম ডাল,
 ত্যাগ করিয়া পালিয়ে গেছে নিষ্ঠুর বংশীয়াল।
 তলায় বসে একলা রাধা কাঁপছে পুলকে,
 জানতে আজো পায়নি তাহার বন্ধু নিল কে।
 মাঠের পথে চলছে ধেনু বিরাম নাহি হয়,
 রাখাল কবে ঠ্যাং ভেঙেছে, কেউ না ফিরে চায়।
 দল বাঁধিয়া চলছে কোথাও গাঁয়ের ছেলে-মেয়ে,
 মৃদঙ্গ আর ঢোল বাজায়ে, বাঁশিতে গান গেয়ে।
 হয়তো কোনো পরব গাঁয়ের করবে সমাপন,
 হাজার বরষ আগেই তাহার করছে আয়োজন।
 কারো কাঁধের ঢোল ভেঙেছে কাহারো একতারা,
 দল-পতি যে নেইকো সাথে, টের পায়নি তারা।
 এমনি কালের কঠোর ঘায়ে দিনের পর দিন,
 এসব ছবির একখানিরও থাকবে নাকো চিন।
 এর সাথে সেই গাঁয়ের পোড়ো,—তাহার কথাও সবে,
 ভুলে যাবে অজানা কোন দিনের মহোৎসবে।
 কোন সে অতীত আঁধার সাগর, তাহার পারে বসি,
 একেছিল সোনার স্বপন বরন ঘষি ঘষি।
 হয়তো তরি গাঁয়ের যত নর-নারীর দল,
 ননে তাহার ফুটিয়েছিল স্বপন শতদল;

তরি একটি সোনার কলি আলোক-তরীর প্রায়,
 সপ্ত সাগর পার হইরা ভিড়ছে রংঘর গায়।
 আজ হয়তো অনাদরেই অনেক অভিমানে,
 চলছে ফিরে প্রদীপ-তরী সেই অতীতের পানে ;
 সেখানে সেই বৃদ্ধ পোড়ো বনস্পতির প্রায়,
 হাজার শাখা এলিয়ে বায়ে তুলছে নিরাশায়
 চাকভাঙা আর কায়সলিন সৌধুরীদের রথ,
 আজো যেন চক্ষু মুদে ঝুঁজছে তাদের পথ।
 বনের লতায় গা ছেয়েছে, গাছের শাখা তারে,
 জড়িয়ে ধরে এ সব কথা শুনছে বারে বারে :

রঙিলা নায়ের মাঝি

(৩)

উজান গাঙের নইয়া।
 কইবার নি পাশের নদী
 গেছে কত দুঃখ
 যে কূল ধইরা স্নেহের নদী
 সে কূল ভাইসে যায়
 আমার আলসে ঘুমায় পড়ে
 সেই কুলেরি গায় ;
 আমার ভাদ্রা কূলে ভাসাই তরী
 যদি পাই দেবা বকর ;
 উজান গাঙের নইয়া।

নদীর পানি শুনছি নাকি
 শায়র পানে ধায়,
 আমার চোখের পানি মিলব যায়
 কোন সে দরিয়ায় ;

সেই অজানা পারের লাইগা রে
আমার কান্দে ভাটির সুর ;
উজান গাঙের নাইয়া।

(৭)

ও আমার দরদী
আগে জানলে তোর ভাসা লৌকায় চড়তাম না।
এই ভাসা লৌকায় চড়তাম না অপর দূরের পাড়ি ধরতাম না,
নব নাথ বাণিজ্যের বেসাত এই নাথ বেঝাই করতাম না।
সঁও-সঁও-সঁও-সঁও, দরিয়াতে দোলো ঢেউ,
এই ভূফানেতে কেউ গাঙ পাড়ি দিও না ;
বেসম দৈবের পানি নেইখা ভয়েতে প্রাণ বাঁচে না।

ছিল সোনার দাঁড় পবনের বৈঠা ময়ূর-পঙ্খি নাওখানা ;
চন্দ্র সূর্য্য গোলই ভরি ফুল ছড়াইত জোছনা।
এখন উজান বাঁকের বস্ফেটেতে করল দখল নাওখানা,
তার আচসিতে নিল লুটে নব লাক্ষ্য রতন সোনা।
কল কল ছল ছল, করে জল টল মল,
আগে চল—আগে চল, নাই বল—তবু চল,
ওরে মানি, তুই কেন হলি আজি বিমনা,—
ও তোর সামনে নাচে বিজলি লয়ে কন্যা সোনার বরনা।

(১০)

নিশিতে যাইও ফুলবনে

—রে ভোমরা!

নিশিতে যাইও ফুলবনে

জ্বালায়ে চন্দের বাতি,

আমি জেগে রব সারা-রাতি গো ;

কব কথা শিশিরের সনে

—রে ভোমরা!

নিশিতে যাইও ফুলবনে।

যদিবা ধুমায়ে পড়ি—

অপনের পথ ধরি গে,

যেও তুমি নীরব চরণে

—রে ভোমরা!

(আমার ডল যেন ভাঙে না

আমার কুল যেন ভাঙে না,

ফুলের ঘুম যেন ভাঙে না)।

যেও তুমি নীরব চরণে

—রে ভোমরা!

নিশিতে যাইও ফুলবনে।

(১১)

ফুল যদি হইতাম বন্ধু

পরতা গলায় মালা,

বাতাসে ছড়ায় বাস

জুড়াইতাম জ্বালা।

পাখি যদি হইতাম বন্ধু

উইড়া পড়তাম গায়,

হাতে লয়া করতাম আদর

মনে যত চয়।

নিষ্ঠুর বিধি গড়ছে মোরে

কইরা কুলের বালা,

কোন পরানে বইব বুকে

তোমার আদর-মালা।

ভাঙ্গা না নৌকায় বন্ধু

তুমি দিলে সোনার গুঁরা,

ঘোনটি বিলের জলে

তোমার ডাকে সুরের কোড়া।

তুমি তে বে-দুখ হইছ

কর বে-দুখের বীতি,

অগম নারীর সঙ্গে

জুড়িলা পীরিতি।

দেখলাম পথ ধারেই সজনি

ওই সোনার বরনরে খনি,

সিঁদুরিয়া মেঘের থইনেই

বুকে তীর গেল হনি।

চোখের না জলে চোখ নাজিলাম কত,

তবু ত নরিনাম দেখতেরে তারে করিয়া মনের মতো ;

আরে সজনি,

ওই সোনার বরনরে খনি।

দেখিতে দেখিতে রূপ দোণ হইল

আরো না দেখিতে রূপেরে ও মোর পরানে লাগিল ;

আরে সজনি,

ওই সোনার বরনরে খনি।

গাঙের না জলে আসি সে চাঁদ ভাসিল,

লাগিয়া মনের ঢেউ তারে হেলায় ভাঙিল ;

আরে সজনি,

ওই সোনার বরনরে খনি।

বাঁহখনি না হইয়া হৈত যদি রশি,

জুড়াইতে মনের জ্বালাবে গলার বানতাম কসি,

আরে সজনি,

ওই সোনার বরনরে খনি।

সে রূপ আগুন অইলে অকলে জড়িয়া

এ মোর দুষ্কের প্রাণ দিতাম পুড়ায়া ;

আরে সজনি,

ওই সোনার বরনরে খনি।

মোনা পুছে গেল চইলা রাঙা পাও ফেলে,

মনে লইল বুঝখনি দেই সেথা মেলে ;

আরে সজনি,

ওই সোনার বরনরে খনি।

মনে লইল ফুল হয় ঝরি পত্রে পবে

দুখনি পায়ের তলে যাই যে গো মরে ;

আরে সজনি,
 ওই সোনার বরনরে খনি।
 মনে লইল তারে আমি বাতাসেতে ধরি,
 আগার ফুলের ঘরে রাখি গোপন করি।
 আরে সজনি,
 ওই সোনার বরনরে খনি।
 আকাশের বিজলি গেল আকাশে মিলায়া,
 জড়তে ইন্দ্রের ধনু বের্থা মেঘের মায়া ;
 আরে সজনি,
 ওই সোনার বরনরে খনি।

(২৬)

ও তুই যারে আঘাত হানিলিবে মনে স্বেজন কি তোর পর,
 সে ত তোরি তরে কেন্দ্রে কেন্দ্রে বেড়ায় দেশান্তর ;
 রে বন্ধু !
 তোরি তরে সাজইলাম বন-ফুলের ঘর
 রে বন্ধু মন-ফুলের ঘর,
 ও তুই ভোমর হয় হানলি কাঁটা সেই না ফুলের পর ;
 রে বন্ধু !
 এক ঘরেতে লাগলে আগুন পোড়ে অনেক ঘর,
 মনের আগুন মনই পোড়ায়—নাই কোনো দোসর ;
 রে বন্ধু !
 আগে যদি জানতামরে তোর রূপে আগুন জ্বলে,
 আমি রূপ থুইয়া আগুনের মালা পরতাম নিজ গলে
 রে বন্ধু !
 চিতার অনলে কাপ দেয় যেই জন,
 ও তার দেহ পোড়ে মনও পোড়ে, পোড়ে তার ক্রন্দন ;
 রে বন্ধু !
 রূপের আগুন মনেই লাগে, লাগে না কার গায়,
 ও সে মনে মনেই মন জ্বালায় কেউ নাহি টের পায় ;
 রে বন্ধু !

তীর যদি বেয়ে গায়ে তাও তো তোলন যায়,
ও তোব কথার আঘাত কোথায় লাগে কেউ নহি টের পায়
রে বন্ধু!

সোজন বাড়িয়ার ঘাট

তিন

আগরে অয় ছেলের পাল নাছ ধরতে যাই।
মাছের কঁটা পায়ে কটন, দেলায় চেপে নাই;
দেলায় আছে ছপণ কড়ি গনতে গনতে যাই
ও নদীর গলটুকু টানল করে,
এ নদীর ধারেতে ভাই কলি কুর কুর করে,
চাঁদমুখেতে রোদ লোপেছে রক্ত কেটে পড়ে।

--হেলেন ভুলনো' হুড'

নগদের মেয়ে আর সোজনের ভারি ভাব দুইজনে,
লতার সঙ্গে গাছের মিলন, গাছের লতার মনে।
সোজন যেন বা তটিনীর কল, দুলালী নদীর পানি,
জোয়ারে কুলিয়া তেউ আছাড়িয়া করে কল টানটানি।
নামেও সোজন, কামেও তেমনি, শান্ত সন্ধ্যা তার,
কল ভেঙে নদী বতাই বহক, সে তারি গলাব হার।
দুলালী সে যেন বনের হরিণী, সোজন তাহার বন,
লতা পাতা ফুল ছায়া বিছাইয়া হরণ করিছে মন।
বনের হরিণী থাকে বনে বনে, জানে সে বনের ভাষা,
সে বন ঘিরিয়া মনখানি, তার বাহিরে যায়নি আশা।

সোজনের সাথে তার ভারি ভাব, পথে যদি দেখা হয়,
যেন রাঙা ঘুড়ি আকাশে উড়লি, হেন তার মনে লয়।
পিছন হইতে সোজন আসিয়া যদিবা হঠাৎ ডাকে,
কুড়ায়ে পাইল পাকা আমটিরে দুলালী এমনি লাগে।
সোজন আসিয়া জগম গাছটির মাগডালে যেন উঠি,
মেঘের মতন কালো জামগুলি ভুলিতেছে মুঠি মুঠি।

যেন কে তাহারে ধরিয়া বেখেছে এত উঁচু করে ভুলে,
 কাঁদির খেজুর দুহাতে ধরি সে পাড়িছে মনের ভুলে।
 সোজনের সাথে তার ভারি ভাব, গোলাপ ফুলের গায়,
 ছোটো বুলবুলি বাসা বেঁধে যেন পাখার বাতাস খায়।
 টুনটুনি পাখি উড়ে এসে যেন তাহার খোঁপায় নাচে,
 লাল পোকা যেন ঘুরিছে ফিরিছে তাহার চুড়ির কাঁচে।
 সোজনের সাথে তার ভারি ভাব, দুলীর ইচ্ছে করে,
 সোজনের সে যে লুকাইয়া রাখে সিঁদুর-কৌটো ভরে।
 আঁচলখানিরে টানিয়া টানিয়া বড়ো যদি করা যেত,
 সোজনের সে যে লুকায়ে রাখিত কেউ নাহি খুঁজে পেত।

সোজন না এলে দুলীর সেদিন চারিদিক আন্ধার ;
 পুতুল তাহার ভেঙে যায় যেন চরণের বায়ে কার।
 সেই ত সেবার অসুখ করিল দুলী উঠে খুব ভোরে,
 সাতটা মহিষ মানিয়া আসিল রক্ষাকালীর দোরে।
 একুশ বামুন খাওয়াইবে দুলী সোজন সারিলে পর,
 দুশো মোমবাতি মানিয়া আসিল জেম্দ্দা পীরের ঘর।
 সোজন যেদিন সারিয়া উঠিল, কী খুশি দুলীর মনে,
 খেজুরের আঁটি যত ছিল জমা বিলাইল জনে জনে।
 ও পাড়ার সেই পুটি—যারে দুলী চক্ষে দেখিতে নারে,
 ঠ্যাংভাঙা তার ছোটো পুতুলটি দিয়েই ফেলিল তারে।
 সেদিন তাহার মনে এত খুশি, সে খুশির সরোবরে,
 কালী-মাতা তার সাতটি মহিষ হারাইল অকাতরে।
 একুশ বামুন ভোজন ছাড়িল, জেম্দ্দা না বলে পীর,
 আদায় করিতে পারিল না নাম দুশোটি মোমবাতির।
 সোজনের ছেড়ে চলে নাকো তার—কখনোই নাহি চলে,
 কোনো কাজ তার হতে পারে নাকো সে নাহি নিকটে হলে।

সেই একবার সোজন কেবল গিয়ছিল মানা-বাড়ি
 চারিটি দিনের কড়ার করিয়া, মনে আছে সব তারি!
 মামার দেশেতে তল্লা বাঁশের খুব ভাল বাঁশি হয়,
 দুলীর জন্য এগারটি বাঁশি আনিবে সে নিশ্চয়।

নানান রঙের সজরুর কাঁটা কত পড়ে আছে বনে,
 এক বোকা তার যদি সে না জানে দেখে নিও তক্ষণে।
 আমার দেশেতে পদ্মপুপুরে রঙিন কিনুক ভাসে;
 সাদা দাঁড়-কাক পুরিতেছে বনে কাউয়ার টুটির আশে।
 ঘন-বেত ঝাড়ে বেগুন কুলিছে, কেউ পার নিকো খোঁজ,
 কঁদিতে কঁদিতে বেড়ুর পাকিয়া করিয়া পড়িছে রোজ।
 এর সব কিছু নিয়ে সে আসিবে, তারপর ও-ই বনে,
 সারাদিন ভরি অনেক গল্প করিবে যে দুইজনে।
 ও পড়ার মাঠে সেদিন যে তারা দেখে এল চক্ষুতে,
 কটার বাসায় ছাও হইয়াছে কুসুম ফুলের খেতে।
 দুই যেন রোজ যাইয়া তাদের আদর করিয়া আসে,
 কলমি ফুলের নোলক পরায় দেখে যেন আর হাসে।
 বনের যেখানে শিমুলের ডালে বঁধিয়াছে তারা হাঁড়ি,
 কোন পাখি সেথা বাস বাধে দুনি খোঁজ রাখে যেন তারি।

বেগুনের ডালে টুনটুনি পাখি ভিন্ন যদি পেড়ে যায়,
 কারেও কবিনে, সাবধান, যেন কেউ নাহি টের পায়।
 এতটুক দৃষ্টি ছোটো ছাও হবে, দেখিস একটা ধরে,
 খোপায় যে তোর বেঁধে দিয়ে তারে উড়াইব মজা করে।
 আর শোন দুই, তেদের বড়ির বিভালের ছাওগুলি,
 এরই মাঝে যদি চোখ মেলে চায় মোরে যাস নাহো ভুলি।
 একটি আমারে দিতেই হইবে, কেহ যেন নাহি লয়,
 মোরে ছুয়ে তুই কীরা কটি দেখি—বাস, হলো প্রত্যয়।

সকল শপথ রেখেছে সোজন আমরা বলিতে পারি,
 এত লোক গাঁয়ে, সাথে কি সোজন মনের মতন তারি।
 সোজনের মতো ছেলেই হয় না, তোমরা কি জান তার,
 রাস্তা ঘুড়িখানি তার চেয়ে ভালো পারে কেহ উড়াবার।
 সোজন বলেছে, দরকার হলে ঘুড়ির সূত্র ধরে,
 ও-ই অবশেষে উড়িয়া যাইতে পারে সে হাওয়ার ভরে।
 সেখানে নিতুই কত তারা-ফুল ফুটিয়া ফুটিয়া হাসে।
 সেখায় গাঁথিয়া তারার মালা সে বসিবে চাঁদের পাশে।

শেষ রাতে দুল্লী উঠানে আনিয়া তারে যেন ডাক দায়
 পোড়া চোখে তার এত চুন তাই ডাকিতে পারেনি তায়।
 আচ্ছা, সোজন মানুষ না হয়ে হতো যদি ফুল-তারা,
 চাঁদ যদি হতো তখন তাহারে নানাত কেমন ধারা।
 তাহলে হয়ত সোজন তাহারে চিনিতই পারিত না,
 এ সব না হয়ে যে চাষীদের ছেলে, কম সে তা বলে না।
 বাপ যদি তারে সোজনের সাথে দিয়েই ফেলে বা বিয়ে,
 যেহেতু—তা হলে সে কেমনে বাঁচিবে সজ্জা সরম নিয়ে।

সোজনেরো বড়ো ভালো লাগে এই নমুদের মেয়েটির,
 তার জীবনের অনেক কাহিনী লেখা আছে এরে ঘিরে।
 সোজন যখন বড়ো হবে খুব—খুব বড়ো একেবারে,
 যখন তখন ইচ্ছা মাফিক বা কিছু করিতে পারে;
 তখন যে হয়ে দূরদেশী কোনো পাটের নায়ের ভাগী,
 যাবে সে পারায়ে কত খাল বিল সুন্দর হাটের লাগি;
 সেথায় জমায়ে বহু টাকাকড়ি ফিরিয়া আসিবে ঘরে,
 শপথ করে সে মধুমালী শাড়ি আনিবে দুল্লীর তরে।
 দুল্লী কহে সেথা সিঁদুরকোটা শঙ্কোর চুড়ি আর,
 ময়ূরের পাখা যদি মেলে যেন ভুলে না সে কিনিবার।

সোজন যখন কৃষাণ হইবে, সবগুলো খেত ভরি,
 কুসুম ফুলের করিবে সে চাষ মনের মতন করি।
 ফাগুনে যেদিন সারা খেত ভরি আঁকিবে রঙের চিন,
 কুসুমে কুসুমে চরণ ধমিয়া কাটিবে দুল্লীর দিন।
 পাট মেরে সে যে নিড়াইয়া দিবে বউ-টুংনির চারা
 খেত ভরি হবে ফুলের বাহার দুল্লীর খুশির পারা।
 বাতির পালানে কুমড়া লাগবে নহে কুমড়ার তরে,
 কুমড়ার ফুল ভালোবেসে দুল্লী যদিবা খোঁপায় পরে।

মননের বাপ ভালো লোক নয়, তাহঁর খেতের মাঝে,
 মটরের শাক তুলিতে গেলেই গাল দেয় বড়ো ঝাঁজে।
 বাছাই করিয়া করিবে সোজন মাঘী মটরের চাষ,
 শাক তুলে তুলে সেদিন দুল্লীর পুরিবে মনের আশ।

জমিরের খেতে ছাই নিঠে আলু দেখো সোজনের খেতে,
 শাকের মামুদ আলু হবে কেউ হেরেনি বা চক্ষেতে।
 দুলীর সঙ্গে তার ভারি ভাব, দুলীর খুশির তরে,
 হেন কাজ নাই যাহা কোনেদিন সোজন না পারে করে।

চার

দুব্লার শিষে যেমন নীহারের পানি,
 কোন জনা বেইমানে কইছে এই দেহ হাপনি।
 বড়ো ঘর বান্দ্যছাও মনা-ভাই, বড়ো করছ আশা,
 রজনী প্রভাতের কালে পঙ্খি ছাড়বে বাসা।

—মুর্শিদ গন

দীপ্তিতে তখনো শাপলা ফুলেরা হাসছিল আনমনে,
 টের পায় নিকো পাড়ুর চাঁদ ঝুমিছে গগনকোণে।
 উদয়তারার আকাশ-প্রদীপ দুলিছে পুবের পথে,
 ভোরের সারথি এখনো আসেনি রক্ত-ঘোড়ার রথে।
 গেরস্থানের কবর খুঁড়িয়া মৃতেরা বাহির হয়ে,
 সাবধান-পদে ঘুরিছে ফিরিছে ঘুমন্ত লোকালয়ে,
 মৃত জননীরা ছেলে-মেয়েদের ঘরের দয়ার ধরি,
 দেখিছে তাদের জোনাকি আলোয় ক্ষুধাতুর আঁখি ভরি।
 মরা শিশু তার ঘুমন্ত মার অধরেতে দিয়ে চুমো,
 কাদিয়া কহিছে, 'জনমদুখিনী মারে, তুই ঘুমো ঘুমো।'
 ছোটো ভাইটিরে কোলেতে তুলিয়া মৃত বোন কেঁদে হারা,
 ধরার আঙনে সাজাবে না আর খেলাঘরটিরে তারা।
 দূর মেঠো পথে প্রেভেরা চলেছে আলোয়ার আলো বয়ে,
 বিলাপ করিছে আশানের সব ডাকিনী-বোগিনী লয়ে।
 রহিয়া রহিয়া মড়ার খুলিতে বাতাস দিতেছে শিস,
 সুরে সুরে তার শিহরি উঠিছে আঁখিয়ারা দশদিশ।
 আকাশের নাটমঞ্চে নচিছে অঙ্গুরী তারাদল,
 দুষ্ক ধবল ছায়াপথ দিয়ে উড়াইয়া অঞ্চল।
 বঙ্গলপরী আর নিদ্রাপরীরা পালঙ্ক লয়ে শিরে,
 উড়িয়া চলেছে স্বপনপুরীর মধুমাল্য-মন্দিরে।

হেনকালে দূর গ্রামপথ হতে উঠিল আজান-গান,
 তালে তালে তার দুলিয়া উঠিল স্তব্ধ এ ধরাধান।
 নিত্য শুনি যে আজানের সুর—পবানহরণ গান,
 কি মধুর যেন পেলব পরশে জুড়াইয়া যায় প্রাণ।
 আজকে সে সুরে ধ্বনিতেছে যেন কী এক অশুভ বাণী,
 কোনো সে ভীষণ ঘটনা ঘটিবে কোথায় যে নাই জানি।
 কঠিন কঠোর আজানের ধ্বনি উঠিল গগন-জুড়ে—
 সুরেরে কে যেন উচ্চ হতে আরো উচ্চত দিতেছে ছুঁড়ে।
 পূর্ব আকাশে রক্তবরন দাঁড়াল পিশাচী এসে,
 ধরণী ভরিয়া লহ উগারিয়া বিকট-দশনে হেসে।
 ডাক শুনি তার কবরে যাইয়া পালাল মৃতের দল,
 শাশানঘাটায় দৈত্য-দানার থেমে গেল কোলাহল।
 গগনের পথে সহসা নিভিল তারার প্রদীপমালা,
 চাঁদ জ্বলে জ্বলে ছাই হয়ে গেল ভরি গগনের থালা।
 তখনো কঠোর আজান ধ্বনিছে, সাবধান, সাবধান,
 ভয়াল বিশাল প্রলয় বুঝিবা নিকটেতে আগুয়ান।
 ওরে ঘুমন্ত—ওরে নিদ্রিত—ঘুমের বসন খোল,
 ডাকাত আসিয়া ঘিরিয়াছে তোম বসন্ত বাড়ির টোল।
 শয়ন-ঘরেতে বাসা বাঁধিয়াছে যত না সিঁধেল চোরে,
 কণ্ঠ হইতে গজমতি হার নিয়ে যাবে চুরি করে।

শয়ন হইতে জাগিল সোজান, মনে হইতেছে তার,
 কোন অপরাধ করিয়াছে যেন জানে না সে সমাচার।
 চাহিয়া দেখিল, চাসের বাতায় ফেটেছে বাঁশের বাঁশি,
 ইঁদুর আসিয়া ঘলি কেটে তার ছড়ায়েছে কড়িরাশি।
 বার বার করে বাঁশিরে বকিল, ইঁদুরেরে দিল গালি,
 বাঁশি ও ইঁদুর বুঝিল না মানে, সেই তা শুনিল খালি।
 তাড়াতাড়ি উঠি বাঁশিটি লইয়া দুলীদের বাড়ি বলি,
 চলিল সে একা রাঙা প্রভাতের আঁকা-বাঁকা পথ দলি।
 খেজুরের গাছে পেকেছে খেজুর, ঘন-বন-ছায়া-তলে,
 বেখুল ঝুগিছে বার বার করে দেখিল সে কুতূহলে।

ও-ই আগডালে পাকিয়াছে আম, ইসরে রঙের ছিঁড়ি।
 একে ঢিলেতে এখনি নে তাহা অনিবারে পারে ছিঁড়ি।
 দুলীরে ডাকিয়া দেখাবে এসব, তারপর দুইজনে,
 পাড়িয়া পাড়িয়া ভাগ বসাইবে ভুল কবে গনে গনে।
 এমনি করিয়া এটা ওটা দেখি বহুখানে দেরি করি,
 দুলীদের বাড়ি এসে পৌছিল খুশিতে পরান ভরি।
 'দুলী শোন এসে—ওকীরে এখনো ঘুমিয়ে যে রহেছিস?
 ও পাড়ার লালি বেজুর পাড়িয়া নিয়ে গেলে দেখে নিস!
 সিঁদুরিয়া গাছে পাকিয়াছে আম, শিগগির চলে অয়,
 আর কেউ এসে পেড়ে যে নেবে না, কী করে বা বল যায়!'

এ খবর শুনে হড়মড় করে দুলী আসছিল ধেরে,
 মা বলিল, 'এই ভব সঙ্কালে কোথা যাস পাউ মেয়ে?
 সাতটা শকুনে খেয়ে না কুলোর আধেক বয়সী মাগি,
 পাড়ার ধাড়ড় ছেলেদের সনে আছেন খেলায় লাগি!
 পোড়ারমুখীতো তোর জনোতে পাড়ায় যে ঠেকা ভার,
 চুন নাহি বাধি এমন লোকেরো কথা হয় শুনিবার।'

এ সব গালির কী বুঝিবে দুলী, বলিল একটু হেসে,
 'কোথায় আমার বয়স হয়েছে, দেখেই না কাছ এসে!
 কালকে ত আমি সোজনের সাথে খেলতে গেলুম বনে,
 বয়স হয়েছে এ কথা ত তুমি বল নাই তফণে।
 এক রাত্রে বুঝি বয়স বাড়িল? মা তোমার আমি আর
 মাথার উকুন বাছিয়া দিব না, বলে দিনু এইবার।'
 ইহা শুনি মর রঙের আগুন জ্বলিল যে গিটে গিটে,
 গুড়ুম গুড়ুম তিন চার কিল মারিল দুলীর পিঠে।
 ফ্যাল ফ্যাল করে চাহিয়া সোজন দেখিল এ অবিচার,
 কোনো হাত নাই করিতে তাহার আজি এর প্রতিকার।
 পায়ের উপরে পা ফেলিয়া পরে চলিল সমুখ পানে,
 কোথায় চলেছে কোন পথ দিবে, এ খবর নাই জানে।
 দুই দারে বন লতায়-পাতায় পথেই জড়াতে যায়,
 গাছের উপরে ঝালর ধরেছে শাখা বাড়িয়া যায়।

সম্মুখ দিয়া শুয়ের পলাল, ঘেড়েল ছুটিল দূরে,
 শেয়ালের ছাও কাদন ছাড়িল সারাটি বনানী জুড়ে।
 একেলা সোজান কেবলি চলেছে, কোনো কুঙ্কটি পথ,
 ভর-দুপুরেও নামে না সেখায় রবির চলার রথ।
 রক্ত ঝরিছে বেতসের শিষে শরীরের চাম ছিড়ে,
 সাপের ছেলম পায়ে জড়িয়েছে, মাকড়ের ভাল শিরে।
 এমনি করিয়া বহু ফণ পরে রায়ের দীঘির পাড়ে,
 নাড়াল আসিয়া ঘন বেত ঘেরা একটি খোপের ধারে।

এই রায়-দীঘি, ধাপ-দমে এব ঘিরিয়াছে কানোজন,
 কলমি লতায় বাঁধিয়া রেখেছে কল তেউ চঞ্চল।
 গরিধারে এর কদম মথি বুনো শূকরের রাশি,
 শালুকের নোভে পদ্মের বন লুঠন করে আসি।
 জন যেতে এসে গোখুরা সাপের চিহ্ন একেতে তীরে,
 কোথাও গাছের শাখায় তাদের ছেলম রয়েছে ছিড়ে।
 রাত্রে হেথায় আশুন জ্বালায় নর-পিশাচের দল,
 মড়ার মাথায় শিস দিয়ে দিয়ে করে বন চঞ্চল।
 রায়দের বউ গলবন্ধনে মগেছিল যার শাখে,
 সেই নিমগাছ ঝুলিয়া পড়িয়া আজো যেন কাবে ডাকে।
 এইখানে এসে মিছে টিল ছুড়ে নাড়িল দীঘির জন,
 গাছেরে ধরিয়া ঝাঁকিল ঝানিক, ছিড়িল পদ্মদল।
 তারপর শেষে বসিল আসিয়া, নিমগাছটির ধরে,
 বসে বসে কী যে ভাবিতে লাগিল, সে-ই তা বলিতে পারে।

পিছন হইতে হঠাৎ আসিয়া কে তাহর চোখ ধরি,
 চড়ি বাজাইয়া কহিল, 'কে অগ্নি বজা দেখি ঠিক করি।'

'ও পাড়ার সেই হারানের পোলা' 'ইন'—'শোনো বলি তবে
 নবীনের বোন বাতাসী কিদ্বা উল্লাসী ভূমি হবে!'

'পোড়ারনুগীরা এখনি মরুক'—'অ'হ' অহা বড়ো লাগে,
 কোথাকার এক ব্রহ্মদেতা কপালে টিমটি দাগে।'

‘হয়েছে হয়েছে, বিপিনের খুড়ো মরিল যে গত মাসে,
সেই আসিয়াছে, দোহাই! দোহাই!! বাঁচি না যে খুড়ো জাসে।’
‘ভারি ত সাহস।’ এই বলে দুলী খিল খিল করে হাসি,
হাত খুলে নিয়ে সোজনের কাছে ঘেঁষিয়া বসিল আসি।

‘একি, তুই দুলী।’ বুঝি বা সোজন পড়িল আকাশ হতে,
চাপা হাসি তার ঠোঁটের বাঁধন মানে না যে কোনো মতে।
দুলী কহে, ‘দেখ। তুই ত আসিলি, মা তখন মোরে কয়,
বয়স বুঝিয়া লোকের সঙ্গে আলাপ করিতে হয়।
ওপাড়ার খেঁদি, পোড়ারমুখীরে বেঁটিয়ে করিব সাধা,
আর জগাপিসি, মায়ের নিকটে যা তা বলিয়াছে তারা।
বয়স হয়েছে আমাদের থেকে ওরাই জানিল আগে,
ইচ্ছে যে করে উহাদের মুখে হাতা পুড়াইয়া দাগে।
আচ্ছা সোজন! সত্যি করেই বয়স যদি বা হতো,
আর কেউ তাহা জানিতে পারিত এই আমাদের মতো?’

ঘাড় ঘুরাইয়া কহিল সোজন, ‘আমি ত ভেবে না পাই,
এতদিন মোরা এত খেলিলাম বয়স ত আসে নাই!
আজকে হঠাৎ বয়স আসিল? আসিলই যদি শেষে,
কথা কহিল না, অবাক কাণ্ড দেখি নাই কোনো দেশে।’
দুলালী কহিল, ‘আচ্ছা সোজন, বল দেখি তুই মোরে,
বয়স কেমন, কোথায় সে থাকে, আসে বা কেমন করে?’
‘তাও না জানিস’ সোজন কহিল, ‘পাকা চুল ফুরফুরে,
লাঠি ভর দিয়ে চলে পথে পথে বুড়ো সে যে থরথুরে।’
‘দেখ দেখি ভাই, মিছে বলিসনে, আমার মাথার চুলে,
সেই বুড়ো আজ পাকা চুল লয়ে আসে নাই ত বে ভুলে?’
দুলীর মাথার বেগীটি খুলিয়া সবগুলো চুল ঝেড়ে,
অনেক করিয়া খুঁজিল সোজন বুড়োনি সেথায় ফেরে।
দুলীর মুখ ত সাদা হয়ে গেছে যদি বা সোজন বলে,
বয়স আজিকে এসেছে তাহার মাথার কেশেতে চলে!
বৎখন খুঁজি কহিল সোজন—‘নাহে না, কোথাও নাই,
তোর চুলে সেই বয়স বুড়োর চিহ্ন না খুঁজে পাই!’

দুলালী কহিল, 'এক্ষুনি আমি জেনে আসি মার কাছে,—
আমার চুলেতে বয়সের দাগ কোথা আজ লগিয়াছে।'
দুলী যেন চলে যায়ই আর কী, সোজন কহিল তারে,
'এক্ষুনি যাবি? আয় না একটু খেলিগে বনের ধারে।'

বউ-কথা-কও, গাছের উপরে ডাকছিল বৌ-পাখি,
সোজন তাহারে রাগাইয়া দিল তার মতো ডাকি ডাকি।
দুলীর তেমনি ডাকিতে বাসনা, মুখে না বাহির হয়,
সোজনেরে বলে, 'শেখা না কী করে বউ-কথা-কও হয়?'

দুলীর দুখানা ঠোটেতে বাঁকায়ে খুব গোল করে ধরে,
বলে, 'এইবার শিস্ দে ত দেখি পাখির মতন স্বরে।'
দুলীর যতই ভুল হয়ে যায় সোজন ততই রাগে,
হাসিয়া তখন দুলীর দুঠোট ভেঙে যায় হেন লাগে।
'খ্যেৎ বোকা মেয়ে, এই পারলি নে জিভটা এমনি করে,
ঠোটেের নীচেতে বাঁকালেই তুই ডাকিবি পাখির স্বরে।'

এক একবার দুলালী যখন পাখির মতন ডাকে।
সোজনের সেকী খুশি, মোরা কেউ হেন দেখি নাই তাকে।
'দেখ তুই যদি আর এতটুকু ডাকিতে পারিস ভালো,
কাল তোর ভাগে যত পাকা জাম হবে সবচেয়ে কালো।
বাঁশের পাতার সাতখানা নথ গড়াইয়া দেব তোরে,
লাল কুঁচ দেব, খুব বড়ো মালা গাঁথিস যতন করে।'

দুলী কয়, 'তোর মুখ-ভরা গান, দে না মোর মুখে ভরে,
এই আমি ঠোট খুলে ধরলাম দম যে বন্ধ করে।'
'দাঁড়া তবে তুই' বলিয়া সোজন মুখ বাড়িয়েছে যবে,
দুলীর মাতা যে সামনে আসিয়া দাঁড়াইল কলরবে।
'ওরে ধড়ী মেয়ে, সাপে বাঘে কেন খায় না ধরিয়া তোরে,
এতকাল আমি ডাইনী পুষেছি আপন জঠরে ধরে।
দাঁড়াও সোজন, আজকেই আমি তোমার বাপেরে ডাকি
গুধাইব, এই বেহায়া ছেলের শাস্তি সে দেবে নাকি?'

এই কথা বলে দুলালীয়ে সে যে কিল থাপ্পড় মরি,
 টানিতে টানিতে বুনা পথ বেয়ে ছুটিল আপন বাড়ি।
 একলা সোজন বসিয়া রহিল পাথরের মতো হার,
 ভবিষ্যৎও আজ মনের মতন ভাষা সে খুঁজে না পায়।

দল

মনের মতন মানুষ নই যে দেশে
 নেদেশে কেননে থাকি।
 মনের দুখ মনে রেখে
 আমি আর কতকাল নিজেরে ভুলিয়ে রাখি।
 দেশের বুকে আগুন দিয়া
 মনে কর সেই বাই চলিয়া,
 যেথায় যায় দুই অঁখি :
 পেড়া বিধি হয়ে ঝড়ী—
 আমার করেছে পিঞ্জিরার পাখি।
 —বিচ্ছেদ গান

নমুর পাড়ায় বিবাহের গানে আকাশ বাতাস
 উঠিয়াছে আজি ভরি,
 থাকিয়া থাকিয়া হইতেছে উলু, ঢোল ও সানাই
 বজিতেছে গল্‌ ধরি।
 রামের আজিকে বিবাহ হইবে, রামের মায়ের
 নাহি অবসর মোটে
 সোনার বরন সীতাকে বরিতে কোনোখানে আজ
 দুর্বা ত নাহি জোটে।
 কোথায় রহিল সোনার নমুর! গগনের পাথে
 যাওরে উড়াল দিয়া,
 মালঞ্চঘেরা মাঝিনীর বাগ হইতে গো ভূমি
 দুর্বা যে আনো গিয়া :
 এমন করিয়া গোঁয়া মেয়েদের করুণ সুরের
 গানের নহরী পরে,
 কত সীতা দ্বার রাম লক্ষ্মণ বিবাহ করিল
 দূর অতীতের ঘরে।

কেউ বা সাজায় বিয়ের কনেরে কেউ বাঁধে বাঁড়ে
ব্যস্ত হইয়া বড়ো,

গদাই নমুর বাড়িখানি যেন ছেলেনেয়েদের
কলরবে নড় নড়।

দূরে, গার পাশে বনের কিনারে দুজন কাহারো
ফিস ফিস কথা কয়,

বিবাহবাড়ির এত সমারোহ সেদিকে কাহারো
অক্ষপ নাহি হয়।

‘সোজন আমার বিবাহ আজিকে, এই দেখো আমি
হলুদে করিয়া স্নান,

লাল ঢেলি আর শাখা-সিন্দূর আলতার রাগে
সাজায়েছি দেহখান।

তোমারে আজিকে ডাকিয়াছি কেন, নিকটে আসিয়া
গুন তব কান পাতি,

এই সাজে আজ বাহির হইব বেথা যায় আঁখি,
তুমি হবে মোর সাথী।’

‘কী কথা গুনালে অবুঝ, এখনো ভাল ও নন্দ
স্থিতে পারনি হয়,

কাঞ্চাবাশের কঙ্কিরে আজি যেদিকে বাঁকাও,
সেদিকে বাঁকিয়ে যায়।’

‘আমি ত না জানি, শিশুকাল হতে তোমারে ছাড়িয়া,
বুঝি নাই আর কারে,

আমার জীবনে এক সাথে রব এই কথা তুমি
বলিয়াছ বারে বারে।

এক ঘোঁটে মোরা দুটি কল হিন্, একটিরে তার
ছিড়ে নেয় আর জনে,

সে কলরে তুমি কতিনা তবে না? কোনো কথা আজ
কহে না তোমার মনে?

ভবিষ্যৎ আর অবসর নাহি, বনের আঁধারে
নিশিরাজে পথখানি,

দুটি হাত ধরে সেই পথে আজ, যত জোরে পার
 মোরে নিয়ে চলো টানি।
 এখনি আমারে ঝুঁজিতে বাহির হইবে ক্ষিপ্ত
 যত না নমুর পাল,
 তার আগে মোরা বন ছাড়িয়া পার হয়ে যাব
 কুমার নদীর খাল।
 সেথা আছে ঘোর অতসীর বন, পাতায় পাতায়
 ঢাকা তার পথগুলি,
 তারি মাঝ দিয়া চলে যাব মোরা, সাধ্য কাহার
 সে পথের দেখে ধূলি।

‘হায় দুলী! তুমি এখনো অবুঝ, বুদ্ধি-সুদ্বি
 কখন বা হবে হায়,
 এ পথের কী বা পরিণাম তুমি ভাবিয়া আজিকে
 দেখিয়াছ কতু তায়?
 আজ হোক কিবা কাল হোক মোরা ধরা পড়ে যাব
 যে কোনো অশুভ ক্ষণে,
 তখন মোদের কী হবে উপায়, এই সব তুমি
 ভেবে কি দেখেছ মনে?
 তোমারে লইয়া উধাও হইব, তারপর যবে
 ক্ষিপ্ত নমুর দল,
 মোর গাঁয়ে যেয়ে লাফায়ে পড়িবে দাদ নিতে এর
 লইয়া পশুর বল;
 তখন তাদের কী হবে উপায়? অসহায় তারা
 —না না, তুমি ফিরে যাও!
 যদি ভালোবাস, লক্ষ্মী মেয়েটি, মোর কথা রাখ,
 নয় মোর মাথা খাও।’

‘নিজেরি স্বার্থ দেখিলে সোজন, তোমার গেরামে
 ভাই বন্ধুরা আছে,
 তাদের কী হবে! তোমার কী হবে! মোর কথা তুমি
 ভেবে না দেখিলে পাছে?

এই ছিল মনে, তবে কেন মোর শিশুকালখানি
 তোমার কাহিনী দিয়ে,
 এমন করিয়া জড়াইয়াছিলে ঘটনার পর
 ঘটনারে উলটিয়ে?
 আমার জীবনে তোমারে ছাড়িয়া কিছু ভাবিবারে
 অবসর জুটে নাই,
 আজকে তোমারে জনমের মতো ছাড়িয়া হেথায়
 কী করে যে আমি বাই!
 তোমার তরুণে আমি ছিনু লতা, শাখা দোলাইয়া
 বাতাস করেছ যারে,
 আজি কোন প্রাণে বিগানার দেশে, বিগানার হাতে
 বনবাস দিবে তারে?
 শিশুকাল হতে যত কথা তুমি সম্মাসকালে
 শুনায়েছ মোর কানে,
 তারা ফুল হয়ে, তারা ফল হয়ে পরান-লতারে
 জড়ায়েছে তোমা পানে।
 আজি সে কথারে কী করিয়া ভুলি? সোজন! সোজন!
 —মানুষ পাষণ নয়।
 পাষণ হইলে আখাতে ফাটিয়া চৌচির হতো,
 পরাণ কি তাহা হয়?
 ছাঁচিপান দিয়ে ঠোটেরে রাঙালে, তখনি তা মোছে
 ঠোটেরি হাসির যায়,
 কথার লেখা যে মেহেদির দাগ—যত মুছি তাহা
 তত ভালো পড়া যায়।
 নিজেরি স্বার্থ দেখিলে আজিকে, বুঝিলে না এই
 অসহায় বালিকার,
 দীর্ঘ জীবন কী করে কাটিবে তাহারি সঙ্গে
 কিছু নাহি জানি যার।
 মন সে তো নহে কুমড়ার ফালি, যাহারে তাহারে
 কাটিয়া খিলানো যায়,
 তোমারে যা দিছি, অপরে তা যবে জোর করে চাবে
 কী হবে উপায় হায়।'

'জানি আমি জানি, আমারে ছাড়িতে তোমার মনেতে
 জাগিবে কতক বাথা,
 তবু সে বাথারে সহিও গো তুমি শেষ এ মিনতি,
 করিও না অন্যথা।
 আমার মনেতে আশ্বাস রবে, একদিন তুমি
 ভুলিতে পারিবে মোরে,
 সেই দিন যেন দূরে নাহি রয়, এ আশিস আমি
 কয়ে যাই বুক ভরে।
 এইখানে মোরা দুইজনে মিলি গড়িয়াছিলাম
 বট-পাকুড়ের চারা।
 নতুন পাতায় লহর মেলিয়া, এ ওরে ধরিয়া
 বাতাসে দুলিছে তারা।
 সৰু ঘট ভরি জল এনে মোরা প্রতি সন্ধ্যায়
 ঢালিয়া এদের গোড়ে
 আমাদের ভালোবাসারে আমরা দেখিতে পেতাম
 ইহাদের শাখা পরে।
 সামনে দাঁড়িয়ে মাগিতাম বর—এদের মতন
 যেন এ জীবন দুটি,
 শাখায় জড়ায়ে, পাতায় জড়ায়ে এ-ওরে লইয়া
 সামনেতে যায় ছুটি।
 এ গাছের আর কোন প্রয়োজন? এসো দুইজনে
 ফেলে যাই উপাড়িয়া,
 নতুবা ইহারা আর কোনদিনে এইসব কথা
 দিবে মনে করাইয়া।
 ওইখানে মোরা কদমের ডাল ঢালিয়া বাঁধিয়া
 আশ্রশাখার সনে,
 দুইজনে বসি ঠিক করিতাম, কেবা হবে বর,
 কেবা হবে তার কনে।
 আশ্রশাখার মুকুল হইলে, কদম গাছেরে
 করিয়া তাহার বর,
 মহাসমারোহে বিবাহ দিতাম মোরা দুইজনে
 সারাটি দিবস ভর।

আবার যখন মেঘলার দিনে কদম্বশাখা
 হাসিত ফুলের ভারে,
 কত গান গেয়ে বিবাহ দিতাম আমার গাছের
 নববধূ করে ভারে।
 বরনের ডালা মাথায় করিয়া পথে পথে ঘুরে
 মিহি সুরে গান গেয়ে,
 তুমি যেতে যাবে তাহাদের কাছে, আঁচল তোমার
 লুটাত জমিন ছেয়ে।
 দুইজনে মিলে কহিতাম যদি মোদের জীবন
 দুই দিকে যেতে চায়,
 বাহর বাঁধনে বাঁধিয়া রাখিব, যেমনি আমরা
 বেঁধেছি এ দুজনায়।
 আজিকে দুলালী, বাহর বাঁধন হইল যদি বা
 স্বেচ্ছায় খুলে দিতে,
 এদেরো বাঁধন খুলে নেই, যেন এই সব কথা
 কভু নাহি আনে চিতে।'

'সোজন! সোজন! তার আগে তুমি, সে লতার বাঁধ
 ছিড়িল আজিকে হাসি,
 এই তরুতলে সেই লতা দিয়ে আমরা গলায়
 পরাইয়া যাও ফাঁসি।
 কালকে যখন আমার খবর শুধাবে সবারে
 হতভাগা বাপ-মায়,
 কহিও তাদের, গহন বনের নিদারুণ বাঘে
 পরিয়া খেয়েছে ভায়।
 যেই হাতে তুমি উপাড়ি ফেলিলে শিশু বয়সের
 বট-পাকুড়ের চারা,
 সেই হাতে এসো ছুরি দিয়ে তুমি আমরা গলায়
 ছুঁটাও লহর ধারা।
 কালকে যখন গাঁয়ের লোকেরা হতভাগিনীর
 পুছিবে খবর এসে,
 কহিও দারুণ সাপের কাপড়ে মরিয়াছে সে যে
 গভীর বনের দেশে।'

কহিও, অভাগী ঝানী না বিবের লাড়ু বানাইয়া
ঝাইয়াছে নিজ হাতে,
আপনার ভরা ডুবায়েছে সে যে অথই গভীর
কূলহীন দরিয়াতে।’

‘ছোটো বয়সের সেই দুগ্ধী তুমি, এত কথা আজ
শিখিয়াছ বলিবারে,
হায়, আমি কেন সাযরে ভাসানু দেবতার ফুল—
সরলা এ বালিকারে।
আমি জানিতাম, তোমার লাগিয়া তুষের অনলে
দহিবে আমার হিয়া,
এ-পোড়া প্রেমের সকল যাতনা নিয়ে যাব আমি
মোর বৃকে জ্বলাইয়া।
এ মোর কপাল শুধু তো পোড়েনি, তোমারো আঁচলে
লেগেছে আগুন তার ;
হায় অভাগিনী, এর হাত হতে এ জনমে ভব
নাহি আর নিষ্কার।
তবু যদি পার মোরে ক্ষমা করো তোমার ব্যথার
আমি একা অপরাধী ;
সব তার আমি পূরণ করিব, রোজ কেয়ামতে
দাঁড়াইও হয়ে বাদী।
আজকে আমাকে ক্ষমা করে যাও, সুদীর্ঘ এই
জীবনের পরপারে—
সুদীর্ঘ পথে বয়ে নিয়ে যেয়ো আপন বৃকের
বেবুঝ এ বেদনারে।
সেদিন দেখিবে হাসিয়া সোজন খর দোজখের
প্রাতসের বাসখানি
গায়ে জড়াইয়া, অগ্নির যত তীব্র দাহন
বক্ষে লইবে টানি :
আজকে আমারে ক্ষমা করে যাও, আগে বুঝি নাই
নিজেরে বাঁধিতে হায়,
তোমার লভারে জড়িয়েছি আমি, শাবাবাহীন
শুকনো তরুর গায়।

কে আমাদের আজ বলে দেবে দুখী, কী করিলে আমি
 অপনারে সাথে নিয়ে,
 এ পরিণামের সকল বেদনা নিয়ে যেতে পারি
 কারে নহি ভাগ দিয়ে।
 ওই গুন দূরে ওঠে কোলাহল, নমুনা সকলে
 অসিছে এদিক পানে,
 হয়তো এখনি আমাদের তারা দেখিতে পাইবে
 এইভাবে এইখানে।

‘সোজন! সোজন। তোমরা পুরুষ, তোমারে দেখিয়া
 কেউ নহি কিছু করে।
 ভাবিয়া দেখেছ, এইভাবে যদি তারা মোরে পায়,
 কীবা পরিণাম হবে।
 তোমরা পুরুষ সমুখে পিছনে যেকিকেই যাও,
 চারিদিকে খোলা পথ,
 আমরা যে নারী, সমুখ ছাড়িয়া যে দিকেতে যাব,
 বাধাঘেরা পর্বত।
 তুমি যাবে যাও, বারণ করিতে আজিকার দিনে
 সাধ্য আমার নাই,
 মোরে নিয়ে গেলে কলঙ্ক ভার, মোর পথে যেন
 আমি তা বহিয়া যাই;
 তুমি যাবে যাও, আজিকার দিনে এই কথাগুলি
 শুনে যাও শুধু কানে,
 জীবনের যত ফল নিয়ে গেল কণ্টকতরু
 বাড়ায়ে আমার পানে।
 বিবাহের বধু পালায়ে এসেছি, নমুনা অসিয়া
 এখনি খুজিয়া পাবে,
 তারপর তারা আমাদের ঘিরিয়া অনেক কহিনী
 রটাবে নানান ভাবে।
 মোর জীবনের সুদীর্ঘ দিনে সেইসব কথা
 চোরকাটা হয়ে যায়,
 উত্তিতে বসিতে পলে পলে অসি নব নব রূপে
 জড়াবে সারাটি গায়।

তবু তুমি যাও, আমি নিয়ে গেনু এ পরিণামের
 যত কলঙ্ক-ঝালা,
 তুমি নিয়ে যাও, সে সুখ-তরুর যত ফুল আর
 যত গাথা ফুল-মালা :
 ক্ষমা করে তুমি, ক্ষমা করে মোরে, আকাশ সায়েরে
 তোমার চাঁদের গায়,
 আমি এসেছি, নোর জীবনের যত কলঙ্ক
 রাখিয়া দিতে হয়।
 সে পাপের যত শাস্তিরে আমি আপনার হাতে
 নীরবে বহিয়া যাই,
 আজ হতে তুমি মনেতে ভাবিও, দুলী বলে পথে
 কারে কড় দেখ নাই।
 সোঁতের শেহলা, ভেসে চলে যাই দেখা হয়েছিল
 তোমার নদীর কূলে,
 জীবনেতে আছে বহু সুখ-হাসি, তার মাঝে তুমি
 সে কথা যাইও ভুলে।
 যাইবার কালে জন্মের মতো শেষ পদধূলি
 লয়ে যাই তবে শিরে,
 আশিস করিও, সেই ধূলি যেন শত ব্যথা মাঝে
 রহে অভাগীরে ঘিরে।
 সাক্ষী থাকিও চন্দ্র-সূর্য, সাক্ষী থাকিও
 হে বনের গাছ-পালা—
 সোজন আমার প্রাণের সোয়ামী, সোজন আমার
 গলায় ফুলের মালা।
 সাক্ষী থাকিও হে দেব-ধর্ম সাক্ষী থাকিও
 আকাশের যত তারা,
 ইহকালে আর পরকালে মোর কেহ কোথা নাই
 কেবল সোজন ছাড়া।
 সাক্ষী থাকিও দরদের মাতা, সাক্ষী থাকিও
 বাপ-ভাই যত জন,
 সোজন আমার পরানের পতি, সোজন আমার
 মনের অধিক মন।

সাক্ষী থাকিও সিঁথার সিঁদুর, সাক্ষী থাকিও
হাতের দুগাছি শাখা,
সেজনের কাছ হইতে পেলাম এ জনমে আমি
সবচেয়ে বড় নাগা।'

'দুলী! দুলী! তবে ফিরে এসো তুমি, চলো দুইজনে
যেদিকে চরণ যায়,
আপন কপাল আপনার হাতে যে ভাঙিতে চাহে,
কে পারে ফিরাতে তাহ।
ভেবে না দেখিলে, মোর সাথে গেলে কত দুখ তুমি
পাইবে জনম ভরি,
পথে পথে আছে কত কষ্টক, পায়েতে বিঁধিবে
তোমারে আঘাত করি।
দুপুরে জুলিবে ভানুর কিরণ, উনিয়া যাইবে
তোমার সোনার লতা,
ফুসার সময় অন্ন অভাবে কমল বরন
মুখে সরিবে না কথা।
রাতের বেলায় গহন বনেতে পাতার শব্দে
যখন ঘুমায়ে ববে,
শিয়রে শোয়াবে কাল অজগর, ব্যস্ত ভাবিবে
পাশেতে ভীষণ রবে।
পথেতে চলিতে বেতের শিষায় আঁচল জড়ায়ে,
ছিড়িবে গায়ের চাম,
সোনার অঙ্গ কাটিয়া কাটিয়া ধরিয়া পড়িবে
লহুধারা অবিরাম।
সেদিন তোমার এই পথ হতে ফিরিয়া আসিতে
সাক্ষ্য হবে না আর,
এই পথে যারা এক পাও চলে, তারা চলে যায়
জন্তু যোজন পার।
এত আদরের বাপ-মা সেদিন বেগুনা হইবে
মহা-শত্রুর চেয়ে,
আপনার জন তোমারে বধিতে যেখানে সেখানে
ফিরিবে সনাই ধরে।

সাপের বামের তরেতে এ পথে রহিবে সদাই

যত না শঙ্কাভরে,

তার চেয়ে শত শঙ্কা-আকুল হইবে যে তুমি

বাপ-ভাইদের ভরে।

লোকালয়ে আর ফিরিতে পারে না, বনের যত না

হিংস্র পশুর মনে,

দিনেরে ছাপায়ে রাতেরে ছাপায়ে রহিতে হইবে

অতীব সঙ্গোপনে।

খুব ভালো করে ভেবে দেখো তুমি, এখনো রয়েছে

ফিরিবার অবসর,

ওধু নিমিষের ভুলের লাগিয়া কাঁদিবে যে তুমি,

সারাটি জনম ভরা।’

‘অনেক ভাবিয়া দেখেছি সোজন, তুমি যেথা রবে,

সকল জগৎখানি,

শত্রু হইয়া দাঁড়ায় যদিবা, আমি ত তত্বরে

ভ্রণসম নাহি মানি।

গহন বনেতে রাতের বেলায় যখন ডাকিবে

হিংস্র পশুর পাল,

তোমার অঙ্গে অঙ্গ জড়ায়ে রহিব যে আমি,

নীরবে সারাটি কাল।

পথে যেতে যেতে ব্রাহ্ম হইয়া এনায়ে পড়িবে

অলস এ দেহখানি,

ওই চাঁদমুখ হেরিয়ে ওখন শত উৎসাহ

বুকোতে আনিব টানি।

কুটির দিনে পথের কিনারে মাথার কেশেতে

রচিয়া কুটিরখানি,

তোমাংরে তাস্তার মাঝেতে শোয়ায়ে, সাজাব যে আমি

বনের কুসুম অনি।

ক্ষুধা পেলে তুমি উঠু ভালো উঠি, থোপায় থোপায়

পাড়িয়া আনিও ফল,

বুকের আঁচল টানিয়া যে আমি মুছাইয়া দিব

মুখেতে খামের জল।

নল ভেঙে আমি জল খাওয়াইব, বনপথে যেতে
 যদি পায়ে লগে বাধা,
 গানের সুরেতে শুনাইব আমি শ্রুতি নাশিতে
 সে শিশুকালের কথা।
 তুমি যেথা যাবে সেখানে বহু। শিশুবয়সের
 দিয়ে যত ভালোবাসা,
 বাবুই পখির মতো উঁচু ভালে অতি সবতনে,
 রচিত সুখের বাসা।
 দূরের শব্দ নিকটে আসিছে, কথা কহিবার
 আর অবসর নাই,
 রাতের আঁধারে চলে—এই পথে, আমরা দুজনে
 বন-ছায়ে মিশে যাই।

‘সাক্ষী থাকিও আল্লা রসূল, সাক্ষী থাকিও
 যত পীর আউলিয়া,
 এই হতভাগী বালিকারে আমি বিপদের পথে
 চলিলাম আজি নিয়া।
 সাক্ষী থাকিও চন্দ্র সূর্য, সাক্ষী থাকিও
 আকাশের যত তারা,
 আজিকার এই গহন রাতের অন্ধকারেতে
 হইলাম ঘরছাড়া।
 সাক্ষী থাকিও খোদার আবশ, সাক্ষী থাকিও
 নবীর কোরানখানি,
 ঘর ছাড়াইয়া, বাড়ি ছাড়াইয়া কে আজ্ঞা আমারে
 কোথা লয়ে যায় টানি।
 সাক্ষী থাকিও শিমূলতলীর যত লোকজন,
 যত ভাই-বোন সবে,
 এ-জনমে আর সোজনের সনে কভু কোনোখানে
 কারো নাহি দেখা হবে।
 জনমের মতো ছেড়ে চলে যাই শিশুবয়সের
 শিমূলতলীর গ্রাম,
 এখানেতে আর কোনদিন যেন নাহি কহে কেহ
 সোজন-দুলীর নাম।’

ভেরো

দেশাল সিন্দূর চায়নারে ময়না
অবেরি ময়না ঢাকই সিন্দূর চায় ;
ঢাকই সিন্দূর পরিয়া ময়নার গরমি ছেঁটে গায়।
ডান হন্তে শামলা গামছা,
বান হন্তে আবেরি প'ছা,
হারে দামান তুলায় বালির গায়।

— নুসরতান মেয়েদের বিবাহের গান

গড়াই নদীর তীরে,

কুটিবখানির জতাপ'জ ফুল মায়ায় রয়েছে ঘিরে।
বাতাসে হেলিয়া, আলোতে খেলিয়া সন্ধ্যাসকালে কুটি,
উঠানের কোণে বুনো ফুলগুলি হেসে হয় কুটি কুটি।
মাচানের পরে সিন-লতা আর লাঠি-কুমড়াব ঝাড়,
আড়া-আড়ি করি দোলায় দোলায় ফুল ফল যত যার।
তল দিয়ে তার লাল নটে শাক মেলিছে রঙের ঢেউ,
লাল শাড়িখানি বোদে দিয়ে গেছে এ বাড়ির বধু কেউ।
মাঝে মাঝে সেথা এঁদে ডোবা হতে ছোটো ছোটো ছানা লয়ে,
ডাহক মেয়েরা বেড়াইতে আসে গানে গানে কথা কয়ে।
গাছের শাখায় বনের পাখিরা নির্ভয়ে গান ধরে,
এখনো তাহার বোঝেনি হেথাই মানুষ বসত করে।

মটরের ডাল, নুসরের ডাল, কালিজিরা আর ধনে,
লব্ধা মরিচ রোদে শুকাইছে উঠানেতে সযতনে।
লব্ধা রঙ মসুরের রঙ মটরের রঙ আর,
জিরা ও ধনের রঙের পাশেতে অলপনা আঁকা কার।
যেন একখানি সুখের কাহিনী নানান আখরে ভরি,
এ বাড়ির যত আনন্দ হাসি আঁকা জীবন্ত করি।
সাঁঝ-সকালের রঙিন মেঘেরা এখানে বেড়াতে এসে,
কিছুখন যেন থামিয়া রয়েছে এ বাড়িরে ভালোবেসে।
সামনে তাহার ছোটো ঘরখানি মনুরপাখির মতো,
চালার দুখানা পাখনা মেলিয়া তারি ঘানে আছে রত।

কুটিরখানির একধারে বন, শ্যাম-খন-ছায়া তলে,
 মহ-বহুস লুকহিয়া বৃকে সাজিছে নানান ছলে।
 বনের দেবতা মানুষের ভয়ে হাড়ি ভূমি সমতল,
 সেথায় মেলিছে অতি চুপি চুপি সৃষ্টির কৌশল।
 লতা পাতা ফুল ফলের ভাষায় পাখিদের বুনো সুরে,
 তারি বুকখানি সারা বন বেড়ি ফিরিতেছে সদা ঘুরে।
 ইহার পাশেতে ছোটো গেহ-খানি, এ বনের বন-রানী,
 বনের খেলায় হয়লান হয়ে শিথিল বসনখানি ;
 ইহার ছায়ার মেলিয়া ধরিয়া শুয়ে ঘুম যাবে বলে,
 মনের মতন করিয়া ইহারে গড়িয়াছে নানা ছলে।

সে ঘরের মাঝে দুটি পা মেলিয়া বসিয়া একটি মেয়ে,
 পিছনে তাহার কালো চুলগুলি মাটিতে পড়েছে বেয়ে।
 দুটি হাতে ধরি রঙিন শিকায় রচনা করিছে ফুল,
 বাতাসে সরিয়া মুখে উড়িতেছে কত দু-একটি চুল।
 কুপিত হইয়া চুলেরে সরাতে ছিঁড়িছে হাতের সুতো,
 চোখ ধুরাইয়া সুতোরে শাসায় করিয়া রাগের হুতো।
 তারপর শেষে আপনার মনে আপনি উঠিছে হাসি,
 ঘারো সরু সরু ফুল ফুটিতেছে শিকার জালেতে আসি।
 কালো মুখখানি, বনলতা-পাতা আদর করিয়া তায়,
 তাহাদের গার যত রঙ যেন মেখেছে তাহার গায়।
 বনের দুলালী ভাবিয়া ভাবিয়া বনের শ্যামল কায়া,
 জানে না কখন হুড়ায়েছে তার অঙ্গে বনের ছায়া।
 আপনার মনে শিকা বুনাইছে, ঘরের দুখানা চাল,
 দুখানা রঙিন ডানায় তাহারে করিয়াছে আব-ডাল।
 অটিনের গায়ে সুন্দীবেতের হইয়াছে কারুকাজ,
 বাক্সারের সাথে পরদা বাঁধন নৈলে প্রজাপতি সাজ।
 ফুসিয়ার সাথে রাঙতা জড়ায়ে গোখুরা বাঁধনে আঁটি,
 উলু ছোন দিয়ে ছাইয়াছে ঘর বিছারে শীতল পাটি।
 মাঝে মাঝে আছে তারকা বাঁধন, তারার মতন জ্বলে,
 ক্রয়ার গোড়ায় খুব ধরে ধরে ফুল কাটা শতদলে।

তারি গায় গায় সিঁদুরের গুঁড়ো, হনুদের গুঁড়ো দিয়ে,
 এমন করিয়া রাঙায়েছে যেন ফুলেরা উঠেছে জিয়ে।
 একপাশে আছে ফুলচাং বাঁধা নানা কারুকাজ ভরা,
 চাল ভালো কিবা ফুলচাং ভালো বলা যখনাক তুরা।
 তার সাথে বাঁধা কেনী-কদম্ব কুসুমবি-শিকা আর,
 আসমান তারা-শিকার রঙেতে সব রঙ মানে হর।
 শিকায় কুলাল চীনের বাসন, নানান রঙের শিশি,
 বাতাসের সাথে হেলিছে দুলিছে রঙে রঙ দিবমিশি।
 তাহার নীচেতে মাদুর বিছায়ে মেয়েটি বসিয়া একা,
 রঙিন শিকার বাঁধনে বাঁধনে রচিছে ফুলের লেখা।

মাথার উপরে আটনে ছটিনে বেতের নানান কাজ,
 ফুলচাং আর শিকাগুলি ভরি দুলিতেছে নানা সাজ।
 বনের শাখায় পাখিদের গান, উঠানে লতার বাড়,
 সবগুলো মিলে নির্জনে যেন মহিমা রচিছে তার।
 মেয়েটি কিপু জানে না এসব শিকার তুলিছে ফুল,
 অতি মিহি-সুরে গান সে গাহিছে মাঝে মাঝে করি ভুল।
 বিদেশী তাহার স্বামীর সহিত গভীর রাতের কালে,
 পাশা খেলাইতে ভানুর নয়ন জড়াল ঘুমের জালে।
 ঘুমের তেলনি, ঘুমের ভোলনি—সকলে ধরিয়া ভায়ে,
 পাঙ্কির মাঝে বসাইয়া দিয়া পাঠল স্বামী'র গাঁয়।
 ঘুমে ঢুলু আঁখি, পাঙ্কি দোলায় চৈতন হলো তার,
 চৈতন হয়ে দেখে সে ত আজ নহে কাছে বাপ-মার।
 এত দরদের মা-ধন ভানুর কোথায় রহিল হার,
 মহিষ মানত করিত তাহার কাঁটা যে ফুটিলে পায়।
 হাতের কাঁকনে আঁচড় লাগিলে যেত যে সোনারু বাড়ি,
 এমন বাপেরে কোন দেশে ভানু আসিয়াছে আজ ছাড়ি।
 কোথা সেহুগের ভাই-বউ তার মোহনি মুছিলে হায়,
 আপন সিঁথার সিঁদুর চাহিত ঘষিতে ভানুর পায়।
 কোথা আদরের মৈফল-ভাই ভানুর আঁচল ছাড়ি,
 কী করে অজিকে দিবস কাটিছে একা খেলাঘরে তারি।

এমনি করিয়া বিনায়ে বিনায়ে মেয়েটি করিছে গান,
 দূর বন-পাথে 'বৌ-কথা-কও' পাখি ডেকে হারান।
 সেই ভাক আরো নিকটে আসিল, পাশের ধকে খেতে,
 তারপর এল তেঁতুলতলায় কুটিরের কিনারেতে।
 মেয়েটি খানিক শিকা তোলা রাখি অধরেতে হাসি আঁকি,
 পাখিটিরে সে যে রাগাইয়া দিল বউ-কথা-কও ডাকি।
 তারপর শেষে আগের মতোই শিকায় বসায় মন,
 ঘরের বেড়ার অতি কাছাকাছি পাখি ডাকে ধন ঘন।
 এবার সে হলো আরো মনোযোগী, শিকা তোলা ছাড়া আর
 তার কাছে আজ লোপ পেয়ে গেছে সব কিছু দুনিয়ারঃ
 দোরের নিকট ডাকিল এবার বউ-কথা-কও পাখি,
 'বউ কথা কও' 'বউ কথা কও', বারেক ফিরাও আঁখি।
 বউ মিটি মিটি হাসে আর তার শিকায় যে ফুল তোলে,
 মুখপোড়া পাখি এবার তাহার কানে কানে কথা বলে।

'যাও—ছাড়ো—লাগে,' 'এবার বুঝি বউ তবে কথা কয়,
 আমি ভেবেছিলাম সব বউ বুঝি পাখির মতন হয়।
 হয়ত এমনি পাখির মতন এ-ডাল ও-ডাল করি,
 'বউ কথা কও' ডাকিয়া ডাকিয়া জনম যাইবে হরি।
 হতভাগা পাখি! মাধিয়া মাধিয়া কানিয়া পাবে না কুল,
 মুখপোড়া বউ সারাদিন বসি শিকায় তুলিবে কুল।'
 'ইসিবে মোর কথার নাগর! বলি ও কী করা হয়,
 এখনি আবার কুঠার নিলে যে, বসিতে মন না লয়?'
 'তুমি এইবার ভাত বাড়ে মোর, একটু খানিক পাবে,
 চেনা কাঠিগুলো ফাতিয়া এখনি আসিতেছি বউ করে।'
 'কখনো হবে না আগে তুমি বসো' বউটি তখন উঠি,
 ডালায় করিয়া হুড়মের মোয়া লইয়া আসিল ছুটি।
 একপাশে দিল তিলের পাটালি, নারিকেল লাড়ু আর,
 ফুললতা আঁকা ফীরের তুলি দিল তারে খাইবার,
 কঁাসার গেলাসে ভরে দিল জল, মাজা ঘষা ফরফুরে,
 ঘরের যা কিছু মুখ দেখে বুঝি তার মাঝে ছায়া পুরে।
 হাতেতে লইয়া ময়ূরের পাখি বউটি বসিয়া পাশে,
 বলিল, 'এসব সাজায়ে রাখি কখন দেবতার আশে?'

‘তুমিও এসো না!’ ‘হিন্দুর মেয়ে মুসলমানের সনে,
খাইতে বসিয়া জাত খোয়াইব, তাই ভাবিয়াছ মনে?’
‘নিজেরি জাতটা খোয়াই তাহলে’ বড়ো গম্ভীর হয়ে,
টপ টপ করে যা ছিল সোজান পুরিল অধরালয়ে।

বউ ততখনে কলিকার পরে ঘন ঘন কুক পাড়ি,
ফুলকি আগুন ছড়াইতেছিল দুটি ঠোট গোল করি।
দু-এক টুকরো ওড়া ছাই এসে লাগছিল চোখে মুখে,
ঘটছিল সেথা রূপান্তর সে বুঝি না দুখে কী সুখে।
কুক দিতে দিতে দুটি গাল তার উঠেছিল ফুলে ফুলে,
ছেলেটি সেদিকে চেয়ে চেয়ে তার হাতধোয়া গেল ভুলে।
মেয়েটি এবার টের পেয়ে গেছে, কলকে মাটিতে রাখি,
ফিরিয়া বসিল ছেলেটির পানে ঘুরায়ে দুইটি আঁখি।

তারপর শেষে শিকা হাতে লয়ে বুনাতে বসিল তুয়া,
মেলি বাম পাশে দুটি পাও তাতে মোহেদির রঙ ভরা।
নীলাশ্রীর নীল সায়রেতে রক্তকমল দু’টি,
প্রথম ভোবের বাতাস পাইয়া এমনি উঠেছে ফুটি।
ছেলেটি সেদিকে অনিমেষ চেয়ে, মেয়েটি পাইয়া টের,
শাড়ির আঁচলে চরণ দুইটি ঢাকিয়া লইল ফের।

ছেলেটি এবার বাস্তব হইয়া কুঠার লইল করে,
এখনি সে যেন ছুটিয়া যাইবে চেলা ফাঁড়িবার তরে।
বউটি তখন পা-র আবরণ একটু লইল খুলি,
কী যেন খুঁজিতে ছেলেটি আসিয়া বসিল আবার ভুলি!
এবার বউটি ঢাকিল দুপাও শাড়ির আঁচল দিয়ে,
ছেলেটি সজোরে কলকে রাখিয়া টানিল হাঁকোটি নিয়ে।
‘খালি দিনরাত শিকা ভাঙাইবে? হাঁকোয় ভরেছ জল?
কটার মতন গরু ইহার একেবারে অবিকল।’
‘এক্ষুনি জল ভরিব্ হাঁকায়!’ ‘দেখো! রাগায়ো না মোরে,
নৈচা আজিকে শিক পুড়াইয়া দিযেছিলে সফ করে?
কটার কটার শব্দ না যেন মৃত্ত হতেছে মোর,
রাগাঘরেতে কেন এ দুপুরে দিয়ে দাও নাই দোর?’

এখনি খুশিলে? কথার কথায় কথা কর কাটাকটি,
রাগি যদি তবে তের পেয়ে যাবে বলিরা দিলাম খাঁটা।

‘মিছেমিছি যদি রাগিতেই শখ বেশ রাগ করে তবে,
আমার কী ভাঙে, তোমারি চক্ষু রক্তবরন হবে।’
‘রাগিবই তবে? আচ্ছা দাঁড়াও মজাটা দেখিয়া লও,
যখন তখন ইচ্ছামাকি য়া খুশি আমারে কও।
এইবার দেখো! না! না! তবে আর রাগিয়া কী মোর হবে,
আমি ত তোমার কেউকেটা নই খবর টবর লবে?’

বউটি বসিয়া শিকা ভাঙাইছে, আর হাসিতেছে খালি;
প্রতিদিন সে ত বহুবার শোনে এমনি মিষ্ট গালি।
‘ও বীর পুরুষ জানা গেছে আজ খুব পারো রাগিবারে,
বেড়ার পান্নেতে চেয়ে দেখো দেখি, কী একেছি এইধারে।
এই আঁকিয়াছি দুর্গা ‘ভবানী’ গণেশ একেছি এই!
এক গেঁয়ো ঘরে রাখা বসে আছে কৃষ্ণ ত কাছে নেই!’
‘কেন কাছে নেই?’ ‘বোকা কোথাকার, তাহাও বলিতে হবে?’
কৃষ্ণ যে বনে কাটা-কাটিবারে গিয়েছিল সেই কবে?’
‘আচ্ছা এ কোটা ফাঁড়ের উপরে, কী নাম হইবে এর?’
‘তুচ্ছ কোরো না; এটা মহাদেব, রাগাইলে পাবে টের।
কৃষ্ণ চলেছে মথুরার পথে, এই বহিয়াছে আঁকা,
আর এই দেখো, রাবণ রাজার ঘুরিছে পথের ঢাকা।
ভেলায় ভাসিয়া বেহলা চলেছে লখাই লইয়া কোলে,
সিংহার সিঁদুর ভেসে গেছে তার গংকিনী নদী-জলে।’
শাড়ির আঁচলে দুটি চোখ মুছি দুলাই কহে ‘এইখানে,
জনমদুখিনী সীতা বসে আছে চেয়ে দেখা তার পানে।
গজারানী আজ পথের কাঙালী বনবাস দিয়ে তানে,
অযোধ্যাপুরী যেতে লক্ষ্মণ ফিরে চায় বার বারে।
হারে অভাগীর কণ্ঠ না বেদনা, ঘাটে ঘাটে ডেউ হানি,
দুখানি তাঁর গলা জড়াইয়া কাঁদেছে গাঙের পানি,
ও কী চোখে জল, এইখানে দেখো জগন্নাথের পুরী।
বৃন্দাবনের মন্দির দেখো ডাইনে একটু ঘুরি।’

'সব ত আঁকিনে' সোজন কহিল, 'মুসলমানের পীর,
 যদি রাগ করে? কিছু আঁক নাই তাঁহাদের কাহিনীর?'
 'চোখে কি তোমার ঢেলা ঢুকিয়াছে? চেয়ে দেখো এইধারে,
 মক্কার ঘর দাঁড়ারে রয়েছে প্রণাম জানাও তারে।
 এইখানে দেখো ধূ ধূ বালু উড়ে কারবালা ময়দান,
 কোরাভের কূলে ঢুলিয়া পড়েছে গোধূলির আসমান।
 এইধারে এই হোসেনের তাবু, পতির মরণ জানি,
 সকিনা তাহার বিবাহের বেশ ছিড়িতেছে টানি টানি
 জল! জল! করি কাঁদে পরিজন, অভাগা হোসেন হায়,
 নিজের বক্ষ নিজে আঁচড়িছে, জল যদি কোথা পায়।
 এইখানে দেখো, পাহাড়ের তলে শিরী-ফরহাদ শুয়ে,
 বনের গাহটি শাখা দুলাইছে কবরে তাদের নুয়ে।
 হেথায় একেছি ডালিমের গাছ তাহারই শীতল ছায়া,
 অভাগী মজন্ লায়েলীরে লয়ে কবরেতে ধুম যায়।
 আর এইখানে আঁকিয়া রেখেছি শিমুলতলীর গাঁও,
 আমাদের গাঁর মসজিদ এই, সামনের দিকে চাও।
 দূর হাই, আমি এ কী করিতেছি! বেলা নে পড়েছে চলি,
 লক্ষ্মীটি তুমি তেল মাখে দিয়ে সিনানেতে যাও চলি।'
 ছেলোট তখন লক্ষ্মীর মতো চলিল সিনান তারে,
 বউটি উঠিয়া অতি ধীরে ধীরে ঢুকিল রাস্তাঘরে।

কাঠের বোঝাটি মাথায় করিয়া সোজন কহিল, 'যাই?'
 'আনিতে কিন্তু ভুলিও না তুমি, যাহা বলিয়াছি তাই।'
 খানিক যাইয়া ফিরিল সোজন, কহিল বউরে ডাকি,
 'আমাগো বাড়ির উনির তরেতে সিদুর আনিব নাকি?'
 'আমাগো বাড়ির উনির কি আজ বে-ভুল হয়েছে মন,
 কাল ত এনেছে সিতার সিদুর মনে নাই একুণ
 সুন্দ ও মোঘি আনে যেন আজ, কাফ্রা হুদু আর,
 ঋয়েরের কথা বলিয়া বলিয়া এখন মোনেছি হারা।'
 'আনিব, আনিব' এবার সোজন গিয়েছে একটু দূরে,
 বউ বলে 'উনি বারেক ফিরিয়া চাহক একটু ঘুরে,
 লক্ষ, এলাচি, দারচিনি আর সেন-সেন না কি কয়,
 খানিক খানিক কিনে আনে যেন পয়সায় যদি হয়।'

'সেদিন অনিনু ইহরি মাধো ফেলিয়াছ সব খেয়ে।'
 'আমাগো বাড়ির উনি বুঝি তাই দেখিয়াছে চেয়ে চেয়ে?
 কর্তরি রোজ আধমণ লাগে, আর শোনো এক কথা,
 শব্দেতে শুনি শাড়ির নাকি গো নাম যে কলমিলতা;
 বালুচর-শাড়ি, জলে-ভাসা শাড়ি, কেলী-কদম্ব শাড়ি,
 গোলাপ ফুল যে শাড়িতে নাকি গো গোলাপ ফুলের বাড়ি।
 ও সবে আমার নাই কোনো লোভ, কলমিলতা যে নাম,
 আমার বড়ই হাউস হয়েছে পেনে তাই পরিতাম!'
 'এই কথা তুমি আগে বল নাই? পাট বেচি দুইমণ,
 ওই শাড়ি যদি নাই কিনি আমি, দেখে নিও তক্ষণ।
 এখন তাহলে হাটে যাই আমি, গরুটাকে বেঁধো ধরে,
 সন্ধ্যা হলেই কুটিরে ঢুকিও বার যে বন্ধ করে!'
 'আর শোনো কথা, দেরি যেন আজ হয় নাকো কোনো মতে,
 যাও, ভূমি মোরে ফিরিয়া ফিরিয়া দেখিছ ওঝান হতে।'
 এমনি নানান সুখের সলিলে হাসে তাহাদের দিন,
 তরঙ্গে তারি ভানিয়া গিয়াছে ব্রতীতের যত চিন।

সামনের ওই কানন হইতে কাটিয়া আনিয়া কাঠ,
 প্রতি সোমবারে করে যে সোজন মধুনালতীর হাট।
 ঘরেতে দুলালী লাকড়ি কাটিয়া ছোটো ছোটো আঁটি বাঁধে,
 আর মাঝে মাঝে নানান সেলাই করে সে মনের সাথে।
 ধারেকাছে কারো বাড়ি নাই কোনো, নদীর জলের পরে,
 ভাটি ও উজান নাও বেয়ে যায় মাঝিরা পালের ভরে।
 মাঝে মাঝে তারা হাল ছেড়ে দিয়ে উদাস হইয়া শোনে,
 বাঁশির মতন কণ্ঠ বাজিছে একটি ঘরের কোণে।

সংস্কৃত

আঠারো

আগে জানি নাইরে দয়াল এমন হবে রে—
 আগে জানি নাইরে দয়াল পরান যাবে বে।
 আগে না জেনে পিছে না শুনে প্রেম যে জন করে,
 ঘসীর অনল হৃদয়ের দুঁনা সদায় জ্বইলা উঠে রে;

—আমি আগে জানি নাই।

পিরিতি হাটন পিরিতি ছাটন পিরিতির দুখানা চলে,
পিরিতির ঘরে কপাট দিয়ে আমি রইব কত কাল রে,

—আমি আগে জানি নাই।

আঙুল কাটিয়া কলম বানাইলাম চক্ষে জল কালি
পাঁজর কাটিয়া লেখন লেখিয়া পাঠাই বন্ধুর বাড়ি রে,

—আমি আগে জানি নাই।

—মুর্শিদ গান

মধুমতী নদী দিয়া

বেদের বহর ভাসিয়া চলেছে কূলে তেউ আছাড়িয়া;
জলের উপরে ভাসাইয়া তারা ধর বাড়ি সংসার,
নিজেরাও আজ ভাসিয়া চলেছে সঙ্গ লইয়া তার।
মাটির ছেলেরা অভিনয়ভরে ছাড়িয়া মায়ের কোল,
নাম-হীন কত নদীতরঙ্গে ফিরিছে খইয়া দোল;
দুপাশে বাড়য়ে বাকা তট-বাহু সাথে সাথে মাটি বায়,
চঞ্চল ছলে অঙ্গিও তাহারে ধরা নাহি দিল হায়!
কত বন-পথ সূর্যতল ছায়া, কুল-কল ভরা গ্রাম,
শস্যের খেত আলপনা আঁকি ভাকে তারে অবিরাম।
কত ধল-দীপি, গাজানের হাট, বাঙালাটি পথে ওড়ে;
কারো মোহে ওরা ফিরিয়া এল না আবার মাটির ঘরে।

সোজন বাদিয়ার ঘাট

জলের উপরে ভাসিয়ে উত্তরা ডিঙ্গি নায়ের পাড়া,
নদীতে নদীতে ঘুরিছে ফিরিছে সীমাহীন গতিহারা।
তারি সাথে সাথে ভাসিয়া চলেছে প্রেম ভালোবাসা মায়া,
চলেছে ভাসিয়া সোহাগ আদর, ধরিয়া ওদের ছায়া।
—জলের উপরে ভাসিয়া চলেছে কোলাহল, মারামারি।
ভাগ্যের মহিমা পৃথোর জয় সঙ্গে চলেছে তারি।

সামনের নায়ে বউটি দাড়ায়ে হাল ঘুরায়েছে জোরে
রঙিন পালের বাদাম তাহার বাতাসে গিয়াছে ভরে।
ছই-এর নীচে স্বামী বসে বসে লাঠিতে তুলিছে কুল,
মুখেতে ভাসিয়া উড়িছে তাহার বাবরি মাথার চুল।

ও নায়ের মাঝে বউটির ধরে মারিতেছে তার পতি,
 পাশের নায়েতে তাস খেলাইছে সুখে দুই দম্পতি।
 এ নায়ে বেঁধেছে করুক্ষেত্র বউ-শাস্ত্রীর রণে,
 ও নায়ে স্বামীটি কানে কানে কথা কহিছে জায়ার সনে,
 ডাক ডাকিতেছে, ঘৃণ ডাকিতেছে, কোড়া করিতেছে রব
 হাট যেন জলে ভাসিয়া চলেছে মিলি কোলাহল সব।
 জলের উপরে কেবা একখানা নতুন জগৎ গড়ে,
 টানিয়া ফিরিছে যেথায় সেথায় মনের খুশির ভরে।

কোনো কোনো নায়ে রোদে শুখাইছে ছেঁড়া কাঁথা কয়খানা
 আর কোনো নায়ে শাড়ি উড়িতেছে বরন দোলায়ে নানা।
 ও নাও হইতে শুটকি মাছের গন্ধ অসিছে ভাসি,
 এ নায়ের বধু সুন্দা ও মেথি বাঁটিতেছে হাসি হাসি।

কোনোখানে ওরা স্থির নাহি রহে, জ্বালাতে সন্ধ্যাদীপ,
 একঘটি হতে আর ঘাটে যেরে দোলায় সোনার টিপ।
 এদের গায়ের কোনো নাম নাই, চারি সীমা নাহি তার,
 উপরে আকাশ, নীচে জলধারা, শেষ নাহি কোথা কার।
 পড়শি ওদের সূর্য, তারকা, গ্রহ ও চন্দ্র আদি,
 তাহাদের সাথে ভাব করে ওরা চলিয়াছে দল বাঁদি;
 জলের হাওর—জলের কুমির—জলের মাছের সনে,
 রাতের বেলায় ঘুমায় উহারা ডিজি নায়ের কোণে।

১৯০১

বেদের বহর ভাসিয়া চলেছে মধুমতী নদী দিয়া,
 বেলোয়াড়ি চুরি, রঙিন খেলনা, চিনে সিন্দুর নিয়া;
 ময়ূরের পাখা, কিনুকের মতি, নানান পুঁতির মালা,
 তরীতে তরীতে সাজানো রয়েছে ভরিয়া বেদের ডালা।
 নায়ে নায়ে ডাকে মোরগ-মুরগী যত পারি পোষা-মানা,
 নিমারী কুকুর রহিয়াছে বাঁধা আর ছাগলের ছানা।
 এ নায়ে কাঁদিছে শিশু মার কোলে—ও নায়ে ঢালার তলে,
 গুটি তিনচার ছেলেমেয়ে মিলি খেলা করে কুতুহলে।

বেদের বহর ভাসিয়া চলেছে, ছেলেরা দাঁড়ায়ে তীরে,
 অবাক হইয়া চাহিয়া দেখিছে জলের এ ধরনীরে
 হাত বাড়াইয়া কেহ বা ডাকিছে—কেহ বা হতীর সুরে,
 দুইখানি তীর মুখর করিয়া নাচিতেছে ঘুরে ঘুরে।

চলিল বেদের নাও,
 কাজলকটির বন্দর ছাড়ি ধরিল উজানী গাঁও
 গোদাগাড়ি তারা পারাইয়া গেল, পারাইল বউঘাটা,
 লোহাজুড়ি গাঁও দক্ষিণে ফেলি আসিল দরমাহাটা ;
 তারপর অসি নাও লাগাইল উড়ানখালির চরে,
 রাতের আকাশে চাঁদ উঠিয়াছে তখন মাথার পরে।

ধীরে অতি ধীরে প্রতি নাও হতে নিবিল প্রদীপগুলি,
 মৃদু হতে আরো মৃদুতর হলো কোলাহল ঘুমে তুলি।
 কাঁস বয়সের বেদে-বেদেনীর ফিস ফিস কথা কওয়া,
 এ-নায়ে ও-নায়ে ঘুরিয়া ঘুরিয়া শুনিহে রাতের হাওয়া।
 তাহাও এখন থামিয়া গিয়াছে, চাঁদের কলসি ভরে,
 জোহনার ভাল গড়ায়ে পড়িছে সকল ধরনী পরে।
 আকাশের পটে এখানে সেখানে আবছা মেঘের রাশি,
 চাঁদের আলোরে মজিয়া মজিয়া চলেছে বাতাসে ভাসি।
 দূর গাঁও হতে রহিয়া রহিয়া ডাকে পিউ পিউ কাঁহা,
 যোজন যোজন আকাশ ধরায় রচিয়া সুবের রাহ।

এমন সময় বেদে নাও হতে বাজিয়া বাঁশের কাঁশি,
 সারা' বালুচরে গড়াগড়ি দিয়ে বাতাসে চলিল ভাসি ;
 কতক তাহার নদীতে লুটাল, কতক বাতাস বেয়ে,
 জোহনার রথে সোয়ার হইয়া মেঘেতে লাগিল যেয়ে।
 সেই সুর যেন সারে জাহানের দুঃসহ কথা-ভার,
 খোদার আরস কুরছি ধরিয়া কেন্দে ফেরে বারবার।
 সেই বাঁশি বাজে, নিষ্ঠুর আমলের সোতের শেহলা করি,
 আর কতদূরে ভাসাইয়া নিবে ভাটিয়াল নদী ধরি।
 বাহার তরেতে বাড়িয়ার কালী বয়ে ফিরি দেশে দেশে,
 আজো সে আগাতে নারে দেখা দিল, কথা না কহিল এসে।

উড়িয়া যাওরে পঙ্খি—অনেক অনেক দূরেতে যাও,
 অভাগিনী দুলী কোন দেশে থাকে দেখিতে কি তারে পাও?
 যদি দেখে থাক, কহিও—এখনো মরেনি এ হতভাগা,
 আজো গাঙে গাঙে ভেসে ফেরে সে যে লইয়া বৃকের দাগ।

উঞ্চল ডালে থাকোরে পঙ্খি—নজর বহুত দূর,
 হয়তো বা তুমি জান সন্ধান মোর প্রাণবন্ধুর।
 যদি জান তবে এনে দাও তারে দেবির সময় নাই,
 মাটির প্রদীপ করে নিবু নিবু, বড়ো ভয় লাগে তাই।
 জনমের দেখা দেখিব তাহারে, তারপর কেহ আর,
 সোজন বলিয়া কে ছিল কোথায় জানিবে না সমাচার।
 আমার বৃকের মালায়ে পঙ্খি, দোলে বেগানার গলে,
 কী আশায় তবে বাঁচিয়া থাকিব, মোরে যাও তুমি বলে।

ভাটি বেয়ে তুমি যাও ওরে নদী! শুনি ভাটিয়াল সুর,
 হয়তো বা তুমি জান সন্ধান মোর প্রাণবন্ধুর।
 মোরে তবে নদী সেই দেশে আজ ভাসাইয়া নিয়ে যাও,
 জীবনের শেষ নিঃশ্বাস লব দুষ্টিয়া তারি গাঁও।
 তাহারি কাঁথের কলসিতে শুনি জলভরনের গান,
 বড়ো সুখে আমি করিব রে নদী জীবনের অবসান।
 সেই কূল তুমি ভাঙিছ রে নদী, যে কূলেতে কর বাস,
 তোমার নিকটে শিখেছে বন্ধু এই রীতি কারো মাস।
 আগে যদি আমি জানতাম নদী, গীরিতির এত জ্বালা,
 নারে যাইতাম কদম্বতলে, নারে গাঁথিতাম মালা।
 ঘসীর অনল রহিয়া রহিয়া ধিকি ধিকি জ্বলে ওঠে,
 দেহ পুড়ে যায়, হারে অভাগীর পরান নাহিকো ছোটে।

নদীরে! তোমার বৃকে তেউ দিলে কূলেতে আখাত নাগে,
 বৃকের বাথার দোসর নাহিক আপনারে শুধু দাগে।
 বন পুড়ে গেল সব লোকে দেখে, মনের অনল যার
 দ্বিগুণ জ্বলিছে, তবু কেহ তার জানেনাক সমাচার।
 এমনি করিয়া বাঁশির সুরেতে আকাশ বাতাস বুকি,
 বিনায়ে বিনায়ে অঝোরে কঁদিছে আপন বাথারে খুঁজি।

যোজন জুড়িয়া সাদা বাবুচর—জোহন! কাকন গায়ে,
ধুলার নিশাসে কাঁপিয়া উঠিছে শেষ রাত্রের বায়ে।

আমার বাড়ি

আমার বাড়ি যাইও ভোমর,
বসতে দেব গিঁড়ে
জলপান যে করতে দেব
শালি ধানের চিড়ে।
শালি ধানের চিড়ে দেব,
বিল্লি ধানের খই,
বাড়ির গাছের কবরী কলা,
গামছা বাঁধা দই।
আম-কাঁঠালের বনের ধারে
শুয়ো আঁচল পাতি,
গাছের শাখা দুলিয়ে বাতাস
করব সারা রাত্রি।
চান্দমুখে তোর চাঁদের চুমো
মাথিয়ে দেব সুখে,
তারা ফুলের মালা গাঁথি,
জড়িয়ে দেব বুকে।
গাই দোহনের শব্দ শুনি
জোগো সকাল বেলা,
সারাদি দিন তোমায় লয়ে
করব আমি খেলা।
আমার বাড়ি ডালিম গাছে
ডালিম ফুলের হাসি,
কাজলা দীঘির কাজল জলে
হাঁসগুলি যায় ভাসি।
আমার বাড়ি যাইও ভোমর,
এই বরাবর পথ,
মৌরি ফুলের গন্ধ শুকে
থামিও তব রথ।

পালের নাও

পালের নাও, পালের নাও, পান খেয়ে যাও—
ঘরে আছে ছোটো বোনটি তারে নিয়ে যাও।
কপিল-সারি গাইয়ের দুধ যেয়ো পান করে,
কৌটা ভরি সিঁদুর দেব কপালটি ভরে।
গুবার গারে ফুল চন্দন দেব ঘষে ঘষে,
মামা-বাড়ির বলব কথা—তুনো বসে বসে!

কে যাওরে পাল-ভরে কোন দেশে ঘর,
পাছা নায়ে বসে আছে কোন সওদাগর?
কোন দেশে কোন গায়ে হিরে ফল ঝরে,
কোন দেশে হিরামন পাখি বাস করে!
কোন দেশে রাজ-কনে, খালি ঘুম যায়,
ঘুম যায় আর হাসে হিম-সিম যায়!
সেই দেশে যাব আমি কিছু নাহি চাই,
ছোটো মোর বোনটিরে সাথে যদি পাই।

পালের নাও, পালের নাও, পান খেয়ে যাও—
তোমার যে পালে নচে ফুলঝুরি বাও।
তোমার যে নার ছই আবেল ঢাকনি,
ঝলমল জ্বলিতেছে সোনার বাঁধুনি।
সোনার না' বাঁধনরে তার গোড়ে গোড়ে,
হিরামন্ পঙ্খির লাল পাখা ওড়ে।
তার পর ওড়েরে ঝলঝল হুসি,
ঝলমল জলে জ্বলে রতনের রাশি।
এই নাও খেয়ে যায় কোন সওদাগর,
কয়ে যাও—কয়ে যাও, কোন দেশে ঘর?

পালের নাও, পালের নাও, পান খেয়ে যাও—
ঘরে আছে ছোটো বোন তারে নিয়ে যাও।

যে না গাঙে সাঁত্থার করে গলাগলি,
 সেথা বাস কুহেলির--লোকে গেছে বলি।
 পারাপার দুই নদী—মাঝে বালুচর,
 সেইখানে বাস করে চাঁদ-সওদাগর।
 এপারে ভুতুমের বাসা ও-পারেতে টিয়া—
 সেখানেতে যেয়োনারে নাওখানি নিয়া।
 ভাইটাল গাঙ দোলে ভাটি গেয়ো সোঁতে,
 হবে নারে নাও বাওয়া সেথা কোনোমতে।

বছিরদি মাছ ধরিতে যায়

রাত দুপুরে মেঘে মেঘে কড়াৎ কড়াৎ শব্দ যখন হয়,
 দুই নখেতে আঁধার চিরি বিজলি যখন জ্বলে ভুবনময়;
 তুফান ছোট্টে জোর দাপটে, বৃষ্টি পড়ে মেঘের কাঁজর করে,
 বছিরদির দৃম ভেঙে যায়—মুহূর্ত সে রইতে নারে ঘরে।
 বিলের জলে টাইটুবানি রোহিত কাতল মাছেরা দেয় ফান,
 কই মাগুরের দল সাঁতারে আঁকাবাঁকা ধরি গাঁয়ের খাল;

এমন সময় বছিরদি একহাতেতে তীক্ষ্ণ টেটা ধরে,
 আর এক হাতে মশাল জ্বালি বীর দাপটে ছোট্টে মাঠের পরে।
 বুড়ির ভিটায় বেড়াল ডাকে, ভাল-তলাতে গলায় দড়ি দিয়ে,
 মরেছিল তাঁতির বধু—এ সব তার কাঁপায় নাকো হিয়ে।
 শেওড়া বনে পেগুী নাচ, হাজরাতলায় পিশাচে দেয় শিস,
 বিলের ধারে আঙুন জ্বালি ভুতেরা সব ফিরছে নামান দিশ;
 ভয় নহি তার কারও কাছে, রাতের আঁধার মশাল দিয়ে ঠেলে,
 একলা চলে বছিরদি জোর দাপটে চরণ দুখান ফেলে।
 হাতে তাহার তীক্ষ্ণ টেটা, গায়ে তাহার মোমের মতো জোর,
 চোখদুটিতে উল্কা জ্বলে যমদূতেরও দেখে লাগে ঘোর।

রাতদুপুরে বিলের পথে বহিরদি মাছ ধরিতে যায়—
 দূর হতে তার মশাল জ্বলে বকো বকো রাতের কালো ছায়।
 বুটী-শিলা মাথায় পড়ে, তুফান চলে ক্ষিপ্ত ঘোড়ার মতো,
 রয়ে রয়ে বিজলি জ্বলে ইন্দ্র ডাকে আঁধার করি ক্ষত ;
 শাশান-ঘাটায় পেত্নী নাচে, বটের শাখে পিশাচ দোলা খায়,
 রাতদুপুরে বিলের পথে বহিরদি মাছ ধরিতে যায়।

পল'তকা

হাসু বলে একটি খুকু আজ যে কোথা পালিয়ে গেছে—
 না জানি কোন অজান দেশে কে তাহারে ভুলিয়ে নেছে ;
 বন হতে সে পালিয়ে গেছে, বনে কাঁদে বনের লতা,
 ফুল ফুটে কয় সোনার খুকু! ছেড়ে গেলি মোদের কোথা?
 বনের ছিল অঙ্গরী সে, চলত পথে নূপুর পায়ে,
 গাছের শাখা দুলিয়ে পাতা—করত বাতাস তাহার গায়ে।
 তাহার শাড়ির আঁচল লাগি ঝুমকো লতা দুলত বনে,
 গাছে গাছে ফুল নীতিত তাহার পদধ্বনির সনে।
 বনের পথে ডাকত পাখি, তাদের সুরের ভঙ্গি করে—
 কচি মুখের মিটি ডাকে সারাটি বন ফেলত ভরে।
 প্রতিধ্বনি তাহার সনে করত খেলা পালিয়ে দূরে,
 সুরে সুরে ঝুঁজত সে তায় বনের পথে একলা ঘুরে।
 সেই হাসু আজ পালিয়ে গেছে, পাখির ডাকের দোসর নাহি,
 প্রতিধ্বনি আর ফেরে না তাহার সুরের নকল গাহি।

হাসু নামের একটি খুকু পালিয়ে গেছে অনেক দূরে,
 কেউ জানে না কোথায় গেছে কোন বা দেশে কোন বা পুরে।
 বাপ জানে না, মায় জানে না কোথায় সে যে পালিয়ে গেছে,
 সেও জানে না, কোন সুদূরে কে তাহারে সঙ্গে নেছে।
 কোনোখানে কেউ ভাবে না, কেউ কাঁদে না তাহার ভরে,
 কেউ চাহে না পথের পানে; কখন হাসু ফিরবে ঘরে।

মায় কান্দে না, বাপ কান্দে না, ভাই-বোনেরা কান্দছে না তার,
 খেলার সাথী কেউ জানে না, সে কখনো ফিরবে না আর।
 ফিরবে না সে, ফিরবে নারে, খেলা-ঘরের ছায়ায় তলে,
 মিলবে না সে আর আসিয়া তার বয়সের শিশুর দলে।
 পেয়ারা-ভালে দোলনা খালি, হুঁদুরে তার কটিছে রশি,
 চড়ুই-ভাতির হাঁড়ির পরে কাক দুটি আজ ডাকছে বসি।
 খেলনাগুলি ধুলায় পড়ে, হত-ভাঙা কার, পা ভাঙা কার,
 ঝুমঝুমিটি বেহাত হয়ে বজছে হাতে যাহার তাহার।
 এসব খবর কেউ জানে না, সে জানে না, কেমন করে
 কখন যে সে পালিয়ে গেলে তাহার ঠিকজনম তরে।
 জানে তাহার পুতুলগুলো অন্যদরে ধুলায় লুটায়,
 বুকে করে আর না চুমে, পুতুল-খেলার সেই ছোটো মায়।
 মাতৃ-হারা মিনি-বিড়াল কেবা তাহার দুঃখ বুঝে,
 কেঁদে কেঁদে বেড়ায় সে তার ছোট্ট মায়ের আঁচল খুঁজে।
 খেলা-ঘর আজ পড়ছে ভেঙে, শিশু-কল-তানের সনে,
 পুতুল বধু আর সাজে না পুতুল-বরের বিয়ের কনে।

হাসু নামের সোনার বুকু আজ যে কোথা পালিয়ে গেছে,
 সাত-সাগরের অপর পারে কে তাহারে ভুলিয়ে নেছে।
 পালিয়ে গেছে সোনার হাসু :— খেলার সাথী আয়রে ভাই—
 আজের মতো শেষ খেলাটি এইখানেতে খেলে যাই।
 যেখানটিতে খেলেছিলাম 'ভাঁড়-কাটি' সঙ্গে নিয়ে,
 সেইখানটি দে কণ্ঠে ভাই ময়না-কাঁটা পুতে দিয়ে।

গৌরী গিরির মেয়ে

হিমালয় হতে আসিলে নামিয়া তুষারবসন তাজি,
 হিমের স্বপন অঙ্গে মাখিয়া সাঁঝের বসনে সজি।
 হে গিরি-দুহিতা তোমার নয়নে অলংকার মেঘগুলি,
 প্রতি সন্ধ্যায় পরাইয়া যেত মায়া-কাজলের ভুলি।

তুহিন তুষারে অঙ্গ মজিতে দৃশ্যধবল কায়,
 রবির কিরণ পিছলি পিছলি লুটাত হিমালী বায়।
 রাঙা মাটি-পথে চলিতে চলিতে পথ যেন মমতায়,
 আলতা রেখায় রঙিন হইয়া জড়াইত দুটি পায়।
 অলকে তোমার পাহাড়ি-পবন ফুলের দেউল কুটি,
 গন্ধের বাসা বচনা করিত সারা রাত ছুটি ছুটি।

গহিন গুহার কুহরে কুহরে কলকল্লোলে ঘুরি,
 ঝরনা তোমার চরণ বিছাত মণি-মানিকের নুড়ি।
 পাষণের ভাষা শুনিতে যে ভূমি করনায় পতি ক'ন,
 শুনিতে শুনিতে কোন অজানায় ভেসে যেত তব প্রাণ।
 ঝরনার স্রোতে ভাসিয়া আসিত অলস সোনার ঘুম,
 তোমার মায়াবী নয়নে বিছাত দূর স্বপনের চুম।
 শিথিল দেহটি এলাইয়া দিয়া ঘন তুষারের গায়,
 ঘুময়ে ঘুময়ে ঘুমেরে যে ঘুম পাড়াইতে নিরালায়।
 তোমার দেহের বিদ্য অঁকিয়া আপন বুকের পরে,
 পরতের পর পরত বিছাত তুষার রজনী ভরে।
 তোমার ছায়ায় যত সে লুকাত, তাঁদের কুমার তত
 তুষারপরত ভেদিয়া সেথায় একেলা উদয় হতো।
 দূর গগনের সাত-ভাই-তারা শিয়রে বিছায়ে ছায়া,
 পারুল বোনের নিশীথশয়নে জ্বলাত আলোর মায়া।
 দিনরজনীর মোহনার সোঁতে শুক-তারকার তবী,
 চলিতে চলিতে পথ ভুলে যেত ঘাটের বাঁধন স্মরি।
 পূর্বতোরণে দাঁড়ায়ে প্রভাত ছুঁড়িত অবিরধূলি,
 তোমার নয়ন হইতে ফেলিত ধূমের কাজল তুলি।
 কিশোর কুমার, প্রথম হেরিয়া তোমার কিশোরী কায়,
 মেঘে আর মেঘে বরনে বরনে মাখাত রঙের মাত্রা।
 কী কুহকে ভুলে ওগো গিরিসূতা! এসেছ মরতে নামি,
 কে তোমার লাগি পূজার দেউল সাজিয়েছে দিবা-যামি।
 হেথায় প্রখর মরীচি-মালীর ভুলে হতাশন জ্বালা,
 নহনে তোমার শুকায়ে নিমেষে বৃকে মন্দরমালা।
 মরতের জীব বৈকুণ্ঠের নহি জানে সন্ধান,
 ফুলের নেশায় ফুলেরে ছিঁড়িয়া ভেঙে করে শতখান।

কপের পূজারী কপেরে লইয়া জ্বালায় ভোগের চিতা,
 প্রেমেরে করিয়া সেবাদাসী এরা রচে যে প্রেমের গীতা।
 হাত বাড়ালেই হেথা পাওয়া যায়, তৃষ্ণার বড়া করি,
 তপ-কৃশ-তনু গৈরিকবাসে জাগে নাকো বিভাবরী।
 হেথা সমতল, জোয়ারের পানি একবার হতে ভাসি,
 আরধারে এসে গড়াইয়া পড়ে ছলকল-ধরে গ্রাসি।
 হেথায় কামনা সহজ পড়া, পরিয়া যোগীর বাস,
 গহন ওহায় যোগাসনে কেউ করে না কাহারো আশ।
 হেথাকর লোক খোলা চিঠি পড়ে, বন-বহস্য আঁকি,
 বন্ধুর পথে চলে না ততিনী কারো নাম ডাকি ডাকি।
 ভূমি ফিরে যাও হে গিরি-দুহিতা, তোমার পাষণপূরে,
 তোমাতে খুঁজিয়া কান্দিছে বরনা কুহরে কুহরে ঘুরে।
 তব মহাদেব যুগ যুগ ধরি ভস্ম লেপিয়া গায়,
 গহন ওহায় তোমার লাগিয়া রয়েছে তপস্যায়।
 অলকার মেয়ে! ফিরে যাও ভূমি, তোমার ভবন-দ্বারে,
 চিত্রকূটের লেখন বহিয়া ফেরে মেঘ জলধারে।
 তোমার লাগিয়া বিরহী বাকু গিরি-দরী পথ-কোণে
 পাষণের গায়ে আপন বাথারে মর্দিছে আনমনে;
 শোকে কৃশতনু, বিহ্বল মন, মৃণালবাহরে ছাড়ি,
 বার বার করে ভ্রষ্ট হইছে স্বর্ণ-বলয় তারি।
 বাণীর কুঞ্জে ময়ূরময়ূরী ভিড়ায়েছে পাখা তরী,
 দর্ভ-কুমারী, নিবারণের বনে ভূণ আছে বিস্তারি।

ভূমি ফিরে যাও তব অলকায়, গৌরী গিরির শিরে,
 চরণে চরণে ভূমার ভাঙিও মন্দাকিনীর তীরে।
 কণ্ঠে পরিও কিংকমাল, পাটল-পুষ্প কানে,
 নীপ-কেশরের রচিও কবরী নব আঘাতের গানে।
 তীর্থ পথিক বহু পথ বহি শ্রান্ত ক্লান্ত কায়,
 কোনো এক প্রান্তে যেয়ে পৌঁছিব 'শিখর' গিরিছায়।
 দিগজোড়া ঘন কুয়াশার লেল অঞ্চলখানি,
 বায়ুরে বসি কিরণকুমার ফিরিবে সুদূরে টানি।
 আমরা হাজার নরনারী হেথা রহিব প্রতীক্ষায়,
 কোনো শুভখনে গিরি-কন্যার ছায়া যদি দেখা যায়।

দিবসের পর দিবস কাটিবে, মহাশূন্যের পথে,
 বরনের পর বরন ঢালিবে উতল মেঘের রথে।
 কুইকী প্রকৃতি মেঘের গুচ্ছে বাঁধিয়া বাদলঝড়,
 ঘন ঘোর রাতে মহাউল্লাসে নাচিবে মাথার পর।
 ভয়-বিহুল দিবস লুকাবে কপিল মেঘের বনে,
 খর বিদ্যুৎ অস্ত্র হসিবে গগনের প্রাঙ্গণে।
 তীর্থ-পথিক তবু ফিরিবে না, কোনো শুভদিন ধরি,
 বহুদূর পথে দাঁড়ায়ে আসিয়া গৌরী গিরির পর্বী।
 সোনার অঙ্গে জড়য়ে জড়য়ে বিজলির লতাগুলি,
 ফুল ফোটাইবে, হাসি ছড়াইবে অধর দোলায় দুলি।
 কেউ বা দেখিবে, কেউ দেখিবে না, অনন্ত মেঘ পবে,
 আলোক প্রদীপ ভাসিয়া যাইবে শুধু ক্ষণিকের তরে।
 তারপর সেথা ঘন কুয়াশার অনন্ত আঁধিয়ার,
 আকাশ-ধরণী, বন-প্রান্তর করে দেবে একাকার।

আমরা মানুষ—ধরার মানুষ—এই আমাদের মন,
 যদি কোনেদিন পরিণত না চাহে কুটিরের বন্ধন;
 যদি কোনেদিন দূর হইতে আলোয়ার আলো-পত্নী,
 বেধুম শয়ন করে চঞ্চল ডাকি মোর নাম পরি।
 হরাভো সেদিন বাহির হইব, গৃহের তুলসী তলে,
 যে প্রদীপ জ্বলে তাহারে সেদিন নিবাহে যাইব চলে।
 অঙ্গে পরিব গৈরিক বাস, গলায় অক্ষহর,
 নয়নে পরিব উনাস চাহনি মায়া মেঘ-বলাকার।
 কাশীশ্বরের চরণ ছুঁইয়া পূতপবিত্র কায়,
 জীবনের যত পাপ মুছে যাব প্রয়াগের পথ গায়।
 হরিদ্বারের রঙিন ধলায় ঘুমায়ে শ্রান্ত কায়,
 ত্রিগঙ্গা জলে স্নান করিয়া জুড়াইব আপনায়।
 কমণ্ডলুতে ভরিয়া নইব তীর্থনদীর বারি,
 লছমন খোলা পার হয়ে যাব পূজা-গান উচ্চারি।
 তাপসীজনের অঙ্গের বয়ে পবিত্র পথছায়ে,
 বিশ্রাম লভি সমুখের পানে ছুটে যাব পায় পায়।
 দেউলে দেউলে রাখিব প্রণাম, তীর্থনদীর জলে
 পূজার প্রসন্ন ভাসাইয়া দিব মোর দেবতারে বলে।

মাস-বৎসর কাটিয়া যাইব, কেদারবন্দরী ছাড়ি,
ঘন বন্ধুর পথে চলিয়াছে সম্মাসী সারি সারি,
কঠোর তাপেতে ফিল্ম শরীর শ্রান্তক্লান্ত কায়,
সমুখের পানে ছুটে চলে কোন দ্রবস্ত তৃষ্ণায়।

সহসা একদা মানস সরের বেড়িয়া কনকতীর,
হোমের আগুন জুলিয়া উঠিবে হাজার সন্ধ্যাসীর।
লিখায় লিখায় লিখন লিখিয়া পাঠাবে শূন্যপানে,
মস্ত্রে মস্ত্রে ছড়াবে কামনা মহা-ওংকার গানে।
তারি ঝংকারে স্বর্গ হইতে বাহিয়া কনকরথ,
হৈমবতী গো, নামিয়া আসিও ধরি মর্ত্যের পথ।
নীল কুবলয় হস্তে ধরিও দাঁড়ায়ে সরসীতীরে,
মরাল-মরালী পাখার আড়াল রচিবে তোমার শিরে।
প্রথম উদ্ভিত-উষসী-জবার কুসুমমুরতি ধরি,
গলিত হিরণ কিরণে নাহিও, হে গিরিদুহিতা পরী।
অধর ডলিয়া রক্তমণ্ডলে মুছিও বলাকাপাথে,
এধ ঘেরিয়া লাবণ্য যেন লীলাতরঙ্গ আঁকে।
চারিধার হতে ভকত কণ্ঠে উঠিবে পূজার গান,
তাঁর সিঁড়ি বেয়ে স্বর্গের পথে করো তুমি অভিযান।

তীর্থ-পথিক, ফিরিয়া আসিব আবার মাটির ঘরে,
গিরিগৌরীর কাহিনী আনিব কমণ্ডলুতে ভরে।
দেউলে দেউলে গড়িব প্রতিমা, পূজার প্রসূন করে,
জনমে জনমে দেখা যেন পাই প্রণমিব ইহা স্মরে।

অনুরোধ

তুমি কি আমার গানের সুরের
পূবালি বাতাস হবে,
তুমি কি আমার মনের বনের
বাঁশিটি হইয়া যবে।

রাঙা অধরের রামধনুটির,

ছড়াবে কি তুমি মোর মেঘ-নীড়ে,

আমি কি তোমার কবি হব রানী,

তুমি কি কবিতা হবে ;

তুমি কি আমার মনের বনের

বাঁশিটি হইয়া হবে !

তুমি কি আমার মালার ফুলের

ফিরিবে গন্ধ বয়ে,

হাসিবে কি তুমি মোর কপালের

চন্দনফোঁটা হয়ে !

তুমি কি আমার নীলাকাশ পরে,

ফুটাবে কুসুম সারারাত ভরে,

সাঁঝ-সকালের রাঙা মেঘ ধরে

অঙ্গে জড়ায়ে লবে ;

তুমি কি আমার মনের বনের

বাঁশিটি হইয়া হবে !

পদ্মাপার

(১)

ও বাবু সেলাম বাবে বাব,

ও বাবু সেলাম বাবে বাব,

আমার নাম গয়া বাইদ্যা বাব,

বাড়ি পদ্মাপার।

মোরা পশ্চি মণির পশ্চি ধরি

মোরা পশ্চি বেইচা খাই—

মোনের সুখের সীমা নাই,

সাপের মাথার মণি লয়ে মোরা

করি যে কারবার।

এক ঘাটেতে রান্ধি-বাড়ি
 মোরা আরেক ঘাটে খাই,
 মোদের বাড়ি ঘর নাই ;
 সব দুনিয়া বাড়ি মোদের
 সকল মানুষ ভাই ;
 মোরা, সেই ভায়েরে তালশ করি আজি
 ফিরি দ্বারে দ্বার ;
 বাবু সেলাম বারে বাব।

কে যাসরে রঙিলা মাঝি

কে যাসরে রঙিলা মাঝি। সামের আকাশে দিয়া ;
 আমার বাগানরে বলিস খবর নাইওরের লাগিয়া রে।
 অভাগিনীর বুকের নিশ্বাস পালে নাও ভরিয়া,
 ছয়মাসের পঞ্চ যাইবা একদণ্ডে উড়িয়া ;
 গলুইতে লিখিলাম লেখন সিন্তার সিন্দুর দিয়া,
 আমার বাপের দেশে দিয়া আইস গিয়া রে।

পরবাসে পাঠাইল বাজান যারে সঁইপা দিয়া,
 সে যে শিশিরের গয়না দিল দুর্বশিয়ে নিয়া ;
 কুয়াশার শাড়ি দিল বাতাসে ভরিয়া
 অঙ্গে না পরিতে তাহা গেল যে উড়িয়া রে।
 সংগরের ফেনায় পতি বানল বাসর-ঘর,
 দুষ্কের দাগাতে তাহা দাপায় জনমভর ;
 অবলা ভাঁড়াইল সে যে কাষ্যপিতল দিয়া,
 এমন ঠকের ঘরে রহি কি করিয়া রে।

পরের ছেলের সঙ্গে বাজান আমায় দিল বিয়া,
 জনমের মতো গেল বনবাস দিয়া ;
 একদিনের তরে আইসা না গ্যাল দেখিয়া,
 এনার জুড়াইব মনের দৃষ্ট সায়রে ভুবিয়া রে।

সোনার বরনী কন্যা

সোনার বরনী কন্যা সাজে নানা রঙ্গ,
কালো মেঘ যেন সাজিল রে।
সিনান করিতে কন্যা হেলে দুনে যায়,
নদীর ঘাটেতে এসে ইতি উতি চায়।
বাতাসে উড়িছে শাড়ি, ঘুরাইয়া চোখ,
শাসাইল তারে করি কৃত্রিম রোখ।
হলুদ মাখিয়া কন্যা নামে যমুনায়,
অঙ্গ হলুদ হইয়া জলে ভাইসা যায়।
ডুবাইয়া দেহ জলে থাকে সুপ করে,
জল ছুঁড়ে মারে কভু আকাশের পরে।
খাড়ু জলে নাইয়া কন্যা খাড়ু মাঞ্জন করে,
আকাশের বাসধনু হেলেনুলে পড়ে।

তারপরে বাহ দুটি মেরে জলাধারে,
ঘুরাইল ফিরাইল কত লীলাভরে।
বাহ দুটি মাছে কন্যা অতি কুতূহলে,
খসিয়া পড়িছে রূপ সোনালিয়া জলে।
অঞ্জলি পূরি জল অধরে ছুঁড়িছে,
জ্বলন্ত অঙ্গার হতে ফুলকি উড়িছে।
খুলিয়া কুন্তলভার ছড়াইল জলে,
আকাশ নামিল যেন সমুদ্রের কোলে।
দু-হাত বিধায়ে চুল যত মাঞ্জন করে,
মেঘেতে বিজলি যেন ফেরে লীলাভরে।
গলাজলে নেমে কন্যা গলা মাঞ্জন করে,
চেউগুলি টলমল মালার ফুলের তরে।
কর্ণফুলের ভূষণ লয়ে কোন চেউ ধায়,
গোঁদার কুসুম লোভে কেউ হাসে গায়।
সিনান করিয়া কন্যা উঠে জল হতে,
তরল লাবণিধারা ধরে অঙ্গ স্রোতে।

খোসমানী

তেপান্তরের মাঠে রে ভাই, রোদ ঝিম-ঝিম করে
রে ভাই, রোদ ঝিম ঝিম করে ;
দুলছে সদাই ধুলার দোলায় ঘূর্ণি হাওয়ার ভরে।
মাঝখানে তার বট-কিরিঞ্চি ঠাণ্ডা পাতার বায়ে,
বাতাসেরে শীতল করে ছড়ায় মাটির গায়ে।
সেথায় আছে খোসমানী সে সোনার বরণ গা,
বিজলি-বরন হাত দুখানি আলতা-পরা পা।
সন্ধ্যাবেলা যখন এসে দাঁড়ায় প্রদীপ করে,
হাজার তারা ফুটে ওঠে নীল আকাশের পরে।

পাকা তেলাকুচের ফলে রাঙাতে ঠোঁট দুটি,
সন্ধ্যা-সকাল রাঙা হয়ে হাসে কুটিকুটি।
রামধনু, তার শাড়ির পাড়ে দোল খাইবে বলে,
সাতটি রঙের সাতটি হাসি ছড়ায় মেঘের দলে।
সাদা সাদা বকের ছানা নরম পাখা মেলে,
বলে, কন্যা, তোমার শাড়ির পাড়ে ফিরব খেলে।
মেঘের গায়ে বিজলি মেখে বলে, কন্যা, আয়!
তোরে আজি জড়িয়ে নেব নীল্যবরীর ছায়!
সে যখন হাসে তখন হাসে যে ফুলগুলি,
গান গাহিলে বেড়ে তারে নাচে যে বুলবুলি।
সকাল হলে দূর্বাশিখের নীহার-জলে নেয়ে,
আকাশ দিয়ে নেচে বেড়ায় ফুলের রেণু খেয়ে।
এই খুকিটির সঙ্গে তোমার আলাপ যদি থাকে,
কলো যেন আসমানীরে বারেক কাছে ভাকে।

আসমানী

আসমানীরে দেখতে যদি তোমরা সবে চাও,
রহিমদীর ছোট বাড়ি রসূলপুরে যাও।

বাড়ি তো নয় পাখির বাসা—ভেঁরা পাতার ছানি,
 একটুখানি ঝুটি হলেই গড়িয়ে পড়ে পানি।
 একটুখানি হাওয়া দিলেই ঘর নড়বড় করে,
 তারি তলে আসমানীরা থাকে বছর ভরে।

পেটটি ভরে পায় না খেতে, কুকের ক'খান হাড়,
 মাফী পেছে অনাহারে কদিন গেছে তার।
 মিষ্টি তাহার মুখটি হতে হাসির প্রদীপ-রাশি
 থাপড়েতে নিবিয়ে গেছে দারুণ অভাব আসি।
 পরনে তার শতেক তালির শতেক ছেঁড়া বাস,
 সোনালি তার গার বরণের কবছে উপহাস।
 ভোমর-কালো চোখদুটিতে নাই কৌতুক-হাসি,
 সেখান দিয়ে গড়িয়ে পড়ে অশ্রু রাশি রাশি।
 বাঁশির মতো সুরটি গলায় ঝয় হলে তাই কেঁদে,
 হয়নি সুযোগ লয় যে সে-সুর গানের সুরে বেঁধে।

আসমানীদের বাড়ির ধারে পদ্ম-পুকুর ভরে
 বাঙের ছানা শ্যাওলা-পানা কিল-বিল-বিল করে।
 ম্যানেরিয়ার মশক সেথা বিষ গুলিছে জলে,
 সেই জলেতে রাগা হাওয়া আসমানীদের চলে।
 পেটটি তাহার দুলছে পিলেয়, নিতুই যে জ্বর তার,
 বৈদ্য ডেকে ওষুধ করে পয়সা নাহি আর।
 খোসমানী আর আসমানী যে রয় দুইটি দেশে,
 কও তো যাদু, করে নেবে অধিক ভালোবেসে?

পূর্ণিমা

পূর্ণিমাদের আবাস ছিল টেপাখোলা'র গাঁয়,
 একধারে তার পদ্মনদী কলকলিয়ে যায়।
 তিনধারেতে ঝিঝি হাওয়া দুর্লভ মাঠের কোলে,
 তৃণফুলের গন্ধে কভু পড়ত চলে চলে।

সেখান দিয়ে পূর্ণিমার ফিরত খেলো নিতি,
 বাঁকাপথে বাজত তাদের মুখের গায়ের গীতি।
 পদ্মানদীর মাঝিরে কেউ ডাকত ছড়ার সুরে,
 শিশুমুখের কাকলিতে গ্রামটি যেত ভরে।
 সেদিন হঠাৎ পত্র এলো বাবার থেকে তার,
 পূর্ণিমার কলকাতা আসবে শনিবার।
 গীতা কানু সবাই খুশি, ফিস্‌ফিসিয়ে কয়,
 ট্রামের গাড়ি, মোটর গাড়ি কলিকাতাময়।
 গড়গড়িয়ে গড়ের মাঠে যখন তখন যাব,
 ইলেকট্রিকের কল টিপিলে যা চাব তা পাব।
 হাওড়া পুলের উপর দিয়ে আসব হাওয়া খেয়ে,
 গঙ্গানদী করব উখল মত্ত জাহাজ বেয়ে।

এসব কথায় সবাই খুশি, তবু বাবার দিন
 ঘনিয়ে যত আসছে, কোথায় বাজছে ব্যথার বীন।
 বাবলা বনের যেখানটিতে হতো পুতুল বিয়ে,
 পূর্ণিমা যে ঘুরে বেড়ায় সেইখানটি দিয়ে।
 শিকের উপর দুলছে আজো খেলার হাঁড়িগুলি,
 দাঁড়কাকটি বসে আছে সেখান ঠোঁকর তুলি।
 চড়ুইভাতির চুলোগুলি তেমনি আছে পড়ে,
 এখানটিতে খেলবে না আর আগের মতন করে।
 পোষা বিড়াল কেন যে তার সঙ্গ নাই ছাড়ে,
 যদি বুকে পিষছে তারে স্নেহের অত্যাচারে।

পূর্ণিমার এসেছে আজ শহর কলিকাতা,
 অনেক খোঁজখুঁজির পরে পেলেন তাদের পাতা।
 শ্যামবাজারের বামধারেতে অন্ধগুলির কোণে,
 একতলা এক বন্ধ ঘরে থাকে অনেক জনে।
 জানলা দিয়ে বয় না বাতাস, সারাটি ঘর ভরে,
 ভাঁপসামতো গন্ধে সদাই দম অটকে ধরে।
 ভাই-বোনেতে ক'দিন আগে জলবসন্ত হতে
 ভালো হয়ে উঠেছে আজ এই তো কোনোমতে।

চোখদুটি তার কেটরাগত, কুলের মতো নুখে
হাসির প্রদীপ জ্বলে না আর শিশুকালের সুখে।

কোথায় তাহার খেলাঘরটি, কোথায় খোলা মাঠ!
বাবলাশাখায় বাতাস যেথায় করত ছড়া পাঠ।
বন্ধগুলির অন্ধ কোণের কয়েকখানার ঘরে,
কোন দোবে সে বন্ধ হলো কোন অপরাধ করে?
কোন দস্যু করল হরণ আলো-বাতাস তার,
কে হরিল খেলার পুতুল নাচের নৃপার পার
কে হরিল ঝুমঝুমি তার শিশুহাতের থেকে,
উষার গায়ে কে দিল রে মেঘের কালি মেখে?

কোথায় আমার রাজার কুমার! শুয়ে মায়ের কোলে,
তোমার কি ধুম ভাঙবে না এই শিশু-চোখের জলে।
শাস্ত্রী সিপাই লয়ে এসে সপ্তা-ডিঙা ভরে,
আকাশ-বাতাস কেঁপে উঠুক জয়ডঙ্কার ঘরে।
ভাঙতে হবে বন্ধগুলি, রুদ্ধ ঘরের দ্বার—
ভাঙতে হবে লক্ষ্যুগের অন্ধ কারাগার।

এমন নগর গড়বে তুমি সকল কোণেই তার,
সমান হয়ে উদাস বাতাস বইবে অনিবার।
চন্দ্র-রবির সোনার প্রদীপ জ্বলবে সবার ঘরে,
সকল ঘরের পূর্ণিমাদের হাসিমুখের তরে।
সেই আলো কেউ বন্ধ করে রাখতে যদি চায়,
তাহার সাথে যুদ্ধ মোগের সকল দুনিয়ায়।

দেশ

খেতের পরে খেত চলেছে, খেতের নাই শেষ
সবুজ হাওয়ায় দুলছে ও কার এলোমাথার কেশ।

সেই কেশেতে গরনা পরায় প্রতাপতির দাঁক,
 চঞ্চুতে জল ছিটায় সেথা কালো কালো কাক;
 সাদা সাদা বক-কনেরা রুচে সেথায় মানিক,
 শরৎকালের শিশির সেথা জ্বালায় মানিক আলা।
 তারি মায়ায় থোকা থোকা দোলে ধানের ছড়,
 মার আঁচলের পরশ যেন সকল অভাব-হরা।
 সেই ফসলে আসমানীদের নেইকো অধিকার,
 জীর্ণ পাঁজর বুকের হাড়ে জ্বলছে হাহাকার।

বনের পরে বন চলেছে বনের নাই শেষ,
 ফুলের ফুলের সুবাস ভরা এ কোন পরীর দেশ?
 নিবিড় ছায়ার আঁধার করা পাতার পারাবার,
 রবির আলো খণ্ড হয়ে নাচছে পায়ে তার।
 সুবাস ফুলের বুনেটি করা বনের লিপিখানি,
 ডালের থেকে ডালের পবে ফিরছে পাখি টানি।
 কচি কচি বনের পাতা কাঁপছে তারি সুরে,
 ছোটো ছোটো রোদের গুঁড়ো তলায় নাচে ঘরে,
 মাঝার পরে কালো কালো মেঘরা এসে ভেঙে,
 বুনো হাতির দল এসেছে আকাশখানি ছেঁড়ে।
 এই বনেতে আসমানীদের নেইকো অধিকার,
 জীর্ণ পাঁজর বুকের হাড়ে জ্বলছে অনাহার।

নদীর পরে নদী গেছে নদীর নাই শেষ
 কত অজান গাঁ পেরিয়ে কত না-জান দেশ।
 সাত সাগরের পণ্য চলে সওদাগরের নায়,
 সুধার ধারা গড়িয়ে পড়ে গঞ্জ-নগর ছায়।
 চখায় মুখর বালুর চরা হাসে কতই ভীরে,
 ফুলের বনে রঙিন হয়ে যায় বা কঁড় বীরে।
 কত মিনার-সৌধচূড়ার কোল ঘেঁষিয়া যায়,
 কত শহর হাট-বন্দর-বাজার ফেলে যায়।
 কত নায়ের ভাটিয়ানির গানে উদাস হয়ে,
 নদীর পরে নদী চলে কোন অজানায় বয়ে।

সেই নদীতে আসমানীদের নেইক অধিকার,
জীর্ণ পোজর বুকের হাড়ে ভুলাছে হাহাকার।

জলের কন্যা

জলের উপরে চলেছে জলের মেয়ে,
ভাঙিয়া টুটিয়া আছড়িয়া পড়ে ঢেউগুলি তটে যেয়ে।
জলের রঙের শাড়িতে তাহার জড়ায়ে জড়ায়ে ঘুরি,
মাতাল বাতাস অঙ্গের ঘ্রাণ ফিরিয়েছ করিয়া চুরি।
কাজলে মেখেছে নতুন চরের সবুজ ধানের কায়া,
নখনে ভবেছে ফটিকজলের গহন গভীর মায়া।
তাহার উপর ছায়া-চুরি খেলা করিতে তটের বন,
সুবাস ফুলের গন্ধ ছড়ায়ে হসিতেছে সারাখন।

জলের কন্যা চলেছে জলের রথে,
খুশিতে ফুটিয়া শাপলা-পদ্ম হাসিতেছে পথে পথে।
আগে আগে চলে কলজলধারা ভাসায়ে পানার তরী,
চরণে তাহার আলতা পরাতে হিজল পড়িছে ঝরি।
ডাহক ডাহকী ডাকে বন-পথে নতুন পানির সুরে,
কোঁড়া আজ তাঁর কুঁড়ারে খুঁজিছে ঘন পাট ক্ষেতে দূরে ;
পুরাতন জালে তালি দিতে দিতে ঢলিয়া জেলের গায়,
জেলে বোর মন মিহিসুরি গানে উজানীর বাঁকে ধার।
পল্লীবধুরা উদাস নয়নে চেয়ে থাকে তটপানে,
বাপের বাড়ির মমতায় আজ পরান কেন যে টানে।
বাঙড়ের ঝালে সিনান করিতে কঙ্গি ধরিয়া টানি,
মায়েরে কহিছে মেয়ের কথাটি নয়া-জোয়ারের পানি।
হোগলার হই নতুন কাঁধিয়া গাব-জলে মাজা নায়,
বাপ চলিয়াছে মেয়েরে আনিতে সুদূরের ভিন গাঁয়।
বৈঠার ঘায়ে গলাজলে-ডোবা নাচিছে আমন ধান,
কলমির লতা জড়াইয়া তারে ফুলহাসি করে দান।

ঢ্যাপের মোয়ায় চিত্রিত হাঁড়ি আবার ভরিয়া যায়,
পিঠায় আঁকিয়া নতুন নকশা রাত ভোর করে মায়।

জলের কন্যা চলেছে জলের পরে,
মাছেরা চলেছে দলে দলে আজ পথটি তাহার ধরে।
রুহিত লাফায়, চিতল লাফায়, ভাটা মাছ সারি সারি,
সাধে সাধে যায় আগে পিছে ধায় খুশি যেন ওরা তারি।
শোল মাছ তার শিশুপোনাগুলি ছড়ায়ে লেজের ঘায়,
টুবাটুব করে আদরিয়া পুন জড়াইছে বুক-ছায়;
নকসী কাঁথাটি মেলিয়া ধরিয়া গুমরে চাষার নারী,
সবতনে যেন গুটায় ধরিয়ে বৃকের নিকটে তারি।
জলধাসগুলি দ্বিধা কাঁপিছে তাদের ঢোরা দোলে,
মদুল বাতাসে ঝুমিতেছে বন জলের দুনিয়া কোলে।

জলের কন্যা যায়,
নতুন পানির লিখন বহিয়া বন্ধ বিলের ছায়।
তটের বক্ষে আছড়িয়া মাথা ক্ষতবিক্ষত করি,
বন্দী-মাছেরা কাটাইত দিন জীবন্তে যেন মরি।
অঙ্গ ভরিয়া শ্যাওলা-জড়ানো নির্জীব-খুম-দোলে,
রোগ-পাণ্ডুর অসাড় দেহ যে পড়িতে চাহিছে ঢলে।
অজিকে নতুন জল-কল্লোল গুনিতে পেয়েছে তারা,
সহসা অঙ্গে হিল্লোলি ওঠে উধাও গতির দারা।
কে যেন ঘোষিছে তাহাদের কানে সহস্র দিক হতে,
ভাঙ ভাঙ কারা ভাঙ ভাঙ পাড় উদ্দাম জনপ্রোতে।

জলের কন্যা জল-পথ দিয়ে যায়,
বৃকের হানারা পাখার আড়াল রচিছে তাহার গায়।
দুইধারে ঘন কেয়ার কুঞ্জ ছড়ায় স্রবাস-রেণু,
মাতাল বাতাস রহিয়া রহিয়া চুমিছে বনের বেণু।
তটে তটে কান্দে শূন্য কলসি, কুটিরের দীপ ভাকে,
অগ্নিনার বেলি মাটিতে লুটায়, কে কুড়ায় লবে তাকে?

এ লেডি উইথ এ ল্যাম্প

গভীর রাতের কালে,

কুহেলি আঁধার মুর্ছিতপ্রায় জড়ায়ে বুকের জালে
হাসপাতালের নিবিয়াছে বতি ; দমকা হাওয়ার ধায়,
শত মুমূর্ষু রোগীর কানন শিহরিছে বেদনায়।
কে তুমি চলেছ সাবধান পদে ব্যাস-বৃন্দা-নারী!
দুই পাশে তব রুগণ-ক্রিয় শুয়ে আছে সারি সারি।
কাহ্নার পাখাটি জোরে চলিতেছে, বালিশ সবেছে কার,
বৃষ্টির হাওয়া লেগে কার গারে শিয়রে খুলিয়া দ্বার!
ব্যাণ্ডেজ কার খুলিয়া গিয়াছে, কাহ্নার চাই যে জল,
স্বপন দেখিয়া কেঁদে ওঠে কেবা, আঁখি দুটি ছল ছল।
এসব খবর লইতে লইতে চলিয়াছ একাকিনী,
দুঃখের কোন সাধুনা তুমি, বেদনায় বিখাদিনী।

গভীর নিশীথে, অনেক উর্ধ্বে জ্বলিছে আকাশে তারা,
তোমার এ মেহ-মমতার কাজ দেখিতে পাবে না তারা ;
রাত-জাগা পাখি উড়িছে আকাশে, জানিবে না সন্ধান,
রাত-জাগা ফুল বাস্তু বড়েই বাতাসে মিশাতে ধ্রাব ;
তারা কেহ আজ জানিতে পাবে না, তাহাদের মতো কেহ,
সারা নিশি জাগি বিলাইছে তার মায়েলি বুকের মেহ।
এই বিভাবরী বড়েই ক্লান্ত, বড়েই শুকতম,
উতলা বাতাস জড়াইয়া কান্দে আঁখিয়ার নির্মম।
মৃত্যু চলেছে এলায়িত কেশে ড়্যাল বদন ঢাকি,
পরখ করিয়া কারে নিয়ে যাবে, কারে সে যাইবে রাখি।
মহামরণের প্রতীক্ষাতর রোগীদের মাঝখানে,
মহীয়সী তুমি জননী মূর্তি আসিলে কি সন্ধান ;
জীবন-মৃত্যু মহা-রহস্য তুমি কি যাইবে খুলি,
ধরণীর কোন গোপন কুহেলি আজিকে লইবে তুলি।
যে বৃদ্ধ-কাল সাফা হইয়া আছে মানুষের সাপে,
তুমি কি তাহার বৃদ্ধা সাধিনী আসিয়াছ আজ রাতে?

নিখিল নরের আদিম জননী আজিকে তোমার বেশে,
 রূপণ তাহার সন্তানদেরে দেখিয়া নিতেছ এসে।
 নিরালা আমার শয্যার পাশে তোমার আঁচল-ছায়,
 স্তব হয়ে আজ জড়িয়ে রহিতে বড়ে মোর সাধ যায়!

রজনী-গন্ধার বিদায়

শেষ রাত্রের পাণ্ডুর চাঁদ নামিছে চক্রবালে,
 রজনী-গন্ধা রূপসীর আঁখি জড়াইছে ঘুম-জালে।
 অলস চরণে চলিতে চলিতে চলিয়া চলিয়া পড়ে,
 শিখিল শ্রান্তি চুমিছে তাহার সারাটি অঙ্গ ধরে!
 উতল কেশেরে বেলা দিতে শেষ উতল রাতের বায়ু;
 ঘুমাতে ঘুমাতে কাঁপিয়া উঠিছে হরিয়া রাতের আয়ু।
 রজনী-গন্ধা রাতের রূপসী ঝুমিছে শ্রান্তিভরে,
 অঙ্গ হইতে ঝরিছে কুসুম একটি একটি করে।

শিয়রে চাঁদের নীপটি ঝুমিয়া হইয়া আসিছে শ্রান,
 রাত-বিহগীর কণ্ঠে এখন মৃদু হয়ে এল গান।
 পূর্ব তোরণে আসিছে রূপসী রঙিন উষসী-বালা,
 হস্তে লইয়া রাঙা দিবসের অফুট কুসুম-ডালা।
 রজনী-গন্ধা ঘুমায়ে আলসে শিখিল দেহটি তার,
 লুটাইয়া পড়ে বৃত্তশয়নে স্বপন-নদীর পার।

৩১

ভুবনভোলানো মরি মরি ঘুম—অপরূপ, অপরূপ!
 বিধাতা বুঝিবা ধ্যান করিতেছে যুগ যুগ রহি চূপ!
 এ-রূপ মহিমা সহিতে পারে না ভোবের রূপসী উষা;
 রজনী-ফুলের অঙ্গ হইতে হরিয়া লইছে ভ্রূষা!
 শাড়িতে তাহার তারা ফুলগুলি দলিয়া পিষিছে পায়ে,
 ভেঙেছে রাতের পাখির বাঁশরি উদাস বনের বায়ে।
 শিয়রে চাঁদের মগিদীপ-খানি থাপড়ে নিবায়ে দিল,
 অঙ্গ হইতে শিশির ফোঁটার গহনা কাড়িয়া নিল।

ধামিন বনের কিম্বির কণ্ঠে ধুমপাড়ানিয়া সুর,
জোনাকি পরীরা দীপগুলি লয়ে চলিল গহন-পুর।
মৃত আত্মা কবরে লুকল, মহা-রহস্য তার,
আঁচলে ভড়ায়ে ধীরে ধীরে ধীরে রজনী ক্রমিল দ্বার।

চারিদিকে নব আগোকেব জয়; চিরপরিচিত সব,
মহা-ফোলাহলে আরও হলো দিনের মহোৎসব।
এখন শুধুই লোক জানাজানি মুখ চেনাঁচিনি আর,
দেনা-পাওনার হিনাব করিয়া 'বানিয়া' ঝুলিল দ্বার।

কোথায় ঘুমাল রজনী-গন্ধা কিবা রহস্য-জাল,
সারারাত্তি তারে ভড়াইয়াছিল? কে শোনে সে জগ্গাল।
রাতের রজনী-গন্ধা ঘুমায়, চির বিস্মৃতি-পুরে—
তবু রয়ে রয়ে কি করুণ বাশি বেজে ওঠে বহনুরে।

বাস্তুত্যাগী

দেউলে দেউলে কঁদছে দেবতা পূজারীরে খোঁজ করি,
মন্দিরে আজ বাজেনাকো শব্দ সঙ্ক্কা-সকাল ভবি:
তুলসিতলা সে জঙ্গলে ভরা, সোনার প্রদীপ লয়ে,
রচে না প্রণাম গাঁয়ের রূপসী মঙ্গলকথা কবে।
হাজরাতলায় শেয়ালের বাসা, শেওড়া গাছের গোড়ে,
সিঁদুর মাখানো, সেই স্থান আজি বুনো শুয়োরের কোড়ে।
আঙিনার ফুল কুড়াইয়া কেউ যতনে গাথে না মালা,
ভোরের শিশিরে কঁদছে পূজার দুর্বশীষের থালা।
দোল-মঞ্চ যে ফটিলে ফাটিছে, ঝুলনের নোলাখানি,
ইঁদুরে কেটেছে, নাটমঞ্চের উড়েছে চালের খানি।

কাক-চোখ জল পদাধীঘাতে কবে কোন রাঙা মেয়ে,
আলতা-ছোপানো চরণদুখানি মেলছিল ঘাটে যেয়ে।
সেই রাঙা রঙ ভোলে নাই দীঘি, হিজলের কুল বুকে,
মাখাইয়া সেই রঙিন পায়েরে রাখিয়াছে জলে টুকে।

আজি ঢেউহীন অগলক চোখে করিতেছে তাহা ধ্যান,
 ঘন-বন-তলে বিহগ কণ্ঠে জাগে তার স্তব গান।
 এই দীঘি-জলে সাঁতার খেলিতে ফিরে এসো গাঁও মেয়ে,
 কলমি-লতা যে ফুটাইবে ফুল তোমাদের নিকটে পেয়ে।
 ঘুঘুরা কাঁদিছে উহ উহ করি, ডাহকেরা ডাক ছাড়ি,
 গুমরায়া বন সবুজ শাড়িরে দীঘল নিশাসে ফাড়ি।
 ফিরে এসো যারা গাঁও ছেড়ে গেছ, তরুলতিকার বাঁধে,
 তোমাদের কত অতীত-দিনের মায়া ও মমতা কান্দে।
 সুপারির বন শূন্যে ছিড়িছে দীঘল মাথার কেশ,
 নারকেল-তরু উর্ধ্বে খুঁজিছে তোমাদের উদ্দেশ্য।
 বুনে পাখিগুলি এড়ালে ওড়ালে, কইরে কইরে কান্দে,
 দীঘল রজনী খণ্ডিত হয় পোষা কুকুরের নাদে।

কার মায়া পেয়ে ছাড়িলে এদেশ, শস্যের থালা ভরি,
 অন্নপূর্ণা আজো যে জাগিছে তোমাদের কথা স্মরি।
 আঁকাবাঁকা রাকা শত নদীপথে ডিঙ্গি তরীর পাখি,
 তোমাদের পিতা-পিতামহদের আদরিয়া বুকে রাখি;
 কত নামহীন অথই সাগরে যুকিয়া ঝড়ের সনে,
 লক্ষ্মীর ঝাঁপি লুটিয়া এনেছে তোমাদের গেহ-কোণে।
 আজি কি তোমরা শুনিতে পাও না সে নদীর কলগীতি,
 দেখিতে পাও না ঢেউ-এর আখরে লিখিত মনের প্রীতি?

হিন্দু-মুসলমানের এ দেশ, এ দেশের গাঁও কবি,
 কত কাহিনীর সোনার সূত্রে গাঁথিছে সে রাজ্য ছবি।
 এ দেশে কাহারো হবে না একার, যতখানি ভালোবাসা,
 যতখানি ভাগ্য যে দেবে, হেথায় পাবে ততখানি বাসা।
 বেহুলায় শোকে কাঁদিয়াছি মোরা, গংকিনী নদীসৌতে,
 কত কাহিনীর ভেলায় ভাসিয়া গেছি দেশে দেশ হতে।
 এমাম হোসেন, সকিনার শোকে ভেসেছে হলুদপাটা,
 রাধিকার পার নৃপরে মুখর আমাদের পার-ঘাটা।
 অতীতে হয়ত কিছু বাথা দেছি পেয়ে বা কিছুটা বাথা,
 আজকের দিনে ভুলে যাও ভাই, সেসব অতীত কথা।

এখন আমরা স্বাধীন হয়েছি, নতুন দৃষ্টি দিয়ে,
 নতুন রাষ্ট্র গড়িব আমরা তোমাদের সাথে নিয়ে।
 ভাঙা ইন্সকুল আবার গড়িব, ফিরে এসো মাস্টার;
 হংকাৰে ভাই তাজাইয়া দিব কালি অজ্ঞানতার।
 বনের ছায়ায় গাছের তলায় শীতল মেহের নীড়ে,
 খুঁজিয়া পাইব হারাইয়া যাওয়া আদরের ভাইটিরে।

কমলা রানীর দীঘি

কমলা রানীর দীঘি ছিল এইখানে,
 ছোটো ঢেউগুলি গলাগলি ধরি ছুটিত তটের পানে।
 আধেক কলসি জলেতে ডুবায় পল্লী-বধূর দল,
 কমলা রানীর কাহিনী স্মরিতে আঁধি হতো ছল ছল।
 আজ সেই দীঘি শুকায়েছে, এর কর্দমাক্ত বুকে,
 কঠিন পায়ের আঘাত হানিয়া গরুগুলি ঘাস চুকে।
 জলহীন এই শুষ্ক দেশের ভূমিত জনের তরে।
 কোন সে নৃপের পরান উঠিল করুণার জলে ভরে।
 সে করুণা-ধারা মাটির পায়ে ভরিয়া দেখার তরে,
 সাগরদীঘির মহাকল্পনা জাগিল মনের ঘরে।

লক্ষ কোদালি হইল পাগল, কঠিন মাটিরে খুঁড়ি,
 উঠিল না হয় কল-জল-ধারা গহন পাতাল খুঁড়ি।
 দাও, জল দাও, কান্দে শিশু মার শুষ্ক কণ্ঠ ধরি,
 ঘরে ঘরে কান্দে শূন্য কলসি বাতাসে বন্ধ ভরি।
 লক্ষ কোদালি আরো জোরে চলে, কঠিন মাটির থেকে,
 শুষ্ক বালুর ধূলি উড়ে যায় উপহাস যেন হেঁকে।
 কোথায় রয়েছে ভাটি ব্রাহ্মণ, কোথায় গণক দল,
 জলদি করিয়া ওনে দেখে কেন দীঘিতে ওঠে না জল?
 আকাশ হইতে গুনিয়া দেখিও শত-তারা আঁধি দিয়া,
 পাতালে গুনিও বাসুকি-ফণার মণি-দীপ জ্বলাইয়া।
 ঈশানে গুনিও ঈশানী-গলের নর-মুণ্ডের সনে,
 দক্ষিণে ওনো, শাহ্‌ গান্ধার বেথা সুন্দর বনে।’

আকাশ গনিল, পাতাল গনিল, গনিল দশটি দিক,
দীর্ঘিতে কেন যে জল ওঠে নাকো বলিতে নারিল ঠিক।

নিশির শয়নে জোড়মন্দিরে স্বপন দেখিছে রানী,
কে যেন আসিয়া শুনাইল তারে বড়ো নিদাকণ বালী ;
'সাগরদীঘিতে তুমি যদি রানী! দিতে পার প্রাণদান,
পাতাল হইতে শতধারা-মেলি জাগিবে জলের বান।'
স্বপন দেখিয়া জাগিল যে রানী, পুবের গগন-গায়,
রক্ত সেপিয়া বাড়াইল রবি সুদূরের কিনারায়া।
'শোনো শোনো ওহে পরানের পতি ছাড় গো আমার মায়া,
উড়ে চলে যায় আকাশের পাখি পড়ে রয় শুধু ছায়া।'

পেটরা খুলিয়া তুলে নিল রানী অষ্ট অলংকার,
রাসমগুল শাড়ির লহরে দেহটি জড়াল তার।
কৌটা খুলিয়া সিঁদুর তুলিয়া পরিল কপাল ভরি,
দুর্গা প্রতিমা সাজিল বৃষ্টি বা দশমীর বাশি স্মরি।
ধীরে ধীরে রানী দাঁড়াইল আসি সাগরদীঘির মাঝে,
লক্ষ লক্ষ কান্দে নরনারী শুকনো তটের কাছে।
পাতাল হইতে শতধারা মেলি নাচিয়া অসিল জল,
রানীর দুখানা চরণে পড়িয়া হেসে ওঠে বল বল।
খড়ু জলে রানী খুলিয়া ফেলিল পায়ের নুপুর তার,
কোমরজলেতে ছিড়িল যে রানী কোমরে চন্দ্রহার।
বুক জলে রানী কণ্ঠ হইতে গজমতি হার খুলে,
কোলের ছেলেটি জয়ধর কোথা দেখে রানী আঁখি তুলে।
গলাজলে রানী খোঁপা হতে তার ভাসাল চাঁপার কুল,
চারিধার হতে কল-জলধারা ভরিল দীঘির কুল।
সেই ধারা সনে মিশে গেল রানী আর আসিল না ফিরে,
লক্ষ লক্ষ কান্দে নরনারী আকাশ বাতাস ঘিরে।
কমলা রানীর এই সেই দীর্ঘি, কার অভিশাপে আজ,
খুলিয়া ফেলেছে অঙ্গ হইতে জল-কুমুদীর সাজ।
পাড়ে পাড়ে আজ অছাড়ি পড়ে না চঞ্চল চেউদল,
পত্নী-বধুর কলসির ঘায়ে দোলে না ইহার জল।

কমলা কানীর কাহিনী এখন নাহিক কাহানো মনে,
 রাখালের বাঁশি হয় না ককণ নিশীথউদাস বনে।
 শুধু এই গর নৃতন বধূরে বরিণা আনিত ঘরে,
 পত্নীবাসীরা বরণকুলাটি রেখে গাব এর পরে।
 গভীর রাতে সেই কলখানি মাথায় করিয়া নাকি,
 জ্বলোয়ার মতো কে এক রূপসী হেসে ওঠে থাকি থাকি।

সকিনা

দুঃখের সাগরে সাতারিয়া আজ সকিনার তরীখানি,
 ভিড়েছে যেখানে, দেখা নাই কুল, শুধুই অগাধ পানি।
 গরীবের ঘবে জন্ম তাহার, বয়স বাড়িতে যায়,
 কিছু বাড়িল না, একরাশ রূপ জড়ইল শুধু গায়।
 সেই রূপই তার শত্রু হইল, পণের নতো তারে,
 বিয়ে দিল বাপ দুই মুঠি ভরি টাকা আশুজির ভারে।

যসম তাহার দাগী-কাটা-চোর, রাতে রহিত না ঘরে,
 হেথায় হেথায় ঘুরিয়া ফিরিত সিঁদকাটি হাতে করে।
 সারাটি দিবস পড়িয়া ছুঁমাত, সকিনার সনে তার,
 দেখা যে হইত ক্ষণেকের তরে, মাসে দুই একবার।
 সেও কোনো তার কল্পিত এক অপরাধ ভেবে মনে,
 মরিবার যবে হতো প্রয়োজন অতীব জোখের সনে।
 এমন স্বামীর বন্ধন ছাড়ি বহু হাত ঘুরি ফিরি,
 দুঃখের জাল মেলে সে চলিল জীবনের নদী ঘিরি।
 সেসব কাহিনী বড়ো নিদাক্ষণ, মোড়লের দরবার,
 উকিলের বাড়ি, থানার হাজত, রাজার কাছারি আর ;
 ঘন পাটক্ষেত, দূর বেতঝাড়, গহন বনের ছায়,
 সপের খোড়নে, বানের গুহায় কটাতে হয়েছে জায় ;
 দিনেরে লুকায়ে, রাতেরে লুকায়ে সেসব কাহিনী তার,
 নিখে সে এসেছে, কেউ কোনো দিন জানিবে না সমাচাৰ।

সে কেচ্ছা কোনো কবি গাহিবে না কোনো দেশে কোনে কালে,
 সকিনারি শুধু সারাটি জনম দহিবে যে জঞ্জালে।
 এত যে আঘাত, এত অপমান, এত লাঞ্ছনা তার,
 সবই তার মনে, এতটুকু দাগ লাগে নাই দেহে তার।
 দেহ যে তাহার পদ্মের পাতা, ঘটনার জল-দল,
 গভায়ে পড়িতে রূপেরে করেছে আরো সে সমুজ্জ্বল।

সে রূপ যাদের টানিয়া আনিল তারা দুই হাত দিয়ে,
 জগতের যত জঞ্জাল আনি জড়াইল তারে নিয়ে।
 কেউ দিল তারে বিষের ভাণ্ড, কেউ বা প্রবঞ্চনা,
 কেউ দিল ঘৃণা, কলঙ্ক কালি এনে দিল কোন জন।
 সে রূপের মোহে পতঙ্গ হয়ে যাহারা ভিড়িল হয়,
 তারা পুড়িল না অমর করিয়া বিবে বিবাইল তায়।
 তাদেরি সঙ্গে আসিল যুবক, তরুণ সে জমিদার,
 হাসিখুশি মুখ, সৌম্য মুরতি দেশ-জোড়া খ্যাতি তার।
 সে আসি বলিল, 'সব গ্রানি হতে তোমারে মুক্ত করি,
 মোর গৃহে নিয়ে বানীর বেশেতে সাজাইব এই পরী।'
 করিলও তাই, যে জাল পাতিয়া রূপ-পিয়াসীর দল,
 রেখেছিল তারে বন্দী করিয়া রচিয়া নানান ছল;
 সেসব হইতে টানিয়া তাহারে নিয়ে এল করি বার,
 গত জীবনের মুছিয়া ঘটনা জীবন হইতে তার।
 মেঘ-মুক্ত সে আকাশের মতো দাঁড়াল যখন এসে,
 রূপ যেন তারে করিতেছে স্তব সারাটি অঙ্গে ভেসে।

সুখের বাসর

নরী জমিদার আদিলদীন ধরি সকিনার হাত,
 কহিল, 'চলো গো সোনার বরনী, মোর ঘরে মোর সাথ।'
 মালার মতন করিয়া তোমারে পরিয়া রাখিব গলে,
 পঙ্জী করিয়া পৃথিব তোমারে আমার বৃকের তলে।

গানের সুরের কথায় তোমারে উড়াব আকাশ ভরি,
 আমার দুনিয়া রঙিন করিব তোমাতে মেহেদি করি।'
 সকিনা কহিল, 'আপনি মহান, হতভাগিনীর তরে,
 যাহা করেছেন জিন্দেগি যাবে ঋণ পরিশোধ করে।
 তবুও আমারে ক্ষমা করিবেন, আপনার ঘরে গেলে,
 বসিতে হইবে হতভাগিনীরে কলঙ্ককালি মেখে
 আসমান সম আপনার কুল, মোর জীবনের মেঘে,
 যত চান আর সুখ তারকা মকল ফেলিবে ঢেকে।
 ধোপ কাপড়তে দাগ লাগিলে যে সে দাগ মোহে না আর,
 অভাগীর তরী ভাসাইতে দিন ভুলের গাঙের পারা।'

আদিল কহিল, 'সুন্দর মেয়ে! থাক চাঁদ মেঘে ঢেকে,
 তুমি যে উদয় হও মোর মনে জোছনা ঝলক ঐকে।
 মোর ভালোবাসা চাঁদের সম, তব কলঙ্ক তার,
 শোভা হয়ে শুধু ছড়িয়ে পড়িবে নানা কাহিনীতে আর।'
 সকিনা কহিল, 'পায়ে পড়ি তুমি আমারে বুঝো না ভাল,
 কত না বিপদ সাগর হইতে তুমি মোরে দেছ কুল।
 তোমার নিকটে জমা রাখিলাম ইহ-পরকাল মোর,
 দশের তরে তোমারে ভুলিলে আমি যেন লই গোরা।
 তোমার লাগিয়া আমি যে বন্ধু তাপসিনী হয়ে রব,
 গহন বনেতে কুঁড়ে ঘরে বসি তব নাম শুধু লব।
 ক্ষমা করো মোরে, তোমার জীবনে দোসর হইব বলে,
 সাধ থাকিলেও সাধা নাহিক আমারি ভাগ্যফলে।'

আদিল কহিল, 'সুন্দর মেয়ে! তুমি কেন ভয় পাও?
 আমার আকাশে তুমি হবে মোর উদয়-তারার নাও।
 এই বুক মোর এত প্রসারিত, তাহার আড়াল দিয়া,
 দুনিয়া ছড়ান তব কলঙ্ক রাখিব যে আবরিয়া।
 এ বাহিতে আছে এত বিক্রম, তার মহা-মহিমায়,
 এতটুকু প্রাণি আনিতে পাবে না কেউ ও জীবনটায়।'

'তবু মোরে ক্ষমা করিও বন্ধু!' সকিনা কহিল কান্দি,
 'যাবে ভালোবাসি তারে কোন প্রাণে দেব এই দেহ সাধি।'

একটি বিপদ হতে উদ্ধার পাইবার লাগি তার,
 আরটি বিপদে পড়িতে হয়েছে বদলে এ দেহটার।
 পণ্যের মতো দেহটারে সে যে বিলায়েছে জনে জনে,
 ফেন লাগসার লাগি নহে শুধু বাঁচিবার প্রয়োজনে।
 এই মন লয়ে কতজন সনে করিয়াছে অভিনয়,
 কত মিথ্যার নকল রচিয়া ফিরেছে ভুবনময়।
 সে শুধু ক্ষুধার আহ্বারের লাগি কে তাহা বঞ্চিত পাবে?
 সবাই তাহারে চিন্তা করিবে নানা কুৎসিতভাবে।
 সেই মন আর সেই দেহ যাহা সবখানে কদাকার,
 ক্ষেমন করিয়া নিবে তারে যোবা সব চেয়ে আপনার।
 'পায়ে পড়ি তব, শোন গো বন্ধু! ছাড় অভাগীর আশা,
 আমারে লইয়া ভাঙিও না তব আসমান সম বাসা।'

আদিল কহিল, 'বুঝিলাম মেয়ে: রজনী হইলে শেষ,
 রাতের বাসারে উপহাসি' পাখি চলে যায় আর দেশ;
 সকল বিপদ হইতে তোমারে করিয়াছি উদ্ধার,
 আমারে লইয়া তোমার জীবনে প্রয়োজন কিবা আর?'
 'কি কথা শুনালে পরানবন্ধু!' সকিনা কাদিয়া কর,
 'ভীষণ বরশা-শেল যে বিধালে আমার জীবনটায়।
 এত যদি মনে ছিল গো বন্ধু, এই অভাগিনী তরে,
 তোমার পরান অমন করিয়া এমনই যদি বা করে;
 আমারে লইয়া এতই তোমার হয় যদি প্রয়োজন,
 অজি হতে তবে সঁপিলাম পায়ে এই দেহ আর মন।
 সাক্ষী থাকিও আল্লা রসূল! আপন অনিচ্ছায়,
 সবচেয়ে যোবা পবিত্র মম তারে দিনু আমি হয়;
 এই দেহ মন যাহা জনে জনে কলি যে মাথায় গেছে,
 তাই নিল আজি মোর ফেরেশ্তা আপনার হাতে যেচে:
 বনে থাকো তুমি পউষ পান্থালি আমারে করিও দোয়া,
 আজ হতে আমি বন্দী হইনু লইয়া ইহার মায়া।
 অনেক উদ্বেগ থাকো গো তোমরা চন্দ্র-সূর্য দুটি,
 মোদের জীবন রহে যেন সদা তোমাদের মতো ফুটি।
 দোয়া করো তুমি সোনার পতি গো, দোয়া করো তুমি মেঘে,
 তোমার জীবনে জড়ালাম আমি লতার মতন করে।

এ লতা বাধন জননের মতো কখনো যেন না টাটে,
যত ভালোবাসা কুলের মতন রয়ে যেন এতে কটো।

সকিনারে লয়ে অদিল এবার পাতিল সুখের ঘর,
বাবুই পাখিরা মীড় বাঁধে যথা ভালের গাহের পর।
সেঁতেত শেহলা ভাসিতে ভাসিতে এবার পাইল কুল,
অদিল বলিল, 'গাঙের পানিতে কুড়ায়ে পেরেছি কুল।
এই ফুল আমি মালায় গাঁথিয়া গলায় পরিয়া' নেব,
এই ফুল আমি আভর করিয়া বাতাসে ছড়ায়ে দেব।
এই ফুলে আমি লিখন লিখিব, ভালোবাসা দুটি কথা,
এই ফুলে আমি হসিখুশি করে জড়াব জীবন-লতা।'

করিলও তাই, সকিনারে দিয়ে রঙের রঙের শাড়ি,
অদিল কহিল, 'সবগুলি নেঘ এসেছে সন্ধ্যা ছাড়া।
সবগুলি পাখি বঙিন পাখায় করেছে হেথায় মেলা,
সবগুলি রামবনু এসে দেহে জুড়েছে রঙের খেলা।'
ঝলমল মল গয়নায় গাও ঝলমল মল কবে,
ঝিকিঝিকি ঝিকি জোনাক মতিরা হসিছে অ' ধবে।

কৈশোর যৌবন দুহু মেলি গেল

এখনো গন্ধ বন্ধ কোরকে, দুএকটি রাঙা দল,
উঁকি ঝুকি দিয়ে পান করিতেছে ভোরের শিশির জল।
বঙিন অধরে সবল হাসিটি, বিহীন বেলার আগে,
মেঘগুলি যেন রঙে ডুঙডুঙ উষ্মার অনুরাগে।
এ হাসি এখনি কৌতুক হয়ে নাচিবে নানান ঢঙে,
মেঘের আড়ালে কভু লুকোচুরি খেলিবে কতনা রঙে।

১২৬

আঁখি দুটি আজো শঙ্খ-সরল কাজল দীঘির মতো,
কায়ে কলসির আঘাতে এখনো হয় নাই ঢেউ-ক্ষত।
সব কিছু এর মূকুরে এখনো উজ্জ্বল হয়ে ভাসে,
যে আঁসে নিকটে তাহরেই সে যে আদরিয়া ভালোবাসে।

আরো কিছুদিন পরে এই আঁখি বিন্যাদাম হয়ে,
নৃত্যচপল খেলিয়া বেড়াবে মেঘ হতে মেঘে বয়ে।
ওই ভুরু-ধনু আরো বাঁকাইয়া চাহনির তীরগুলি,
কত হতভাঙ্গা মৃগেরে বধিবে কাজলের বিষগুলি।

ওই বাহুদুটি যুগল মমতা, যে হয় নিকটতর,
তাহারি গলায় পরাইয়া দেয় জানে না আপন পর।
কিছুদিন পরে ও বাহু লতায় ফুটিবে মোহের ফুল,
আকর্ষণের মত্ত পড়িয়া ছড়াবে রঙের ভুল।
তাহারি বাঁধনে বন্দী হইতে চির জনমের তবে,
আসিবে কুমার রূপ-গানে তার অধর বাঁশরি ভরে।

বন্ধের পরে আধ-মুকুলিত যুগল কমল দুটি,
এখনো সুবাসে ভরে নাই দিক পল্লব দলে ফুটি।
কিছুদিন পরে ওই মন্দিরে অনঙ্গ নিড়ে পশি,
ভালোবাসিবার মত্ত রচিবে ধ্যানের আসনে বসি।
মত্ত-সিদ্ধ একদিন তার ফুলধনু করি থির,
ফিরাবে ঘুরাবে স্বেচ্ছায় সেথা স্থাপি এ যুগল তীর।

এখনো অফুট কুসুমিত দেহ, জবাকুসুমের দ্যুতি,
আনত উষার নব মেঘদলে রাঙিছে কপের স্তুতি।
নীহারে ভূষিত কুসুম-কমল আধেক মুদিত আঁখি,
সরসী নাচিছে হরষিত দোলে আরশিতে তারে রাখি।
বিহান বেলার আধ ঘুমে পাওয়া আধ স্বপনের স্মৃতি,
দূরগত কোনো সুখদ বাঁশির আবছা মধুর গীতি।
সে যেন উষার হসিত কপোলে স্বেতচন্দন-কোঁটা,
যে যেন পূজার নিবেদিত ফুল দেবতাচরণে লোটা।

১২৮

আরো ফণকাল দাঁড়াও গো মেয়ে! তোমার সোনার হাসি,
আরো ফণকাল দেখে চলে যাই আমি কবি পরবাসী।
আরো ফণকাল করো গো বেলম, ভোরের শিশিরকণা,
তাই দিয়ে যদি হয় কভু কোনো অমরতা-গীতি বোনা।

অগ্নি ক্ষণিকের অতিথি তোমার, তব অনাগত দিনে,
 জনি জনি এই পথিকসখারে লইতে পাবে না চিনে
 ওই দেহ-বীণা বাজিবে সেদিন, হাত চোখ মুখ কান,
 শত তার হয়ে আকাশে বাতাসে ছড়াবে কুহক গান।
 তবির ঝংকারে বনিবে ধবণী, ফুলের তবক হয়ে,
 হাসিবে পতঙ্গী তব-গান গেয়ে ও দেহের দেবালয়ে।
 ভাঙ্গাদের তরে রাখিয়া গেলাম আমার অশীর্বাদ,
 যেন তারা পায় তোমার মাঝারে মোর অপরিহৃত সাধ।

হলুদ বাঁটিছে মেয়ে

হলুদ বাঁটিছে হলুদবরনী মেয়ে,
 হলুদের পাটা হাসিয়া গড়ায় রাঙা অনুরাগে মেয়ে।
 দুই হাতে ধরি কঠিন পুতানে ধসিছে পাটার পরে,
 কাচের চুড়ি যে রিনিক ক্রিনিক নাচিছে খুশির ভরে।
 দুইটি জঙ্ঘা দুইধারে মেনা কাঠ-গড়া কামনার,
 তাহার উপর উঠিতে নামিতে সোনার দেহটি তার;
 মর্দিত দুটি নৃগল সারসী শাড়িসরসীর নীরে,
 ডুবিতে ভাসিতে পুষ্প-ধনুরে স্মারিতছে ঘুরে ফিরে।

হলুদ বাঁটিছে হলুদবরনী মেয়ে,
 রঙিন উবার আবছা হাসিতে আকাশ ফেলিল ছেয়ে।
 মিহি-সুরী গান গুন গুন করে ঘুরিয়ে হাসিল ঠোটে,
 খুশির ভোমরী উড়িয়া স্রীমুখ-পদ্মের দল লোটে।
 বিগত রাতের রভস-সুখের মদিরা জড়িত স্মৃতি,
 সারাটি পাটারে হলুদে জড়ায়ে গড়ায়ে রঙিছে ক্ষিতি।
 গাহের ডালে যে বৃন্দাবলি বসি ভরিয়া দুখানা পাখ,
 লিখিয়া হইতে তারি এতটুকু মেলিছে সুবেলা ডাক।

হলুদ বাঁটিছে হলুদবরনী মেয়ে,
 হলুদে লিখিত রঙিন কহিনী গড়াইছে পাটা বেয়ে।

ডোল-ভরা ধান, কোল-ভরা শিশু, বুক-ভরা মিঠে গান,
 কোকিল-ডাকানো আশ্রয় পাতার কুটিরখান ;
 চাঁদিনী রাতের জোছনা আসিয়া গড়ায় বেড়ার ফাঁকে
 কৃষ্ণ কণ্ঠে বাঁশিটি বাজিয়া আকাশেতে শ্রীতি আঁকে।
 অর্ধেক রাত নকসী-কাঁথাটি মেলন করিয়া ধরি,
 অতি সহজনে আঁকে ফুল-লতা ননের মমতা ভরি।
 সুখ যেন আসি গড়াইয়া পড়ে, সূতার লতালি ফাঁদে,
 মাটির ধরায় টেনে নিয়ে আসে গগনবিহারী চাঁদে।

অনুরোধ

ছিপছিপে তার পাতলা গঠন, রাঙা যে টুকটুক
 সোনা রূপায় ঝলমল দেখলে তাহার মুখ।
 সেই মেয়েটি বলল মোরে দিয়ে একখান খাতা,
 'লিখো কবি ইহার মাঝে যখন খুঁশি যা তা।'

উদ্ভরে তায় কইনু আমি, 'এই যে রূপের ভরী,
 বেয়ে তুমি চলছ পথে আহা মরি মরি।
 যে পথ দিয়ে যাও যে পথে পথিকজনার কুকে,
 ঢেউ ভাঙিয়া এধার ওধার হয় যে কতই সুখে।
 রূপের ডালি চলছ বয়ে, শাড়ির ভাঁজে ভাঁজে,
 কুসুম ফুলের মাঠখানি যে কতই রঙে রাঙে।

একটুখনি দাঁড়াও মেয়ে, অমন মুখের হাসি,
 খানিকটা তার ধরে রাখি দিয়ে কথার ফাঁসি।
 চলছ পথে ছড়িয়ে কতই রঙের রঙের ফুল,
 কিছুটা তার লই যে এঁকে দিয়ে ভাষার ভুল।
 রূপশালী ওই অঙ্গখানি, গয়না শাড়ির ভাঁজে,
 আয়নাখানা সামনে নিয়ে দেখছ কত সাজে
 সত্যি করে বলো কেনো! (এ রূপ দেখে) সবার যেমন লাগে,
 তোমার কাছে লাগে কি তার হাজার ভাগের ভাগে?

মিছের ভোগেই আসে না যা, কেনবা যতন ভরে,
 সাবধানেতে রাখছ তাহায় সবার আড়াল করে!
 রূপ দেখে যার ভালো লাগে, রূপ যে শুধু তার,
 তার হৃদয়ে উথলপাথল রূপের মহিমার।
 কেন তুমি কৃপণ এত! তোমার যাহা নয়,
 পরের ধনে পোদ্দারি কি তোমার শোভা পায়?
 সবই ত যায়, কিছুই ভবে বয় না চিরতরে,
 বাসর রাতের শেষ না হতে রূপের প্রদীপ ঝরে।
 কি করে বা রাখবে তারে? বাহুর বাঁধনখানি,
 এতই শিথিল, পারে না যে রাখতে তারে টানি।

শুধু কথার সরিৎ-সাগর, তাহার নিতল জলে,
 রূপের কমল বয় যে ফুটে মেলি হাজার দলে।
 কথার খাঁচায় বন্দী হতে এই ভঙ্গুর ধরা,
 কত কাল যে করছে সাধন হরে স্বয়ংসর।
 সেই কথাও চিরকালের হয় না চিরদিন,
 সেদিন তোমার আর আমাদের বইবেনাক চিন।

কবিতা

তাহারে কহিনু, 'সুন্দর মেয়ে! তোমাতে কবিতা করি,
 যদি কিছু লিখি ভুরু বাঁকাইয়া রবে না ত দোন ধরি!'
 সে কহিল মোরে, 'কবিতা লিখিয়া তোমার হইবে নাম,
 দেশে দেশে তব হবে সুখ্যাতি, আমি কিবা পাইলাম?'
 শুক হইয়া বসিয়া রহিনু কি দিব জবাব আর,
 সুখ্যাতি তরে যে লেখে কবিতা, কবিতা হয় না তার।
 হৃদয়ের ফুল আপনি যে ফোটে কথার কলিকা ভরি,
 ইচ্ছা করিলে পারিনে ফেটাতে অনেক চেষ্টা করি।
 অনেক ব্যথার অনেক সহ্য, অতল গভীর হতে,
 কবিতার ফুল ভাসিয়া যে ওঠে হৃদয় সাগর স্রোতে!

তারে কহিলেন, তোমার মাঝারে এমন কিছু বা আছে,
 যাহার বলকে আমার হিয়ার অনাহত সুর বাজে :
 তুমিই হয়ত পশিয়া আমার গোপন গহন বনে,
 হৃদয়-বীণায় বাজাইছ নূর কথার কুসুম সনে।
 অগ্নি করি শুধু লেখকের কাজ, যে দেয় হৃদয়ে নড়া,
 কবিতা ত তার : আর যেরা শোনে—কারো নয় এরা ছাড়া।
 মানব জীবনে সবচেয়ে যত সুন্দরতম কথা,
 কবিকার তারই গড়ন গড়িয়া বিলাইছে যথাতথা।
 সেকথা শুনিয়া দাঁত নৌকমান কি জ্বনি হয় না হয়,
 কেহ কেহ করে সমরকন্দ তারি তবে বিনিময়।

হেলেনা

নতুন নাতিনী, সূচরুহাসিনী, মধুরভাষিনী ললনা,
 হলদে চুনেতে মিশাতে কিছুতে হয় না তাহার তুলনা।
 তহার নাসাতে কি যেন ভাষাতে ভোমর গাছিছে গাছনা,
 যুগল আঁখির কাজলদীপির নীরে বিজলির নাছনা।

জোড়া সে ভুরুতে যুগল ধনুতে চাহনি-ভীর যে যোজিত,
 যাহার উপরে হানিবে নেহেরে হইবে জীবনে বধিত।
 যুগল মালিকা গেথেছে কলিঙ্গ যেন বা দুইটি বাহতে,
 হেরি অবরিমা মুখ-চন্দ্রিমা হয়তো গ্রাসিবে বাহতে !

চলনে বলনে ছলনে খেলনে ঝলকে পলকে কবিতা,
 পাত্যাত গলিত নাহার নাচিত বদ্বিবা গুনিত কিছু তা।
 যদি সে আকাশে দাঁড়াইত সহস্রে চাঁদ এসে দশ নখেতে,
 দশ গ্রহে তারা আলোকের ধরা ছড়াত ননের সুখেতে।

উড়িয়া জাহাজে চড়ি না তাই যে গাটের পরনা ভঙিয়া,
 তাহারে দেখিতে যাই যে চকিতে সুদূর আকাশে উড়িয়া।
 সে যাহার গলে ও বাহুগলে পরাবে প্রণয়মালিকা,
 কি তার সাতারে ঘুরিবে বাজারে লইয়া দ্রব্যতালিকা।

হংসগন্ধিনী টলে যে মেদিনী তাহার পারের আশ্রিতে,
যে দেখে তাহার মবে সে আহার তাহার কপের প্রভাতে।
নামেতে হেলেনা কথা যে মেলে না বাগানিতে তার গীতি হে,
কবি শ্রীনগতি মানি অখ্যতি এখানে লিখিলু ইতি যে।

বঙ্গ-বন্ধু

(১৯৭১ সনের ১৬ই মার্চে লিখিত)

মুজিবর রহমান!

ওই নাম যেন বিসৃভিয়াসের অগ্নি-উগরী বান।
বঙ্গদেশের এ প্রান্ত হতে সকল প্রাপ্ত ছেয়ে,
জ্বালায় জ্বলিছে মহা-কালানল ঝঞ্ঝা-অশনি বেয়ে।
বিগত দিনের যত অন্যায় অবিচার ভরা-মার,
হৃদয়ে হৃদয়ে সঞ্চিত হয়ে সহ্যের অপার ;
দিনে দিনে হয়ে বর্ধিত ক্ষীণ শত মজলুম বৃকে,
দক্ষিত হয়ে শত লেনিহান ছিল প্রকাশের মখে ;
তাহাই যেন বা প্রমত্ত হয়ে জ্বলন্ত শিখা ধরি
ওই নামে আজ অশনিদাপটে ফিরিছে ধরনী ভরি।

মুজিবর রহমান!

তব অশ্বেরে মোদের বজ্র করয়েছি পূত-স্নান।
পীড়িত-জনের নিশ্বাস তাব দিয়েছে চলার গতি,
বুলেটে নিহত শহীদেতা তাব অঙ্গে দিয়েছে জ্যোতি ;
দুর্ভিক্ষের দানব তাহারে দেছে অদমা বল,
জঠরে জঠরে অনাহার-জ্বলা করে তাব চকল ;
শত ফতে লেখা অমর কাব হাসপাতালের ঘরে,
মুহুমুই যে ধ্বনিত হইছে তোমার পপের 'পরে।
মায়ের বৃকের ভাগের বৃকের বোনের বৃকের জ্বলা,
তব সম্মুখ পথে পথে আজ দেখয়ে চলিছে আলা
জীবনদানের প্রতিজ্ঞা লয়ে লক্ষ সেনানী পাছে,
তোমার হুকুম তামিলের লাগি সাথে তব চলিয়াছে।

রাজতয় আর কারাশঙ্কল হেলার করেছ জয়,
 কামির মধ্যে—মহত্ব তব কখনো হয়নি ক্ষয়।
 বাংলাদেশের মুকুটবিহীন ভূমি প্রমূর্ত রাজ,
 প্রতি বাঙালির হৃদয়ে হৃদয়ে তোমার তক্ত-তাজ।
 তোমার একটি আঙুল হেলনে অচল যে সরকার
 অফিসে অফিসে ঠালা লেগে গেছে—স্বল্প হুকুমদার।

এই বাংলায় শুনেছি আমরা সকল করিয়া ত্যাগ,
 সম্মাসী বেশে দেশ-বন্ধুর শান্ত-মধুর ডাক।
 শুনেছি আমরা গান্ধীর বাণী—জীবন করিয়া দান,
 মিলাতে পারেনি প্রেম-বন্ধনে হিন্দু-মুসলমান।
 তারা যা পারেনি তুমি তা করেছ, ধর্মে ধর্মে আব,
 জাতিতে জাতিতে ভুলিয়াছে ভেদ সন্তান বাংলার।
 সেনাবাহিনীর অশ্বে চড়িয়া দস্ত-স্বীত ব্রাস,
 কামানগোলাব বুলেটের জোরে হানে বিষাক্ত শ্বাস।
 তোমার হুকুমে তুচ্ছ করিয়া শাসন ব্রাসন ভয়,
 আমরা বাঙালি মৃত্যুর পথে চলেছি অনিতে জয়।

ধন্য এ কবি ধন্য এ যুগে রয়েছে জীবন লয়ে,
 সম্মুখে তার মহাগৌরবে ইতিহাস চলে বয়ে।
 ভুলিব না সেই মহিমার দিন, ভাষার আন্দোলনে;
 বুলেটের ভয় তুচ্ছ করিয়া ছেলেরা দাঁড়াল রণে।
 বরকত আর জব্বার আর সালাম পথের মাঝে,
 পড়ে বলে গেল, ‘আমরা চলি নু ভাইরা আসিও পাছে’।
 উত্তর তার দিয়েছে বাঙালি, জানুয়ারি সত্তরে,
 ঘরের বাহির হইল ছেলেরা বুলেটের মহা-ঝড়ে।
 পথে পথে তারা লিখিল লেখন বুকের রক্ত দিয়ে,
 লক্ষ লক্ষ ছুটিল বাঙালি সেই বাণী ফুকানিয়ে।
 নরিবার সে কি উদ্দাননা যে, ভয় পানাইল ভয়ে,
 পাগলের মতো ছোটো নর-নারী মৃত্যুরে হাঙে লয়ে।
 আরো একদিন ধন্য হইনু সে মহাদৃশ্য হেরি,
 দিকে দিগন্তে বাজিল যেদিন বাঙালির জয়ভেরী।

মহাহংকারে কংস-কারার ভাঙিয়া পাশাণদ্বার,
 বঙ্গ-বন্ধু শেখ মুহিব্বেরে করিয়া আনিল বার।
 আরো একদিন ধন্য হইব, ধন-ধান্যেতে ভরা,
 জ্ঞানে-গরিমায় হসিবে এদেশ সীমিত-বসুন্ধরা।
 মাঠের পাত্রে ফসলেরা আসি স্বতুর বসনে শোভি,
 বরনে সুবাসে অঁকিয়া যাইবে নকসী-কাঁথার ছবি।
 মানুষে মানুষে রহিবে না ভেদ, সকলে সকলকার,
 এক সাথ ভাগ করিয়া খাইবে সম্পদ যত মার।
 পদ্মা-মেঘনা-যমুনা নদীর রূপালীর তার পরে,
 পুরানভুলানো ভাটিয়ালি সুর বাজিবে বিশ্বতরে।
 আম-কাঁঠালের ছায়ায় শীতল কুটিরগুলির তলে,
 সুখ যে আসিয়া গড়াগড়ি করি খেলাইবে কুতূহলে।
 আরো একদিন ধন্য হইব চির-নির্ভীকভাবে,
 আমাদের জাতি নেতার পাগড়ি ধরিয়া জবাব চাবে,
 'কোন অধিকারে জাতির স্বার্থ করিয়াছ বিক্রয়?'
 আমার এদেশ হয় যেন সল সেইরূপ নির্ভয়।

ধামরাই রথ

ধামরাই রথ, কোন অতীতের বৃদ্ধ সূত্রধর,
 কতকাল ধরে গড়েছিল এরে করি অতি মনোহর।
 সূক্ষ্ম হাতের বাটানি ধরিয়া কঠিন কাঠেরে কাটি,
 কত পরী আর লতাপাতা ফুল গড়েছিল পরিপাটি।
 রথের সামনে বৃগল অশ্ব, সেই কত কাল হতে,
 ছুটিয়া চলেছে আজিও তাহারা আসে নাই কোনোমতে।

তারপর এল নিপুণ পটুয়া, সূক্ষ্ম তুলির ঘায়,
 স্বর্ণ হইতে কত দেবদেবী আনিয়া রথের গায়;
 রঙের রেখার মায়ায় বাঁধিয়া চির জনমের তরে,
 মহা সাত্বনা গড়িয়া রেখেছে ভঙ্গুর ধরা পরে।

কৃষ্ণ চলেছে মধুরাব পথে, গোপীরা রথের তলে,
পড়িয়া কহিছে, যেও না বন্ধ মোদের ছাড়িয়া হলে।
অভাগিনী রাধা, আহা তার কথা যুগ যুগ পার হয়ে,
অঝোরে ঝরিছে গ্রামা পোটোর কয়েকটি রেখা নিয়ে।

সীতারে হরিয়া নেছে দশানন, নারীর নির্যাতন
সার' দেশ ভরি হৃদয়ে হৃদয়ে জ্বলারোছে হতশন।
রাম-লক্ষ্মণ সুগ্রীব আর নর বানরের দল,
দশমুণ্ড সে রাবণে বদিয়া বহালো লহর তল।

বসন্তহরণে দ্রৌপদী কাদে, এ অপমানের দাদ,
লইবারে নাছে দেশে দেশে বীর করিয়া ভীষণ নাদ।
কত বীর দিল আত্ম-আহুতি, ভগ্ন শস্ত্র শাখা,
বোঝায় বোঝায় পড়িয়া কত যে নারীর বিলাপ মাথা।
শাশানঘাটা যে রহিয়া রহিয়া মায়েদের ক্রন্দনে,
শিখায় শিখায় জ্বলিছে নিবিছে নব নব ইকনে।

একদল মারে, আর দল পড়ে বাপায়ে শত্রুমাঝে,
আকাশ ধবলী সাজিল সে-দিন রক্তধর সাজে।
তারপর সেই দুর্খোধনেরে সবংশে নিধনিয়া,
ধর্মরাজ্য প্রতিষ্ঠিত যে হলো সারা দেশ নিয়া।
এই ছবিগুলি রথের কাঠের নীলায়িত রেখা হতে,
কালে কালে তাহা রূপায়িত হতো জীবনদানের ব্রতে।
নারীরা জানিত, এমনি হেলেবা সাজিবে যুদ্ধ সাজে,
নারীর-নির্যাতন-কারীদের মহানিধনের কাছে

বহুরে দু-বার বসিত হেথায় রথ-যাত্রার মেলা,
কত যে দোকান পল্লরী আসিত কত সার্কান বেল।
কোথাও গাভীর গানের আনরে খেলের মধুর সুরে,
কত যে বাদশা বাদশাজিদিরা হেথায় বাহিত ঘুরে।
শ্রোতাদের মনে জাগায়ে তুলিত কত মহিমার কথা,
কত আদর্শ নীতির নায়কের পাখিয়া সুরের লতা

পুতুলের মতো ছেলেরা মেয়েরা পুতুল লইয়া হাতে,
খুশি কুসুম ছড়ারে চলিত বাপ ভাইদের সাথে!
কোন যাদুকর গড়েছিল রথ তুচ্ছ কি কাঠ নিয়া,
কি মায়া তাহাতে মোখে দিয়েছিল নিজ হৃদি নিঙাড়িয়া।
তাহারি মায়ায় বছর বছর কোটি কোটি লোক আসি,
রথের সামনে দোলায়ে যাইত প্রীতির প্রদীপ হাসি।

পাকিস্তানের রক্ষাকারীরা পরিয়া নীতির বেশ,
এই রথখানি আগুনে পোড়ায়ে করিল ভস্মশেষ।
শিল্পীহত্যের মহা দাভুনা যুগের যুগের তরে,
একটি নিম্নেষে শেষ করে গেল এসে কোন ধ্বংসেরে!



দুনিয়ার পাঠক এক হও !



Amarboi.com


Like 814

Say Thanks to Humayun Ahmed at www.humayunahmed.org

প্রচ্ছদপট	সূচিপত্র	ই-বুক	উপন্যাস	বইমেলা	ছোটগল্প	আত্মজীবনী	কলাম	বই পরিচিতি	বইয়ের জন্য অনুরোধ	অন্যান্য »
-----------	----------	-------	---------	--------	---------	-----------	------	------------	--------------------	------------

আপনি এখন এখানে : [প্রচ্ছদপট](#) »

Sunday, 1



খিওরি অফ রিলেটিভিটি - মুহম্মদ জাফর ইকবাল

30 Nov 2011 | 1 comments

// খিওরি অফ রিলেটিভিটি E=mc² মুহম্মদ জাফর ইকবাল You can follow us ... [Read more](#)

আলোচিত বইগুলি

Dec/01 পূর্ব পশ্চিম (অখন্ড) - সুনীল গঙ্গোপাধ্যায়

Dec/01 হাঙ্গর নদী প্রেনেড - সেলিনা হোসেন

Dec/01 Winner of Amazon Gift Card

Nov/30 খিওরি অফ রিলেটিভিটি - মুহম্মদ জাফর ইকবাল

Nov/26 তিন ডব্লিউ - হুমায়ূন আহমেদ

Nov/26 অর্ধেক জীবন - সুনীল গঙ্গোপাধ্যায়

Nov/25 AmarBoi Gets Google+ Page. Join. Win A Amazon.com Gift Card!

Nov/23 তেল দেবেন ঘনাদা - বাংলা সম্পূর্ণ কমিক

Nov/22 বৃক্ষকথা - হুমায়ূন আহমেদ

Nov/19 কচ্ছপকাহিনি হুমায়ূন আহমেদ

আরোও আছে

জনপ্রিয় বইগুলি

হিমু এবং হার্ভার্ড পিএইচডি বস্তুভাই - হুম আহমেদ

খিওরি অফ রিলেটিভিটি - মুহম্মদ জাফর ই

মিসির আলি বিষয়ক রচনা যখন নামিবে ত

প্রডিজি - মুহাম্মদ জাফর ইকবাল [বইমেলা

একটি সাইকেল এবং কয়েকটি ডাহুক পাঁি আহমেদ

মেঘের উপর বাড়ি (২০১১ ঈদ) হুমায়ূন আ

হুমায়ূন আহমেদ এবং হুমায়ূন আহমেদ

শার্লক হোমস গল্প সংগ্রহ

রাতুলের রাত রাতুলের দিন - মুহম্মদ জাফর

বৃক্ষকথা - হুমায়ূন আহমেদ

বাংলা বই




পূর্ব পশ্চিম (অখন্ড) - সুনীল গঙ্গোপাধ্যায়



হাঙ্গর নদী প্রেনেড - সেলিনা হোসেন



Winner of Amazon Gift Card



খিওরি অফ রিলেটিভিটি - মুহম্মদ জাফর ইকবাল

আলোচিত বই



খিওরি অফ রিলেটিভিটি - মুহম্মদ জাফর ইকবাল

30 Nov 2011 | 1 comments

// খিওরি অফ রিলেটিভিটি E=mc² মুহম্মদ জাফর ইকবাল You can follow us ... [Read more](#)

Subscribe To Get Free Books!

enter your email address...

subscribe

RECENT POSTS

COMMENTS



পূর্ব পশ্চিম (অখন্ড) - সুনীল গঙ্গোপাধ্যায়
01 DEC 2011

হাঙ্গর নদী প্রেনেড - সেলিনা হোসেন

01 DEC 2011